

3822  
5612144

श्री हर्षपुष्पामृत जैन ग्रन्थमाला – ग्रन्थाङ्कः ७३

श्री महावीर जिनेन्द्राय नमः ।

॥ तपोमूर्ति पूज्याचार्यदेवश्री विजयकर्पूरसूरिगुरुभ्यो नमः । हालारदेशोद्धारक – पूज्याचार्यदेव श्रीविजयामृतसूरिगुरुभ्यो नमः ॥

चतुर्दशपूर्वधर-श्रुतकेवली-श्रीमद्भद्रबाहुस्वामी-विरचितं श्री पर्युषणाकल्पाख्यं

## ॥ श्री कल्पसूत्रम् (बारसा-सूत्रम्) (मूलम्) ॥

संपादकः संशोधकश्च-तपोमूर्ति-पूज्याचार्यदेवश्रीमद्विजयकर्पूरसूरीश्वर-पट्टालङ्कार-हालारदेशोद्धारक

कविरत्न-पूज्याचार्यदेवश्रीमद्विजयामृतसूरीश्वर-पट्टधरः

पूज्याचार्यदेव श्री विजयजिनेन्द्र सूरीश्वरः

प्रकाशिका- श्री हर्षपुष्पामृत जैन ग्रन्थमाला, लाखाबावल-शांतिपुरी (सौराष्ट्र)

मूल्यं रु. ६० – ००

अर्हम्

पू. आ. श्रीविजयकर्पूरामृतसूरिभ्यो नमः ॥  
श्रुतकेवलियुगप्रधान – श्रीमद्भद्रबाहुस्वामि – प्रणितं

॥ श्रीकल्पसूत्रम् ॥

णमो अरिहंताणं, णमो सिद्धाणं, णमो आयरियाणं, णमो उवज्झायाणं, णमो लोए  
सव्वसाहूणं, एसो पंचनमुक्कारो, सव्वपावप्पणासणो, मंगलाणं च सव्वेसिं पढमं हवइ  
मगलं ॥१॥



कल्पसूत्र

॥ १ ॥

ते णं काले णं ते णं समए णं समणे भगवं महावीरे पंच हत्थुत्तरे होत्था ॥ तं जहा-हत्थुत्तरहिं चुए चइत्ता गब्भं वक्कंते, हत्थुत्तराहिं गब्भाओ गब्भं साहरिए, हत्थुत्तराहिं जाए, हत्थुत्तराहिं मुंडे भवित्ता अगाराओ अणगारिअं पव्वइए, हत्थुत्तराहिं अणंते, अणुत्तरे, निव्वाघाए, निरावरणे, कसिणे, पडिपुण्णे, केवलवर-नाणदंसणे समुप्पन्ने, साइणा परिनिव्वुए भयवं ॥ सूत्रं १ ॥

ते णं काले णं ते णं समए णं समणे भगवं महावीरे जे से गिम्हाणं चउत्थे मासे अठ्ठमे पक्खे आसाढसुद्धे तस्स णं आसाढसुद्धस्स छट्ठी पक्खे णं महाविजय-पुप्फुत्तर-पवर-पुण्डरीआओ महाविमाणाओ वीसं सागरोवम-ट्ठिइआओ आउक्खएणं, भवक्खएणं, ठिइक्खएणं, अणंतरं चयं चइत्ता, इहेव जंबुदीवे दीवे भारहे वासे दाहिणड्ढभरहे इमीसे ओसप्पिणीए सुसमसुसमाए समाए विइक्कंताए, सुसमाए समाए विइक्कंताए, सुसमदुस्समाए समाए विइक्कंताए, दुस्समसुसमाए समाए बहु विइक्कंताए सागरोवम-कोडाकोडीए बायालीस-वाससहस्सेहिं ऊणिआए पंचहत्तरीए वासेहिं अब्दनवमेहि अ मासेहिं सेसेहिं इक्कवीसाए तित्थयरेहिं इक्खागकुल-समुप्पन्नेहिं

मूळ

॥ १ ॥

कल्पसूत्र

॥ २ ॥

कासवगुत्तेहिं, दोहिअ हरिवंस – कुल-समुप्पन्नेहिं गोयमसगुत्तेहिं, तेवीसाए तित्थयरेहिं विइक्कंतेहिं समणे भगवं महावीरे चरमतित्थयरे पुव्वतित्थयर-निद्धिठ्ठे माहणकुण्डग्गामे नयरे उसभदत्तस्स माहणस्स कोडालसगुत्तस्स भारिआए देवाणंदाए माहणीए जालंधरसगुत्ताए पुव्वरत्ता – वरत्त-कालसमयंसि हत्थुत्तराहिं नक्खत्तेणं, जोगमुवागएणं आहारवक्कंतीए भववक्कंतीए सरीरवक्कंतीए कुच्छिसि गब्भताए वक्कंते ॥ सू. २ ॥

समणे भगवं महावीरे तिन्नाणोवगए आवि होत्था, चइस्सामि त्ति जाणइ, चयमाणे न जाणइ, चुएमि त्ति जाणइ, जं रयणिं च णं समणे भगवं महावीरे देवाणंदाए माहणीए जालंधरसगुत्ताए कुच्छिसि गब्भत्ताए वक्कंते, तं रयणिं च णं सा देवाणंदा माहणी सयणिज्जंसि सुत्तजागरा ओहीरमाणी ओहीरमाणी इमे एयारूवे, उराले, कल्लाणे, सिवे, धन्ने, मंगल्ले सस्सिरीए चउद्दस महासुमिणे पासित्ता णं पडिबुद्धा ॥ सू. ३ ॥

तं जहाः- गय-वसह-सीह-अभिसेय-दाम-ससि-दिणयरं झयं कुंभं । पउमसर-सागर-विमाण-भवन-रयणुच्चय-सिहिं च ॥१॥ सू. ४॥

तएणं सा देवाणंदा माहणी इमे एयारूवे उराले कल्लाणे सिवे धण्णे मंगले

मूळ

॥ २ ॥

कल्पसूत्र

॥ २ ॥

कासवगुत्तेहिं, दोहिअ हरिवंस – कुल-समुप्पन्नेहिं गोयमसगुत्तेहिं, तेवीसाए तित्थयरेहिं विइक्कंतेहिं समणे भगवं महावीरे चरमतित्थयरे पुव्वतित्थयर-निदिट्ठे माहणकुण्डग्गामे नयरे उसभदत्तस्स माहणस्स कोडालसगुत्तस्स भारिआए देवाणंदाए माहणीए जालंधरसगुत्ताए पुव्वरत्ता – वरत्त-कालसमयंसि हत्थुत्तराहिं नक्खत्तेणं, जोगमुवागएणं आहारवक्कंतीए भववक्कंतीए सरीरवक्कंतीए कुच्छिसि गब्भताए वक्कंते ॥ सू. २ ॥

समणे भगवं महावीरे तिन्नाणोवगए आवि होत्था, चइस्सामि त्ति जाणइ, चयमाणे न जाणइ, चुएमि त्ति जाणइ, जं रयणिं च णं समणे भगवं महावीरे देवाणंदाए माहणीए जालंधरसगुत्ताए कुच्छिसि गब्भत्ताए वक्कंते, तं रयणिं च णं सा देवाणंदा माहणी सयणिज्जंसि सुत्तजागरा ओहीरमाणी ओहीरमाणी इमे एयारूवे, उराले, कल्लाणे, सिवे, धन्ने, मंगल्ले सस्सिरीए चउद्दस महासुमिणे पासित्ता णं पडिबुद्धा ॥ सू. ३ ॥

तं जहाः- गय-वसह-सीह-अभिसेय-दाम-ससि-दिणयरं झयं कुंभं । पउमसर-सागर-विमाण-भवण-रयणुच्चय-सिहिं च ॥१॥ सू. ४॥

तएणं सा देवाणंदा माहणी इमे एयारूवे उराले कल्लाणे सिवे धण्णे मंगले

मूळ

॥ २ ॥



कल्पसूत्र

॥ ३ ॥

सस्सिरीए चउद्दस महासुमिणे पासित्ता णं पडिबुद्धा समाणी हठुतुठ-चित्त-माणंदिआ, पीइमणा, परम-सोमणसिया, हरिस-वस-विसप्पमाण-हिअया, धारा-हय-कयंब-पुप्फगं पिव समुस्ससिअ-रोमकूवा, सुमिणुग्गहं करेइ । सुमिणुग्गहं करित्ता सयणिज्जाओ अब्भुठ्ठेइ, अब्भुठ्ठित्ता अतुरिअ-मचवल-मसंभंताए अविलंबियाए रायहंस-सरिसीए गईए जेणेव उसभदत्ते माहणे तेणेव उवागच्छइ, उवागच्छित्ता उसभदत्तं माहणं जएणं विजएणं बद्धावेइ, बद्धावित्ता भद्दासण-वरगया आसत्था वीसत्था सुहासण-वरगया करयलपरिग्गहियं दसनहं सिरसावत्तं मत्थए अंजलिं कटूटु एवं वयासी ॥ सू. ५॥

एवं खलु अहं देवाणुप्पिया ! अज्ज सयणिज्जंसि सुत्तजागरा ओहीरमाणी ओहीरमाणी इमे एयारूवे उराले जाव सस्सिरीए चउद्दस महासुमिणे पासित्ता णं पडिबुद्धा । तं जहाः-गय जाव सिहिं च ॥१॥ सू. ६॥ एएसिं णं देवाणुप्पिआ ! उरालाणं जाव चउद्दसण्हं महासुमिणाणं के मण्णे कल्लाणे फलवित्ति-विसेसे भविस्सइ ? तए णं से उसभदत्ते माहणे देवाणंदाए माहणीए अंतिए एअमठुं सुच्चा निसम्म हठुतुठ जाव हिअए धाराहय - कयंबपुप्फगं पिव समुस्ससिय - रोमकूवे

मूळ

॥ ३ ॥

कल्पसूत्र

॥ ४ ॥

सुमिणुग्गहं करेइ, करित्ता ईहं अणुपविसइ, इहं अणुपविसित्ता अप्पणो साहाविएणं मइपुव्वएणं बुद्धिविण्णाणेणं तेसिं सुमिणाणं अत्थुग्गहं करेइ, अत्थुग्गहं करित्ता देवाणंद माहणिं एवं वयासी ॥सू. ७॥ उराला णं तुमे देवाणुप्पिए, सुमिणा दिट्ठा, कल्लाणा ण सिवा धन्ना मंगल्ला सस्सिरीआ आरुग्गतुट्ठि-दीहाउ-कल्लाण-मंगल्ल- कारगा णं तुमे देवाणुप्पिए, सुमिणा दिट्ठा, तं जहाः- अत्थलाभो देवाणुप्पिए, भोगलाभो देवाणुप्पिए, पुत्तलाभो देवाणुप्पिए, सुखलाभो देवाणुप्पिए, एवं खलु तुमं देवाणुप्पिए, नवण्हं मासाणं बहुपडिपुन्नाणं अब्भट्ठमाणं राइंदिआणं विइक्कंताणं सुकुमाल - पाणिपायं अहीण- पडिपुण्ण - पंचिंदिअ-सरीरं लक्खण-वंजण - गुणोववेअं माणुम्माण - पमाण-पडिपुन्न- सुजाय-सव्वंग-सुंदरंगं ससि-सोमाकारं कंतं पिअदंसणं सुरूवं देवकुमारोवमं दारयं पयाहिसि ॥सू. ८॥ सेऽवि अ णं दारए उम्मुक्क-बालभावे विन्नाय-परिणय-मित्ते जोव्वणगमणुप्पत्ते रिउव्वेअ - जउव्वेय-सामवेअ - अथव्वणवेअ - इतिहासपंचमाणं निग्घंटुछट्ठाणं संगोवंगाणं सरहस्साणं चउण्हं वेआणं सारए पारए वारए धारए सडंगवी, सट्ठितंत-विसारए संखाणे सिक्खाणे सिक्खाकप्पे वागरणे छंदे निरुत्ते जोइसामयणे

मूळ

॥ ४ ॥



कल्पसूत्र

॥ ५ ॥

अन्नेसु अ बहुसु बंभण्णएसु परिव्वायएसु नएसु सुपरिनिष्ठिए आवि भविस्सइ  
 ॥सू. ९॥ तं उराला णं तुमे देवाणुप्पिए ! सुमिणा दिट्ठा, जाव आरुग्ग-तुट्ठि-  
 दीहाउअ-मंगल्ल-कल्लाण-कारगा णं तुमे देवाणुप्पिए ! सुमिणा दिट्ठत्ति कट्ठु भुज्जो  
 भुज्जो अणुवूहइ ॥सू. १०॥ तए णं सा देवाणंदा माहणी उसभदत्तस्स माहणस्स अंतिए  
 एअमट्ठं सुच्चा निसम्म हट्ठतुट्ठ जाव हिअया जाव करयल-परिग्गहिअं दसनहं सिरसावत्तं  
 मत्थए अंजलिं कट्ठु उसभदत्तं माहणं एवं वयासी ॥सू. ११॥ एवमेअं देवाणुप्पिआ !  
 तहमेअं देवाणुप्पिआ ! अवितहमेअं देवाणुप्पिआ ! असंदिद्धमेअं देवाणुप्पिआ !  
 इच्छिअमेअं देवाणुप्पिया ! पडिच्छिअमेअं देवाणुप्पिया ! इच्छिअ-पडिच्छिअमेअं  
 देवाणुप्पिया ! सच्चे णं एस अट्ठे से जहेयं तुब्भे वयहत्ति कट्ठु, ते सुमिणे सम्मं  
 पडिच्छइ, पडिच्छित्ता उसभदत्तेणं माहणेणं सद्धि उरालाइं माणुस्सगाइं भोगभोगाइं  
 भुंजमाणा विहरइ ॥सू. १२॥ ते णं काले णं ते णं समए णं, सक्के देविंदे देवराया,  
 वज्जपाणी, पुरंदरे, सयक्कउ, सहस्सक्खे, मघवं, पागसासणे, दाहिणड्ढलोगाहिवई,  
 एरावणवाहणे, सुरिंदे, बत्तीस-विमाण-सयसहस्साहिवई, अरयंबर-वत्थधरे, आलइअ

मूळ

॥ ५ ॥

कल्पसूत्र

॥ ६ ॥

—मालमउडे, नव — हेम — चारु — चित्त — चंचल— कुण्डल—विलिहिज्जमाण—गळे, महिह्विए, महज्जुइए, महब्बले महायसे, महाणुभावे, महासुक्खे भासुरबोंदी, पलंब—वणमालधरे, सोहम्मे कप्पे, सोहम्मवडिंसए विमाणे सुहम्माए सभाए, सक्कंसि सीहासणंसि, से जं तत्थ बत्तीसाए विमाणवास—सय—साहस्सीणं, चउरासीए सामाणिअ—साहस्सीणं, तायत्तीसाए तायत्ती—सगाणं, चउण्हं लोगपालाणं, अट्टण्हं अग्गमहिसीणं सपरिवाराणं, तिण्हं परिसाणं, सत्तण्हं अणीआणं सत्तण्हं अणीयाहिवईणं, चउण्हं चउरासीणं आयरक्ख—देवसाहस्सीणं, अन्नेसिं च बहूणं सोहम्मकप्पवासीणं वेमाणिआणं देवाणं देवीण य, आहेवच्चं पोरेवच्चं सामित्तं भट्टित्तं महत्तरगत्तं आणा—ईसर—सेणावच्चं कारेमाणे पालेमाणे, महयाहय—नट्ट—गीअ—वाइअ—तंती—तलताल—तुडिअ—घणमुइंग—पडुपडह—वाइअरवेणं दिव्वाइं भोगभोगाइं भुंजमाणे विहरइ ॥सू. १३॥

इमं च णं केवलकप्पं जंबुद्दीवं दीवं विउलेणं ओहिणा आभोएमाणे आभोएमाणे विहरइ । तत्थ णं समणं भगवं महावीरं जंबुद्दीवे दीवे, भारहे वासे, दाहिणइठभरहे, माहणकुंडग्गामे नयरे, उसभदत्तस्स माहणस्स कोडालसगुत्तस्स भारियाए देवाणंदाए

मूळ

॥ ६ ॥

कल्पसूत्र

॥ ७ ॥

माहणीए जालंधरस - गुत्ताए कुच्छिसि गब्भत्ताए वक्कंतं पासइ, पासित्ता हठ - तुठ -  
 चित्तमाणंदिए, नंदिए, परमाणंदिए, पीइमणे परम-सोमणस्सिए, हरिसवस - विसप्पमाण  
 - हिअए, धाराहयकयंब-सुरहिकुसुम-चंचुमाल-इअ - ऊससिअ-रोमकूवे,  
 विअसिअ-वर-कमलाणण-नयणे, पयलिअ-वर-कडग-तुडिअ-केऊर-मउड-कुंडल-  
 हार-विरायंत-वच्छे, पालम्ब-पलंबमाण-घोलंत-भूसणधरे, ससंभमं तुरिअं चवलं सुरिंदे  
 सीहासणाओ अब्भुट्टेइ, अब्भुट्टित्ता पायपीढाओ पच्चोरुहइ, पच्चोरुहित्ता वेरुलिअ-  
 वरिठ्ठ- रिठ्ठ-अंजण-निउणोवचिअ-मिसिमिसित-मणिरयण-मण्डिआओ पाउआओ  
 ओमुअइ, ओमुइत्ता एगसाडिअं उत्तरासंगं करेइ, करित्ता अंजलि-मउलिअग्गहत्थे  
 तित्थयराभिमुहे सत्तठ्ठ-पयाइं अणुगच्छइ, अणुगच्छित्ता वामं जाणुं अंचेइ, अंचित्ता  
 दाहिणं जाणुं धरणितलंसि साहट्ठु तिक्खुत्तो मुब्बाणं धरणितलंसि निवेसेइ, निवेसित्ता  
 ईसिं पच्चुन्नमइ, पच्चुन्नमित्ता कडग-तुडिअ-थंभिआओ भुआओ साहरेइ, साहरित्ता  
 करयल-परिग्गहिअं दसनहं सिरसावत्तं मत्थए अंजलिं कट्ठु एवं वयासी नमुत्थु  
 णं अरिहंताणं भगवंताणं, आइगराणं, तित्थयराणं, सयं - संबुद्धाणं पुरिसुत्तमाणं,

मूळ

॥ ७ ॥

कल्पसूत्र

॥ ८ ॥

पुरिस-सीहाणं, पुरिसवर-पुंडरीआणं, पुरिसवर-गंधहत्थीणं, लोगुत्तमाणं, लोगनाहाणं, लोगहिआणं, लोगपर्ईवाणं, लोग-पज्जोअगराणं, अभयदयाणं, चक्खुदयाणं, मग्गदयाणं, सरणदयाणं, जीवदयाणं, बोहिदयाणं धम्मदयाणं, धम्मदेसयाणं, धम्मनायगाणं, धम्मसारहीणं, धम्मवर-चाउरंतचक्कवट्ठीणं, दीवो ताणं सरणं गई पइठ्ठा, अप्पडिहय-वर-नाण-दंसण-धराणं, विअट्ठ-च्छउम्माणं, जिणाणं, जावयाणं, तिन्नाणं, तारयाणं, बुद्धाणं, बोहयाणं, मुत्ताणं, मोअगाणं, सव्वन्नूणं, सव्वदरिसीणं, सिव-मयल-मरुअ-मणंत-मक्खय-मव्वाबाह-मपुणरावित्ति-सिद्धिगइ-नामधेयं, ठाणं सम्पत्ताणं, नमो जिणाणं जिअ-भयाणं । नमुत्थु णं समणस्स भगवओ महावीरस्स आइगरस्स चरमतित्थयरस्स पुव्वतित्थयर-निद्धिठ्ठस्स जाव सम्पाविउ-कामस्स । वंदामि णं भगवन्तं तत्थगयं इह गए, पासउ मे भगवं तत्थ गए इह गयं त्ति कट्ठु, समणं भगवं महावीरं वन्दइ नमंसइ, वंदित्ता नमंसित्ता सीहासणवरंसि पुरत्थाभिमुहे सन्निसन्ने, तए णं तस्स सक्कस्स देविन्दस्स देवरन्नो अयमेयारूवे अब्भत्थिए चिंतिए पत्थिए मणोगए संकप्पे समुप्पज्जित्था ॥सू. १४-१५॥ (चित्रा नं. १)

मूळ

चित्रा  
नं.  
१

॥ ८ ॥

कल्पसूत्र

॥ ९ ॥

न खलु एयं भूयं, न एयं भव्वं, न एयं भविस्सं, जण्णं अरिहंता वा चक्कवट्ठी वा बलदेवा वा वासुदेवा वा अंतकुलेसु वा पंतकुलेसु वा तुच्छकुलेसु वा दरिदकुलेसु वा किवणकुलेसु वा भिक्खायरकुलेसु वा, माहणकुलेसु वा, आयाइंसु वा, आयाइंति वा, आयाइस्संति वा ॥सू.१६॥ एवं खलु अरिहंता वा चक्कवट्ठी वा बलदेवा वा वासुदेवा वा, उग्गकुलेसु वा, भोगकुलेसु वा, रायन्नकुलेसु वा, इक्खागकुलेसु वा, खत्तियकुलेसु वा, हरिवंसकुलेसु वा, अन्नयरेसु वा तहप्पगारेसु, विसुद्ध-जाइ-कुल-वंसेसु वा आयाइंसु वा आयाइंति वा आयाइस्संति वा ॥सू.१७॥ अत्थि पूण एसेऽवि भावे लोगच्छेरय-भुए अणंताहिं उस्सप्पिणी-ओसप्पिणीहिं विइक्कंताहिं समुप्पज्जइ, (ग्रन्थाग्रं १००) नामगुत्तस्स वा कम्मस्स अक्खीणस्स, अवेइअस्स, अणिज्जिण्णस्स उदएणं । जन्नं अरिहंता वा, चक्कवट्ठी वा बलदेवा वा, वासुदेवा वा अन्तकुलेसु वा, पन्तकुलेसु वा, तुच्छ ० दरिद ० भिक्खाग ० किविण ० माहणकुलेसु वा, आयाइंसु वा, आयाइंति वा, आयाइस्संति वा, कुच्छिसि गब्भत्ताए वक्कमिंसु वा, वक्कमंति वा, वक्कमिस्संति वा, नो चेव णं जोणी-जम्मण-निक्खमणेणं निक्खमिंसु वा, निक्खमंति वा, निक्खमिस्संति वा ॥सू.१८॥

मूळ

॥ ९ ॥

कल्पसूत्र

॥ १० ॥

अयं च णं समणे भगवं महावीरे जंबुद्वीवे दीवे भारहे वासे माहण-कुण्डग्गामे नयरे  
 उसभदत्तस्स माहणस्स कोडालसगुत्तस्स भारियाए देवाणंदाए माहणीए जालंधरस-गुत्ताए  
 कुच्छिसि गब्भत्ताए वक्कन्ते ॥१९॥ तं जीअमेअं तीअ-पच्चुप्पन्न-मणागयाणं सक्काणं  
 देविंदाणं देवरायाणं, अरिहंते भगवंते तहप्पगारेहंतो अन्तकुलेहंतो पन्तकुलेहंतो  
 तुच्छकुलेहंतो दरिद्वकुलेहंतो भिक्खागकुलेहंतो किविणकुलेहंतो वा, माहणकुलेहंतो वा,  
 तहप्पगारेसु उग्गकुलेसु वा, भोगकुलेसु वा, रायन्नकुलेसु वा, नायकुलेसु वा  
 खत्तिअकुलेसु वा, हरिवंसकुलेसु वा, अन्नयरेसु वा तहप्पगारेसु विसुद्धजाइ-कुल-वंसेसु  
 जाव रज्जसिरिं कारेमाणेसु पालेमाणेसु साहरावित्ताए । तं सेयं खलु मम वि समणं भगवं  
 महावीरं चरमतित्थयरं पुव्वतित्थयर-निद्विड्ढं, माहणकुण्डग्गामाओ नयराओ उसभदत्तस्स  
 माहणस्स भारियाए देवाणंदाए माहणीए जालंधरसगुत्ताए कुच्छिओ खत्तिअकुण्डग्गामे नयरे  
 नायाणं खत्तिआणं सिद्धत्थस्स खत्तिअस्स कासवगुत्तस्स भारियाए तिसलाए खत्तिआणीए  
 वासिठ्ठस-गुत्ताए कुच्छिसि गब्भत्ताए साहरावित्ताए, जे वि अ णं से तिसलाए  
 खत्तिआणीए गब्भे तं वि अ णं देवाणंदाए माहणीए जालंधरसगुत्ताए कुच्छिसि गब्भत्ताए

मूळ

॥ १० ॥

कल्पसूत्र

॥ ११ ॥

साहरावित्तए त्ति कट्टु एवं संपेहेइ, संपेहिता हरिणेगमेसिं अग्गाणी-आहिवइं देवं सदावेइ सदावित्ता एवं वयासी ॥सू. २०॥

एवं खलु देवाणुप्पिआ ! न एअं भूअं, न एअं भव्वं, न एअं भविस्सं, जन्नं अरिहंता वा, चक्खवट्ठी वा, बलदेवा वा, वासुदेवा वा, अन्तकुलेसु वा, पन्तकुलेसु वा, तुच्छकुलेसु वा, दरिदकुलेसु वा, भिक्खागकुलेसु वा, किविणकुलेसु वा, माहणकुलेसु वा, आयाइंसु वा, आयाइंति वा आयाइस्संति वा । एवं खलु अरिहंता वा, चक्खवट्ठी वा, बलदेवा वा, वासुदेवा वा, उग्गकुलेसु वा, भोगकुलेसु वा, राइन्नकुलेसु वा, नायकुलेसु वा, खत्तिअकुलेसु वा, इक्खागकुलेसु वा, हरिवंसकुलेसु वा, अन्नयरेसु वा, तहप्पगारेसु विसुद्ध-जाइ-कुलवंसेसु आयाइंसु वा, आयाइंति वा, आयाइस्संति वा ॥सू. २१॥

अत्थि पुण एसे वि भावे लोगच्छेरयभूए अणंताहिं उस्सप्पिणी-ओसप्पिणीहिं विइक्कंताहिं समुप्पज्जइ नामगुत्तस्स वा कम्मस्स अक्खीणस्स अवेइअस्स अणिज्जिण्णस्स उदएणं । जन्नं अरिहंता वा चक्खवट्ठी वा बलदेवा वा, वासुदेवा वा, अंतकुलसु वा, पंतकुलेसु वा, तुच्छकुलेसु वा, दरिदकुलेसु वा, भिक्खागकुलेसु वा, किविणकुलेसु वा,

मूळ

॥ ११ ॥



कल्पसूत्र

॥ १२ ॥

माहणकुलेसु वा, आयाइंसु वा, आयाइंति वा, आयाइस्संति वा । कुच्छिसि गब्भत्ताए वक्कमिंसु वा, वक्कमंति वा, वक्कमिंसंति वा, नो चेव णं जोणी-जम्मण-निक्खमणेणं निक्खमिंसु वा, निक्खमंति वा, निक्खमिस्संति वा ॥सू. २२॥ अयं च णं समणे भगवं महावीरे जंबुद्वीवे दीवे भारहे वासे माहणकुंडग्गामे नयरे उसभदत्तस्स माहणस्स कोडालसगुत्तस्स भारिआए देवाणंदाए माहणीए जालंधरसगुत्ताए कुच्छिसि गब्भत्ताए वक्कंते ॥सू. २३॥ तं जीअमेअं तीअपच्चुप्पण्ण-मणागयाणं सक्काणं देविंदाणं देवरायाणं अरिहंते भगवंते तहप्पगारेहिंतो अंतकुलेहिंतो पंतकुलेहिंतो तुच्छकुलेहिंतो दरिद्वकुलेहिंतो किविणकुलेहिंतो वणीमगकुलेहिंतो माहणकुलेहिंतो तहप्पगारेसु उग्गकुलेसु वा, भोगकुलेसु वा, रायन्नकुलेसु वा, नायकुलेसु वा, खत्तिअकुलेसु वा इक्खागकुलेसु वा हरिवंसकुलेसु वा, अन्नयरेसु वा तहप्पगारेसु विसुद्ध-जाइ-कुल-वंसेसु साहरावित्ताए ॥सू. २४॥ तं गच्छ णं तुमं देवाणुप्पिए ! समणं भगवं महावीरं माहणकुंडग्गामाओ नयराओ उसभदत्तस्स माहणस्स कोडालसगुत्तस्स भारियाए देवाणंदाए माहणीए जालंधरसगुत्ताए कुच्छिओ खत्तिअकुंडग्गामे नयरे नायाणं खत्तिआणं सिद्धत्थस्स खत्तिअस्स कासवगुत्तस्स

मूळ

॥ १२ ॥

कल्पसूत्र

॥ १३ ॥

भारियाए तिसलाए खत्तिआणीए वासिठ्ठसगुत्ताए कुच्छिसि गब्भत्ताए साहराहि । जे वि अ णं से तिसलाए खत्तिआणीए गब्भे तं पि अ णं देवाणंदाए माहणीए जालंधरसगुत्ताए कुच्छिसि गब्भत्ताए साहराहि, साहरित्ता मम एअमाणत्तिअं खिप्पामेव पच्चप्पिणाहि ॥सू. २५॥ (चित्रा नं. २)

तए णं से हरिणेगमेसी पायत्ताणिआहिवई देवे सक्केणं देविंदेणं देवरन्ना एवं वुत्ते समाने हठ्ठ जाव हिअए करयल जाव त्ति कट्ठु 'एवं जं देवो आणवेइ' त्ति आणाए विणएणं वयणं पडिसुणेइ, पडिसुणित्ता सक्कस्स देविंदस्स देवरन्नो अंतिआओ पडिनिक्खमइ पडिनिक्खमित्ता उत्तरपुरत्थिमं दिसीभागं अवक्कमइ, अवक्कमित्ता वेउव्विअ-समुग्घाएणं समोहणइ, समोहणित्ता संखिज्जाइं जोअणाइं दंडं निसिरइ, तं जहाः-रयणाणं, वयराणं, वेरुलिआणं, लोहिअक्खाणं, मसारगल्लाणं, हंसगब्भाणं, पुलयाणं, सोगंधिआणं, जोईस्साणं, अंजणाणं, अंजणपुलयाणं, जायरूवाणं, सुभगाणं, अंकाणं, फलिहाणं, रिठ्ठाणं, अहाबायरे पुग्गले परिसाडेइ, परिसाडित्ता अहासुहुमे पुग्गले परिआदियइ ॥सू. २६॥ परिआइत्ता दुच्चंपि वेउव्विअ-समुग्घाएणं समोहणइ, समोहणित्ता उत्तर-वेउव्विअं रूवं विउव्वइ, विउव्वित्ता ताए उक्किट्ठाए, तुरिआए,

मूळ

चित्रा

नं.

२

॥ १३ ॥

कल्पसूत्र

॥ १४ ॥

चवलाए, चंडाए, जयणाए, उद्धुआए, सिग्घाए, छेआए, दिव्वाए, देवगईए, वीईवयमाणे  
 वीईवयमाणे तिरिअ-मसंखिज्जाणं दीवसमुद्दाणं मज्झं मज्झेणं जेणेव जंबुद्दीवे भारहे वासे  
 जेणेव माहणकुंडग्गामे नयरे जेणेव उसभदत्तस्स माहणस्स गिहे जेणेव देवाणंदा माहणी  
 तेणेव उवागच्छइ, उवागच्छित्ता आलोए समणस्स भगवओ महावीरस्स पणामं करेइ,  
 पणामं करित्ता देवाणंदाए माहणीए सपरिजणाए ओसोवणिं दलइ, दलित्ता असुहे पुग्गले  
 अवहरइ, अवहरित्ता सुभे पुग्गले पक्खिवइ, पक्खिवित्ता 'अणुजाणउ मे भयवं' ति  
 कट्टु समणं भगवं महावीरं अव्वाबाहं अव्वाबाहेणं दिव्वेणं पहावेणं करयलसंपुडेणं  
 गिण्हइ, करयलसंपुडेणं गिण्हित्ता जेणेव खत्तिअकुंडग्गामे नयरे जेणेव सिद्धत्थस्स  
 खत्तिअस्स गिहे जेणेव तिसला खत्तिआणी तेणेव उवागच्छइ, उवागच्छित्ता तिसलाए  
 खत्तिआणीए सपरिजणाए ओसोवणिं दलइ, दलित्ता असुहे पुग्गले अवहरइ, अवहरित्ता  
 सुहे पुग्गले पक्खिवइ पक्खिवित्ता समणं भगवं महावीरं अव्वाबाहं अव्वाबाहेणं दिव्वेणं  
 पहावेणं तिसलाए खत्तिआणीए कुच्छिसि गब्भत्ताए साहरइ, जे वि अ णं से तिसलाए  
 खत्तिआणीए गब्भे तं पि अ णं देवाणंदाए माहणीए जालंधरसगुत्ताए कुच्छिसि गब्भत्ताए

मूळ

॥ १४ ॥

કલ્પસૂત્ર

॥ ૧૫ ॥

સાહરહ, સાહરિત્તા જામેવ દિસિં પાઝબ્હૂએ તામેવ દિસિં પડિગએ ॥સૂ. ૨૭॥ તાએ  
 ઝવ્કિઠાએ, તુરિયાએ, ચવલાએ, ચંડાએ, જયણાએ, ઝદ્ધુઆએ, સિઘ્ઘાએ, દિવ્વાએ, દેવગઢાએ,  
 તિરિઅ-મસંખિજ્જાણં દીવસમુદ્દાણં મજ્ઝંમજ્ઝેણં જોઅણ-સયસાહસ્સિએહિં વિગ્ગહેહિં  
 ઝપ્પયમાણે જેણામેવ સોહમ્મે કપ્પે સોહમ્મવડિસએ, વિમાણે, સઙ્કંસિ સીહાસણંસિ, સઙ્કે  
 દેવિંદે દેવરાયા, તેણામેવ ઝવાગચ્છઢ, ઝવાગચ્છિત્તા સઙ્કસ્સ દેવિંદસ્સ દેવરન્નો  
 એઅમાણત્તિઅં ખિપ્પામેવ પચ્ચપ્પિણઢ ॥સૂ. ૨૮॥ તેણં કાલેણં તેણં સમએણં સમણે ભગવં  
 મહાવીરે જે સે વાસાણં તચ્ચે માસે પંચમે પક્ખે આસોઅબહુલે તસ્સ ણં આસોઅબહુલસ્સ  
 તેરસીપક્ખેણં બાસીઢ રાઢંદિએહિં વિઢઙ્કંતેહિં તેસીઢમસ્સ રાઢંદિઅસ્સ અંતરા વઢ્ઢમાણે  
 હિઆણુકંપએણં દેવેણં હરિણેગમેસિણા સઙ્કવયણ-સંદિઢ્ઢેણં માહણકુંડગ્ગામાઓ નયરાઓ  
 ઝસભદત્તસ્સ માહણસ્સ કોડાલસગુત્તસ્સ ભારિઆએ દેવાણંદાએ માહણીએ જાલંધરસ-ગુત્તાએ  
 કુચ્છીઓ ઝંત્તિઅકુંડગ્ગામે નયરે નાયાણં ઝત્તિઆણં સિદ્ધત્થસ્સ ઝત્તિઅસ્સ કાસવ  
 ગુત્તસ્સ ભારિઆએ તિસલાએ ઝત્તિઆણીએ વાસિઢ્ઢસ-ગુત્તાએ પુવ્વરત્તા-વરત્ત-કાલ-સમયંસિ  
 હત્થુત્તરાહિં નક્ખત્તેણં જોગ-મુવાગએણં અવ્વાબાહં અવ્વાબાહેણં દિવ્વેણં પહાવેણં કુચ્છિસિ

મૂલ

॥ ૧૫ ॥

कल्पसूत्र

॥ १६ ॥

गब्भत्ताए साहरिए ॥सू. २९॥ ते णं काले णं ते णं समएणं समणे भगवं महावीरे  
तिन्नाणो-वगए आवि होत्था, साहरिज्जिस्सामि त्ति जाणइ, साहरिज्जमाणे नो जाणइ,  
साहरिएमि त्ति जाणइ ॥सू. ३०॥

जं रयणिं च णं समणे भगवं महावीरे देवाणंदाए माहणीए जालंधरस-गुत्ताए  
कुच्छिओ तिसलाए खत्तिआणीए वासिट्ठस-गुत्ताए कुच्छिसि गब्भत्ताए साहरिए, तं  
रयणिं च णं सा देवाणंदा माहणी सयणिज्जंसि सुत्तजागरा ओहीरमाणी ओहीरमाणी इमे  
एआरूवे उराले जाव चउद्दस-महासुमिणे तिसलाए खत्तिआणीए हडेत्ति पासित्ता णं  
पडिबुद्धा । तं जहा-गय वसह जाव सिहिं च-गाहा ॥सू. ३१॥ जं रयणिं च णं समणे  
भगवं महावीरे देवाणंदाए माहणीए जालंधरस-गुत्ताए कुच्छिओ तिसलाए खत्तिआणीए  
वासिट्ठस-गुत्ताए कुच्छिसि गब्भत्ताए साहरिए, तं रयणिं च णं सा तिसला खत्तिआणी  
तंसि तारिसगंसि वासघरंसि अब्भितरओ सचित्त-कम्मे, बाहिरओ दूमिअ-घट्टे मट्ठे,  
विचित्त-उल्लोअ-चिल्लिअ-तले मणि-रयणपणासि-अंधियारे, बहुसम-सुविभत्त-भूमिभागे,  
पंचवन्न-सरस-सुरहि- मुक्क-पुप्फ- पुंजोवयार-कलिए, कालागुरु- पवर-कुंदुरुक्क -

मूळ

॥ १६ ॥

कल्पसूत्र

॥ १७ ॥

तुरुक्क-डज्झंत-धूव-मघमघंत-गंधुद्धुआभिरामे, सुगंध-वरगंधिए, गंधवट्ठिभूए, तंसि  
 तारिसगंसि सयणिज्जंसि सालिंगण-वट्ठिए, उभओ बिब्बोअणे, उभओ उन्नए, मज्झे  
 णयगंभीरे, गंगा - पुलिण - बालुआ - उद्दाल - सालिसए, उवचिअ - खोमिअ-  
 दुगुल्ल - पट्ट-पडिच्छन्ने, सुविरइअ-रयत्ताणे, रत्तंसुअ-संवुडे, सुरम्मे, आइण -  
 गरूअ-बूर-नवणीय-तूल-तुल्ल-फासे, सुगन्ध-वर-कुसुम-चुन्न-सयणोवयार - कलिए,  
 पुव्वरत्ता-वरत्त-काल-समयंसि सुत्तजागरा ओहीरमाणी ओहीरमाणी इमे एयारूवे उराले  
 जाव चउद्दस महासुमिणे पासित्ता णं पडिबुद्धा, तं जहाः-गय १ वसह २ सीह ३  
 अभिसेअ, ४ दाम ५ ससि ६ दिणयरं ७ झयं ८ कुंभं ९ । पउमसर १० सागर ११  
 विमाण १२ भवण १२ रयणुच्चय १३ सिहिं च १४ ॥१॥सू. ३२॥

तए णं सा तिसला खत्तिआणी तप्पढमयाए, चउद्दंत-उसिअ-गलिअ-विपुल-  
 जलहर-हार-निकर-खीरसागर-ससंककिरण-दग-रय-रयय-महासेल-पंडुरं समागय-  
 -महुअर-सुगंध-दाण-वासिअ-कपोलमूलं, देवराय-कुंजर-वरप्पमाणं, पिच्छइ,  
 सजल-घण-विपुल-जलहर-गज्जिअ-गंभीर-चारुघोसं, इभं, सुभं, सव्व-लक्खण-

मूळ

॥ १७ ॥

कल्पसूत्र

॥ १८ ॥

कयंबिअं वरोरुं १ ॥सू. ३३॥ (चित्रा नं. ३)

तओ पुणो धवल-कमलपत्त-पयरा-इरेग-रूवप्पभं, पहा-समुदओवहारेहिं सव्वओ  
चेव दीवयंतं, अइसिरि-भर-पिल्लणा-विसप्पंतकंत-सोहंत-चारु-ककुहं, तणु- सुद्ध-  
सुकुमाल-लोम-निद्धच्छविं, थिरसुबद्ध-मंसलो-वचिअ-लठ्ठ-सुविभत्त-सुंदरंगं, पिच्छइ,  
घण-वट्ठ- लठ्ठ-उक्किठ्ठ-विसिठ्ठ-तुप्पग्ग-तिक्ख-सिंगं, दंतं, सिवं, समाणसोहंत-सुद्धदंतं,  
वसहं, अमिअ-गुण-मंगल-मुहं २ ॥सू. ३४॥

तओ पुणो हारुनिकर-खीरसागर-ससंककिरण-दगरय-रयय-महासेल-पंडुरतरं  
(ग्रंथाग्रं २००) रमणिज्ज - पिच्छणिज्जं, थिर-लठ्ठ - पउठ्ठ - वट्ठ - पीवर -  
सुसिलिठ्ठ-विसिठ्ठ-तिक्ख-दाढा-विडंबिअ-मुहं, परिकम्मिअ-जच्च-कमल-कोमल-  
पमाण-सोभंत-लठ्ठउठ्ठं, रत्तुप्पल-पत्त-मउअ-सुकुमाल-तालु-निल्लालि-अग्गजीहं,  
मूसागय-पवर-कणग-ताविअ-आवत्ता-यंत-वट्ठ- तडिय - विमल - सरिस-नयणं,  
विसाल-पीवर-वरोरुं, पडिपुन्न-विमल-खंधं, मिउ-विसय-सुहुम - लक्खण - पसत्थ  
- विच्छिन्न - केसराडोव- सोहिअं. ऊसिअ-सुनिम्मिअ- सुजाय-अप्फोडिअ-लंगूलं,

मूळ  
चित्रा  
नं.  
३

॥ १८ ॥



कल्पसूत्र

॥ १९ ॥

सोमं, सोमाकारं, लीलायंतं, नह-यलाओ ओवयमाणं, नियग-वयण-मइ-वयंतं, पिच्छइ, सा गाढ-तिक्खग्ग-नहं, सीहं वयण-सिरी-पल्लव-पत्त-चारु-जीहं ३ ॥सू. ३५॥

तओ पुणो पुन्नचंद-वयणा उच्चागय-ट्ठाण-लठ्ठ-संठिअं, पसत्थरूवं, सुपइठ्ठिअ-कणगमय-कुम्म-सरिसो-वमाण-चलणं, अच्चुण्णय-पीण-रइअ-मंसल-उवचिअ-तणु-तंब - निद्ध - नहं, कमल - पलास - सुकुमाल-कर-चरणं कोमल - वरंगुलिं, कुरुविंदा-वत्त-वट्ठाणु-पुव्व-जंघं, निगूढ-जाणुं, गय-वर-कर-सरिस-पीवरोरुं, चामीकर-रइअ-मेहला-जुत्त-कंत-विच्छन्न-सोणिचक्कं, जच्चंजण-भमर-जलय-पयर-उज्जुअ - सम - संहिअ - तणुअ - आइज्ज - लडह - सुकुमाल - मउअ-रमणिज्ज-रोमराइं, नाभि-मंडल-सुंदर-विसाल-पसत्थ-जघणं, करयल-माइअ-पसत्थ-तिवलिअ-मज्झं नाणा-मणि-कणग-रयण-विमल-महा-तवणिज्जा-भरण-भूसण-विराइअ-मंगु-वंगिं, हार-विरायंत-कुंदमाल-परिणद्ध-जलजलित-थणजुअल-विमल-कलसं, आइअ-पत्तिअ-विभूसिएणं सुभग-जालुज्जलेणं मुत्ता-कला-वएणं उरत्थ-दीणार-माल-विरइएणं कंठमणि-सुत्ताएण य कुंडल-जुअलुल्लसंत-अंसोवसत्त-

मूळ

॥ १९ ॥

कल्पसूत्र

॥ २० ॥

सोभं त - सप्प भे णं सोभागु ण - समुद एणं आण ण - कुडुं बि एणं  
 कमलामल - विसाल - रमणिज्ज - लोअणिं, कमल - पज्जलंत - कर - गहिअ - मुक्क - तोयं,  
 लीलावाय - कय - पक्खएणं सुविसद - कासिण - घण - सण्ह - लंबंत - केसहत्थं,  
 पउमद्दह - कमल - वासिणिं, सिरिं, भगवइं पिच्छइ, हिमवंत - सेल - सिहरे  
 दिसा - गइंदोरु - पीवर - कराभि - सिच्चमाणिं ४ ॥सू. ३६॥

तओ पुणो सरस - कुसुम - मंदार - दाम - रमणिज्ज - भूअं, चंपगासोग -  
 पुन्नाग - नाग - पिअंगु - सिरिस - मुग्गर - मल्लिआ - जाइ - जूहि - अंकोल्ल - कोज्ज - कोरिंट -  
 पत्तदमणय - बउल - नवमालिअ - तिलय - वासंतिअ - पउ - मुप्पल - पाडल - कुंदाइ -  
 मुत्त - सहकार - सुरभि - गंधि, अणुवम - मणोहरेणं गंधेणं दस - दिसाओ वि वासयंतं,  
 सव्वोउअ - सुरभि - कुसुम - मल्ल - धवल - विलसंतकंतं - बहुवन्न - भत्तिचित्तं, छप्पय -  
 महुअरि - भमरगण - गुमगुमायंत - निर्लित - गुंजंत - देसभागं, दामं, पिच्छइ नभंगण - तलाओ  
 ओवयंतं ५ ॥सू. ३७॥

ससिं च गोखीर - फेण - दगरय - रयय - कलसपंडुरं, सुहं, हिअय - नयणकंतं,

मूळ

॥ २० ॥

कल्पसूत्र

॥ २१ ॥

पडिपुण्णं, तिमिर - निकर - घण - गुहिर-वितिमिर-करं, पमाण-पक्खंत-  
 रायलेहं, कुमुअवण-विबोहगं, निसा-सोहगं, सुपरिमट्ठ-दप्पण-तलोवमं, हंस-पडु-वन्नं,  
 जोइसमुह-मंडगं, तमरिपुं, मयण-सरापूरं समुद्द-दग-पूरगं, दुम्मणं जणं दइअ-वज्जिअं  
 पाएहिं सोसयंतं, पुणो सोम-चारु-रूवं, पिच्छइ । सा गगण - मंडल - विसाल -  
 सोम-चंकम्ममाण-तिलयं, रोहिणि-मण-हिअय-वल्लहं, देवी पुन्नचंदं समुल्लसंतं ६  
 ॥सू. ३८॥

तओ पुणो तमपडल - परिप्फुडं चेव तेअसा पज्जलंत-रूवं,  
 रत्ता-सोग-पगास-किंसुअ-सुअमुह-गुंजद्ध-राग-सरिसं, कमल-वणालंकरणं, अंकणं  
 जोइसस्स, अंबरतल-पईवं, हिम-पडल-गलग्गहं, गह-गणोरु-नायगं, रत्ति-विणासं,  
 उदयत्थमणेसु मुहुत्त-सुहदंसणं, दुन्निरिक्ख-रूवं, रत्ति-मुद्धंत-दुप्पयार-प्पमदणं,  
 सीअवेग-महणं, पिच्छइ, मेरुगिरि-सयय-परिअट्ठयं, विसालं, सूरं,  
 रस्सी-सहस्स-पयलिअ-दित्तसोहं, ७ ॥सू. ३९॥

तओ पुणो जच्च-कणग-लट्ठि-पइट्ठिअं, समूह - नील-रत्त-पीअ - सुक्किल -

मूळ

॥ २१ ॥

चन्द्रसूत्र

॥ २२ ॥

सुकुमालुल्लसिअ - मोरपिच्छ-कय-मुद्ध्यं, अहिअ-सस्सिरीअं, फालिअ-संखंक-कुंद-  
दगरय-रयय-कलस-पंडुरेण मत्थयत्थेण सीहेण रायमाणेण रायमाणं भित्तुं गगणतल-  
मंडलं चेव ववसिएणं पिच्छइ, सिव-मउअ-मारुअ-लयाहय-कंपमाणं, अइप्पमाणं,  
जण-पिच्छणिज्ज-रूवं ८ ॥सू. ४०॥ (चित्रा नं. ४)

तओ पुणो जच्च-कंचणुज्जलंत-रूवं, निम्मल-जल-पुन्न-मुत्तमं, दिप्पमाण-सोहं,  
कमल-कलाव-परिरायमाणं, पडिपुन्न-सव्व-मंगल-भेअ-समागमं, पवर-रयण-  
परिरायंत-कमलट्ठिअं, नयण-भूसणकरं, पभासमाणं सव्वओ चेव दीवयंतं,  
सोमलच्छी-निभेलणं, सव्वपाव-परिवज्जिअं, सुभं, भासुरं, सिरिवरं, सव्वोउअ-सुरभि-  
कुसुम-आसत्त-मल्लदामं पिच्छइ, सा रयय-पुन्नकलसं ९ ॥सू. ४१॥

तओ पुण रवि-किरण-तरुण-बोहिअ-सहस्सपत्त-सुरभि-तर-पिंजर-जलं,  
जलचर-पहकर-परिहत्थग-मच्छ-परिभुज्जमाण-जल-संचयं, महंतं जलंतमिव कमल-  
कुवलय-उप्पल-तामरस-पुंडरीयोरु-सप्पमाण-सिरि-समुदएणं रमणिज्ज - रूवसोभं,  
पमुइअंत-भमरगण-मत्त-महुअरि-गणु-क्करो-लिज्ज-माण-कमलं, (ग्रं. २५०) कायंबग

मूळ

चित्रा

नं. ४

४

॥ २२ ॥

कल्पसूत्र

॥ २३ ॥

– बलाहय – चक्क–कलहंस–सारस–गव्विय–सउण–गण–मिहुण– सेविज्जमाण–सलिलं,  
पउ–मिणि–पत्तो–वलग्ग–जलबिंदु–निचय–चित्तं, पिच्छइ, सा हिअय–नयण–कंतं,  
पउमसरं नाम सरं, सररूहाभिरामं १० ॥सू. ४२॥

तओ पुणो चंद–किरण–रासि – सरिस – सिरिवच्छ – सोहं, चउगमण –  
पवड्ढमाण–जल–संचयं, चवल – चंचलु – च्चाय – प्पमाण – कल्लोल – लोलंत  
– तोयं, पडु–पवणाहय–चलिअ–चवल–पागड–तरंग–रंगंत–भंग–खोखुब्भमाण–सोभंत–  
निम्मल–उक्कड–उम्मी–सहसंबंध–धावमाणा–वनियत्त–भासुर–तराभिरामं, महामगरमच्छ–  
तिमि–तिमिंगिलि–निरुद्धतिलि–तिलिया–भिघाय–कप्पूर–फेण–पसरं, महानई–तुरिय –  
वेग–समागय–भम–गंगावत्त–गुप्पमाणु–च्चलंत–पच्चोनियत्त – भममाण –  
लोल–सलिलं, पिच्छइ, खीरोय–सायरं सारय–रयणिकर– सोमवयणा ११ ॥सू.४३॥

तओ पुणो तरुण–सूर–मंडल–समप्पहं, दिप्पमाण–सोहं उत्तम–कंचण–महामणि–  
समूह–पवर–तेय–अट्ठ–सहस्स–दिप्पंत–नह–प्पईवं, कणग–पयर– लंबमाण–मुत्ता  
–समुज्जलं, जलंत–दिव्वदामं, ईहामिग–उसभ–तुरग–नर–मगर–विहग–वालग–किंनर–

मूळ

॥ २३ ॥

कल्पसूत्र

॥ २४ ॥

रुरु-सरभ-चमर-संसत्त-कुंजर-वणलय-पउमलय-भत्तिचित्तं, गंधव्वो-पवज्जमाण-  
संपुन्न-घोसं, निच्चं, सजल-घण-विउल-जलहर-गज्जिय-सद्दाणु-नाइणा देवदुंदुहि-  
महारवेणं सयलमवि जीवलोयं पूरयंतं, कालागुरु-पवर-कुंदुरुक्क-तुरुक्क-  
डज्जंत-धूव-वासंग-उत्तम-मघमघंत- गंधुद्धुआ-भिरामं, निच्चा-लोअं, सेअं सेअप्पभं,  
सुर-वरा-भिरामं, पिच्छइ सा साओ-वभोगं, विमाण-वर-पुंडरीयं १२ ॥सू. ४४॥

तओ पुणो पुलग-वेरिंद-नील-सासग-कक्केयण-लोहियक्ख- मरगय-मसारगल्ल-  
पवाल-फलह-सोगंधिय-हंसगब्भ-अंजण-चंदप्पह-वर-रयणेहिं महियल-पइठियं  
गगन-मंडलंतं पभासयंतं, तुंगं, मेरुगिरि-सन्निगासं, पिच्छइ, सा रयण-निकर-रासिं १३  
॥ सू. ४५ ॥

सिहिं च सा विउ-लुज्जल-पिंगल-महु-घय-परिसिच्चमाण-निब्भूम- धगधगाइय-  
-जलंत-जालुज्जला-भिरामं तरतम-जोगजुत्तेहिं जाल-पयरेहिं अन्नन्न-मिव अणुप्पइन्नं,  
पिच्छइ, सा जालुज्जलणग-अंबरं व कत्थइ पयंतं, अइवेग-चंचलं, सिहिं १४ ॥ सू. ४६ ॥

मूळ

॥ २४ ॥

कल्पसूत्र

॥ २५ ॥

इमे एयारिसे सुभे सोमे पियदंसणे सुखवे सुमिणे दट्ठूण, सयणमज्झे पडिबुद्धा अरविंद-लोयणा हरिस-पुलइअंगी “एए चउदस सुविणे, सव्वा पासेई तित्थयर-माया । जं रयणिं वक्कमई, कुच्छिसि महायसो अरहा ॥१॥” ॥सू. ४७॥

तए णं सा तिसला खत्तियाणी इमे एआखवे उराले चउदस महासुमिणे पासित्ता णं पडिबुद्धा समाणी हठुतुठ जाव हियया धाराहय - कयंब - पुप्फगंपि व समुस्ससिअ-रोमकूवा सुमिणुग्गहं करेइ करित्ता सयणिज्जाओ अब्भुट्ठेइ, अब्भुट्ठित्ता पायपीढाओ पच्चोरुहइ, पच्चोरुहित्ता, अतुरिय-मचवल-मसंभंताए, अविलंबियाए, रायहंस-सरिसीए गईए, जेणेव सयणिज्जे जेणेव सिद्धत्थे खत्तिए तेणेव उवागच्छीइ, उवागच्छित्ता सिद्धत्थं खत्तियं ताहिं इठाहिं, कंताहिं, पियाहिं, मणुण्णाहिं, मणामाहिं, उरालाहिं कल्लाणाहिं, सिवाहिं, धन्नाहिं, मंगल्लाहिं, सस्सिरीयाहिं, हियय-गमणिज्जाहिं, हिअय-पल्हायणिज्जाहिं, मिउ-महुर-मंजुलाहिं गिराहिं संलवमाणी २ पडिबोहेइ ॥सू. ४८॥ तए णं सा तिसला खत्तियाणी सिद्धत्थेणं रन्ना अब्भणुण्णाया समाणी नाणामणि-कणग-रयण-भत्ति-चित्तंसि भद्दासणंसि निसीयइ, निसीइत्ता आसत्था वीसत्था

मूळ

॥ २५ ॥



कल्पसूत्र

॥ २६ ॥

सुहासण-वरगया सिद्धत्थं खत्तियं ताहिं इट्ठाहिं जाव संलवमाणी संलवमाणी एवं वयासी ॥ सू. ४९ ॥ एवं खलु अहं सामी ! अज्ज तंसि तारिसगंसि सयणिज्जंसि वण्णओ जाव पडिबुद्धा, तं जहा-‘गय-वसह जाव सिहिं च-गाहा ॥ तं एएसिं सामी ! उरालाणं चउदसण्हं महा-सुमिणाणं के मन्ने कल्लाणे फल-वित्ति-विसेसे भविस्सइ ॥ सू. ५० ॥

तए णं से सिद्धत्थे राया तिसलाए खत्तियाणीए अंतिए एयमठ्ठं सुच्चा निसम्म हठ्ठ तुठ्ठ जाव हियए धाराहय-नीव-सुरहि-कुसुम-चंचु-मालइय-रोमकूवे ते सुमिणे ओगिण्हइ, ते सुमिणे ओगिण्हत्ता, ईहं अणुपविसइ, अणुपविसित्ता अप्पणो साहाविएणं मइपुव्वएणं बुद्धि-विन्नाणेणं तेसिं सुमिणाणं अत्थुग्गहं करेइ, करित्ता तिसलं खत्तियाणिं ताहिं इट्ठाहिं जाव मंगल्लाहिं मिउ-महुर-सस्सिरीयाहिं वग्गूहिं संलवमाणे संलवमाणे एवं वयासी ॥ सू. ५१ ॥ उराला णं तुमे देवाणुप्पिए ! सुमिणा दिट्ठा, कल्लाणा णं तुमे देवाणुप्पिए ! सुमिणा दिट्ठा, एवं सिवा धन्ना मंगल्ला सस्सिरीया आरुग्ग - तुठ्ठि-दीहाउ-कल्लाण- (ग्रं. ३००)- मंगल्ल - कारगाणं तुमे देवाणुप्पिए ! सुमिणा दिट्ठा, तंजहाः - अत्थलाभो देवाणुप्पिए ! भोगलाभो देवाणुप्पिए ! पुत्तलाभो देवाणुप्पिए !

मूळ

॥ २६ ॥

कल्पसूत्र

॥ २७ ॥

सुखलाभो देवाणुप्पिए ! रज्जलाभो देवाणुप्पिए ! एवं खलु तुमे देवाणुप्पिए ! नवण्हं  
 मासाणं बहु-पडिपुन्नाणं अद्धठमाण-राइंदियाणं विइक्कंताणं, अम्हं कुलकेउं, अम्हं  
 कुलदीवं, कुलपव्वयं, कुल-वडिसयं, कुल-तिलयं, कुल- कित्तिकरं कुल- वित्तिकरं,  
 कुल- दिणयरं, कुल-आधारं, कुल - नंदिकरं, कुल-जसकरं, कुल - पायवं,  
 कुल-विवद्धण-करं, सुकुमाल-पाणिपायं, अहीण-पडिपुण्ण- पंचिंदिय - सरीरं,  
 लक्खण - वंजण - गुणोववेयं, माणुम्माण - प्पमाण - पडिपुन्न - सुजाय -  
 सव्वंग - सुंदरंगं, ससि-सोमाकारं, कंतं, पियदंसणं, सुरूवं दारयं पयाहिसि ॥सू. ५२॥  
 से वि य णं दारए उम्मुक्क-बालभावे विन्नाय-परिणयमित्ते जुव्वणग-मणुप्पत्ते सूरे वीरे  
 विक्कंते वित्थिण्ण-विउल-बल-वाहणे रज्जवई राया भविस्सइ ॥ सू. ५३ ॥ तं उराला  
 णं तुमे देवाणु-पिआ ! जाव सुमिणा दिट्ठा, दुच्चंपि तच्चंपि अणुवूहइ, तए णं सा  
 तिसला खत्तियाणी सिद्धत्थस्स रन्नो अंतिए एयमठ्ठं सुच्चा णिसम्म हठ्ठ-तुठ्ठ जाव  
 हियया करयल-परिग्गहियं दसनहं सिरसावत्तं मत्थए अंजलिं कट्ठु एवं वयासी  
 ॥सू. ५४ ॥ एयमेयं सामी ! तहमेयं सामी ! अवि-तहमेयं सामी ! असंदिद्ध-मेयं

मूळ

॥ २७ ॥

कल्पसूत्र

॥ २८ ॥

सामी ! इच्छिय-मेयं सामी ! पडिच्छियमेयं सामी ! इच्छिय-पडिच्छिय-मेयं सामी !  
 सच्चे णं एसमठ्ठे से जहेयं तुब्भे वयह त्ति कट्ठु ते सुमिणे सम्मं पडिच्छइ,  
 पडिच्छित्ता सिद्धत्थेणं रन्ना अब्भणुन्नाया समाणी नाणा-मणि-कणग-रयण-भत्ति -  
 चित्ताओ भद्दासणाओ अब्भुठ्ठेइ, अब्भुठ्ठित्ता अतुरिय-मचवल-मसंभंताए  
 अविलंबियाए रायहंस-सरिसीए गईए जेणेव सए सयणिज्जे तेणेव उवागच्छइ,  
 उवागच्छित्ता एवं वयासी ॥ सू. ५५ ॥

मा मे ते उत्तमा पहाणा मंगल्ला सुमिणा दिट्ठा, अन्नेहिं पाव-सुमिणेहिं  
 पडि-हम्मिस्संति त्ति कट्ठु देवय-गुरुजण-संबद्धाहिं पसत्थाहिं मंगल्लाहिं धम्मियाहिं  
 लट्ठाहिं कहाहिं सुमिण-जागरियं जागरमाणी पडिजागरमाणी विहरइ ॥ सू. ५६ ॥ तए णं  
 सिद्धत्थे खत्तिए पच्चूस-काल-समयंसि कोडुंबिय-पुरिसे सद्दावेइ, सद्दावित्ता एवं वयासी  
 ॥ सू. ५७ ॥ खिप्पामेव भो ! देवाणुप्पिया ! अज्ज सविसेसं बाहिरियं उवट्ठाण-सालं  
 गंधोदग-सित्तं सुइ- संमज्जिओ-वलित्तं सुगंध-वर-पंचवन्न-पुप्फोवयार-कलियं  
 कालागुरु-पवर- कुंदुरुक्क -तुरुक्क डज्झंत- धूव - मघमघंत - गंधुब्धुया -भिरामं

मूळ

॥ २८ ॥

कल्पसूत्र

॥ २९ ॥

सुगंध-वर-गंधियं गंधिवट्टि-भूयं करेह, कारवेह, करित्ता कारवित्ता य सिंहासणं रयावेह, रयावित्ता मम एय-माणत्तियं खिप्पामेव पच्च-प्पिणह ॥ सू. ५८ ॥

तए णं ते कोडुंबिय-पुरिसा सिद्धत्थेणं रण्णा एवं वुत्ता समाणा हठ-तुठ जाव हियया करयल जाव कट्टु एवं सामि त्ति आणाए विणएणं वयणं पडिसुणंति, पडिसुणित्ता सिद्धत्थस्स खत्तियस्स अंतिआओ पडिनिक्खमंति, पडिनिक्खमित्ता जेणेव बाहिरिया उवठाणसाला तेणेव उवागच्छंति, उवागच्छित्ता खिप्पामेव सविसेसं बाहिरियं उवठाणसालं गंधोदय-सित्त-सुइं जाव सीहासणं रयावित्ति, रयावित्ता जेणेव सिद्धत्थे खत्तिए तेणेव उवागच्छंति, उवागच्छित्ता करयल-परिग्गहियं दसनहं सिरसावत्तं मत्थए अंजलिं कट्टु सिद्धत्थस्स खत्तियस्स तमाणत्तियं पच्चप्पिणंति ॥ सू. ५९ ॥ तए णं सिद्धत्थे खत्तिए कल्लं पाउप्पभाए रयणीए फुल्लुप्पल-कमल-कोम-लुम्मी-लियंमि अहापंदुरे पभाए रत्तासोग-प्पगास-किंसुय-सुयमुह- गुंजद्धराग-बंधुजीवग- पारावय - चलण- नयण-परहुअ-सुरत्त-लोअण-जासुअण- कुसुमरासि -हिंगुलय- निअरा- इरेग-रेहंत-सरिसे कमलायर-संड-विबोहए उट्ठियंमि सूरे सहस्स-रस्सिमि दिणयरे

मूळ

॥ २९ ॥

कल्पसूत्र

॥ ३० ॥

तेयसा जलंते तस्स य कर-पहरा-परद्धंमि अंधयारे बालायव-कुंकुमेणं खचियव्वे  
जीवलोए सयणिज्जाओ अब्भुट्ठेइ ॥ सू. ६० ॥ सयणिज्जाओ अब्भुट्ठित्ता पायपीढाओ  
पच्चोरुहइ, पच्चोरुहित्ता जेणेव अट्टणसाला तेणेव उवागच्छइ, उवागच्छित्ता अट्टणसालं  
अणुपविसइ, अणुपविसित्ता अणेग-वायाम-जोग्ग-वग्गण-वामदण-मल्ल-जुद्ध-करणेहिं  
संते परिस्संते, सयपाग-सहस्सपागेहिं सुगंध-वर-तिल्ल-माइएहिं पीणणिज्जेहिं दीवणिज्जेहिं  
मयणिज्जेहिं बिंहणिज्जेहिं दप्पणिज्जेहिं सविंदिय-गाय-पल्हाय-णिज्जेहिं अब्भंगिए  
समाणे, तिल्ल-चम्मंसि निउणेहिं पडिपुन्न-पाणि-पाय-सुकुमाल-कोमल-तलेहिं  
अब्भंगण-परि-मद्वणुव्वलण-करण-गुण-निम्माएहिं छेएहिं दक्खेहिं पट्ठेहिं कुसलेहिं  
मेहावीहिं जिय-परिस्समेहिं पुरिसेहिं अट्ठि-सुहाए मंससुहाए तयासुहाए रोमसुहाए  
चउव्विहाए सुह-परिक्कमणाए संबाहणाए संबाहिए समाणे, अवगय खेयपरिस्समे  
अट्टण-सालाओ पडिनिक्खमइ ॥ सू. ६१ ॥ अट्टणसालाओ पडिनिक्खमित्ता जेणेव  
मज्जणघरे तेणेव उवागच्छइ, उवागच्छित्ता मज्जणघरं अणुपविसइ, अणुपविसित्ता  
स-मुत्तजालाकुला-भिरामे विचित्त-मणि-रयण-कुट्टिम-तले रमणिज्जे न्हाण-मंडवंसि,

मूळ

॥ ३० ॥

कल्पसूत्र

॥ ३१ ॥

नाणा-मणि-रयण-भक्ति-चित्तंसि ण्हाण-पीढंसि सुह-निसण्णे, पुप्फोदएहि अ,  
 गंधोदएहि अ, उण्होदएहि अ, सुहोदएहि अ, सुद्धोदएहि अ, कल्लाण-करण-पवर-  
 मज्जण-विहीए मज्जिए । तत्थ कोउअ-सएहिं बहुविहेहिं कल्लाणग-पवर-मज्जणा-  
 वसाणे, पम्हलसुकुमाल-गंध-कासाइअ-लूहिअंगे, अहय-सु-महग्घ-दूस-रयण-सुसंवुडे,  
 सरस-सुरभि-गोसीस-चंदणा-णुलित्त-गत्ते, सुइ-माला-वण्णग-विलेवणे, आविद्ध-  
 मणि-सुवन्ने कप्पिय-हार-द्धहार-ति-सरय-पालंब-पलंबमाण-कडिसुत्त-सुकय-सोहे,  
 पिणद्ध-गेविज्जे, अंगुलि-ज्जग-ललिय-कया-भरणे, वर-कडग-तुडिय-थंभिय-भूए,  
 अहिय-रूव-सस्सिरीए, कुंडल-उज्जोइ-आणणे, मउड-दित्त-सिरए हारुत्थय-सुकय -  
 रइय-वच्छे, मुद्धिया-पिंगलंगुलिए, पालंब-पलंबमाण-सुकय-पड-उत्तरिज्जे, नाणा-  
 मणि-कणग-रयण-विमल-महरिह-निउणो-वचिय-मिसिमिसित-विरइय-स-सिलिठ्ठ -  
 विसिठ्ठ-लठ्ठ-आविद्ध-वीर-वलए, किं बहुणा ? कप्परुक्खए-विव अलं-  
 किय-विभूसिए नरिंदे, सकोरिंट-मल्ल-दामेणं छत्तेणं धरिज्जमाणेणं सेय-वर-चामराहिं  
 उद्धुव्व-माणीहिं मंगल-जय-सद्द-कयालोए अणेग्गण-नायग-दंड-नायग-राईसर-

मूळ

॥ ३१ ॥

कल्पसूत्र

॥ ३२ ॥

तलवर-माडंबिय - कोडुंबिय - मंति - महामंति - गणग - दोवारिय - अमच्च - चेड -  
 पीढमद्-नगर-निगम-सिद्धि-सेणावइ-सत्थवाह-दूय-संधिवाल-सब्धि संपरिवुडे, धवल-  
 महा-मेह-निग्गए इव गह-गण-दिप्पंत-रिक्ख-तारा-गणाण मज्झे ससिच्च पियदंसणे,  
 नरवई नरिंदे नर-वसहे नर-सीहे अब्भहिय-रायतेय-लच्छीए दिप्पमाणे मज्जण-घराओ  
 पडिनिक्खमइ ॥ सू. ६२ ॥ मज्जणघराओ पडिनिक्खमित्ता जेणेव बाहिरिया उवट्ठाणसाला तेणेव  
 उवागच्छइ, उवागच्छित्ता सीहासणंसि पुरत्थाभिमुहे निसीअइ ॥ सू. ६३ ॥ निसीइत्ता अप्पणो  
 उत्तर - पुरत्थिमे दिसीभाएअट्ठ - भद्दासणाइं सेयवत्थ - पच्चुत्थुयाइं सिद्धत्थय-  
 कय-मंगलो-वयाराइं रयावेइ, रयावित्ता अप्पणो अदूर-सामंते नाणा-मणि-रयण-मंडियं,  
 अहिअ-पिच्छणिज्जं, महग्घ-वर-पट्ट-णुग्गयं, सण्ह-पट्ट-भत्ति-सय-चित्त- ताणं,  
 ईहा-मिय-उसभ-तुरग-नर-मगर-विहग-वालग-किंनर-रुरु-सरभ-चमर- कजर-  
 वणलय - पउमलय-भत्तिचित्तं अब्भितरिअं जवणिअं अंछावेइ, अंछावित्ता  
 नाणा-मणि-रयण- भत्तिचित्तं अत्थ-रय-मिउ- मसूर - गोत्थयं सेयवत्थ - पच्चुत्थुयं  
 सुमउयं अंग-सुह-फरिसगं विसिद्धं तिसलाए खत्तियाणीए भद्दासणं रयावेइ, रयावित्ता

मूळ

॥ ३२ ॥



कल्पसूत्र

॥ ३३ ॥

कोडुंबिय-पुरिसे सदावेइ, सदावित्ता एवं वयासी ॥ सू. ६४ ॥ खिप्पामेव भो देवाणुप्पिया !  
अठ्ठंग-महा-निमित्त-सुत्तत्थ-धारए विविह-सत्थ-कुसले सुविण-लक्खण-पाढए सदावेह,  
तए णं ते कोडुंबिय-पुरिसा सिद्धत्थेणं रन्ना एवं वुत्ता समाणा हठ्ठतुठ्ठ जाव हियया करयल जाव  
पडिसुणंति ॥ सू. ६५ ॥ (चित्र नं. ५)

पडिसुणित्ता सिद्धत्थस्स खत्तियस्स अंतिआओ पडि-निक्खमंति, पडि-निक्खमित्ता  
कुंडगगामं नगरं मज्झं मज्झेणं जेणेव सुविण-लक्खण-पाढगाणं गेहाइं तेणेव उवागच्छंति,  
उवागच्छित्ता सुविण-लक्खण-पाढए सदावेति ॥ सू. ६६ ॥ तएणं ते सुविण- लक्खण-पा  
ढगा सिद्धत्थस्स खत्तिअस्स कोडुंबिअ-पुरिसेहिं सदाविया समाणा हठ्ठतुठ्ठ जाव हियया, णहाया  
कय-बलि-कम्मा, कय-कोउय-मंगल-पायच्छित्ता, सुद्ध-पावेसाइं मंगलाइं वत्थाइं पवराइं  
परिहिआ, अप्पमहग्घा-भरणा-लंकिय-सरीरा, सिद्धत्थय-हरिआलिया -कयमंगल-मुद्धाणा,  
सएहिं सएहिं गेहेहिंतो निग्गच्छंति, निग्गच्छित्ता खत्तिय-कुंडगगामं नगरं मज्झं मज्झेणं  
जेणेव सिद्धत्थस्स रन्नो भवण-वर-वडिंसग-पडिदुवारे तेणेव उवागच्छंति, उवागच्छित्ता  
भवण-वर-वडिंसगे पडिदुवारे एगओ मिलंति, एगओ मिलित्ता जेणेव बाहिरिया

मूळ

चित्र

नं. ५

॥ ३३ ॥

कल्पसूत्र

॥ ३४ ॥

उवठ्ठाण-साला जेणेव सिद्धत्थे खत्तिए तेणेव उवागच्छंति, उवागच्छित्ता करयल जाव अंजलिं कट्टु सिद्धत्थं खत्तियं जएणं विजएणं वद्धाविति ॥ सू. ६७ ॥ तएणं ते सुविण-लक्खण-पाढगा सिद्धत्थेणं रन्ना वंदिअ-पूइअ-सक्कारिअ-सम्माणिआ समाणा पत्तेअं पत्तेअं पुव्व-न्नत्थेसु भद्दासणेसु निसीयंति ॥ सू. ६८ ॥ तएणं सिद्धत्थे खत्तिए तिसलं खत्तियाणिं जवणि-अंतरियं ठावेइ, ठावित्ता पुप्फ-फल-पडिपुण्ण-हत्थे परेण विणएणं ते सुविण-लक्खण-पाढए एवं वयासी ॥ सू. ६९ ॥ एवं खलु देवाणुप्पिआ ! अज्ज तिसला खत्तिआणी तंसि तारिसगंसि जाव सुत्तजागरा ओहीरमाणी ओहीरमाणी इमे एयारूवे उराले चउद्दस महासुमिणे पासित्ता णं पडिबुद्धा ॥ सू. ७० ॥

तं जहा:-गय - वसह जाव सिहिं च गाहा । तं एएसिं चउद्दसण्हं महा-सुमिणाणं देवाणुप्पिया ! उरालाणं के मन्ने कल्लाणे फल-वित्ति-विसेसे भविस्सइ ? ॥ सू. ७१ ॥ तए णं ते सुमिण-लक्खण-पाढगा सिद्धत्थस्स खत्तियस्स अंतिए एयमठ्ठं सोच्चा निसम्म हट्ठतुठ्ठ जाव हियया ते सुमिणे सम्मं ओगिण्हंति, ओगिण्हित्ता ईहं अणुपविसंति, अणुपविसित्ता अन्नमन्नेण सद्धिं संचालेंति, संचालित्ता तेसिं सुमिणाणं

मूळ

॥ ३४ ॥

कल्पसूत्र

॥ ३५ ॥

लद्धट्ठा गहियट्ठा पुच्छियट्ठा वि-णिच्छियट्ठा, अहिगयट्ठा सिद्धत्थस्स रण्णो पुरओ सुमिण  
 – सत्थाइं उच्चारेमाणा उच्चारेमाणा सिद्धत्थं खत्तियं एवं वयासी ॥ सू. ७२ ॥ एवं खलु  
 देवाणुप्पिया ! अम्हं सुमिण-सत्थे बायालीसं सुमिणा तीसं महा-सुमिणा, बावत्तरिं सव्व-  
 सुमिणा दिट्ठा । तत्थ णं देवाणुप्पिया ! अरहंत-मायरो वा, चक्कवट्ठि-मायरो वा, अरहंतंसि  
 वा, चक्कहरंसि वा, गब्भं (ग्रं. ४०० ) वक्क-माणंसि एसिं तीसाए महा-सुमिणाणं इमे  
 चउद्दस महा-सुमिणे पासित्ता णं पडिबुज्झंति ॥ सू. ७३ ॥ तं जहाः-‘गय-वसह’ गाहा ॥ सू.  
 ७४ ॥ वासुदेव-मायरो वा वासुदेवंसि गब्भं वक्कमाणंसि एसिं चउद्दसण्हं महा-सुमिणाणं  
 अन्नयरे सत्त महा-सुमिणे पासित्ता णं पडिबुज्झंति ॥ सू. ७५ ॥

बलदेव-मायरो वा बलदेवंसि गब्भं वक्कमाणंसि एसिं चउद्दसण्हं महा-सुमिणाणं अन्नयरे  
 चत्तारि महा-सुमिणे पासित्ता णं पडिबुज्झंति ॥ सू. ७६ ॥ मंडलिय-मायरो वा मंडलियंसि गब्भं  
 वक्कमाणंसि एसिं चउद्दसण्हं महा-सुमिणाणं अन्नयरं एगं महासुमिणं पासित्ता णं पडिबुज्झंति  
 ॥ सू. ७७ ॥ इमे य णं देवाणुप्पिया ! तिसलाए खत्तिआणीए चउद्दस महा-सुमिणा दिट्ठा,  
 तं उराला णं देवाणुप्पिया ! तिसलाए खत्तियाणीए सुमिणा दिट्ठा जाव मंगल्लकारगा णं

मूळ

॥ ३५ ॥

कल्पसूत्र

॥ ३६ ॥

देवाणुप्पिया ! तिसलाए खत्तियाणिए सुमिणा दिट्ठा, तं जहाः -अत्थ-लाभो देवाणुप्पिया ! भोग-लाभो देवाणुप्पिया ! पुत्त-लाभो देवाणुप्पिया ! सुख-लाभो देवाणुप्पिया ! रज्ज-लाभो देवाणुप्पिया ! एवं खलु देवाणुप्पिया ! तिसला खत्तिआणी नवण्हं मासाणं बहु-पडि - पुन्नाणं अब्बड्डमाणं राइंदियाणं विइक्कंताणं तुम्हं कुल-केउं, कुल-दीवं, कुल-पव्वयं कुल-वडिंसयं कुल-तिलयं कुल-कित्तिकरं कुल-वित्तिकरं कुल-दिणयरं, कुलाधारं, कुल-नंदिकरं, कुल-जसकरं, कुल-पायवं, कुल-तंतु-संताण-विवद्धण-करं, सुकुमाल-पाणिपायं, अहीण-पडिपुन्न-पंचिंदिय-सरीरं, लक्खण - वंजण- गुणोववेयं, माणुम्माण प्पमाण-पडिपुन्न-सुजाय-सव्वंग-सुंदरंगं, ससि-सोमाकारं, कंतं, पियदंसणं, सुरूवं, दारयं पयाहिसि ॥सू. ७८॥ से वि य णं दारए उम्मुक्क-बालभावे विण्णाय-परिणय-मित्ते जोव्वणग-मणुप्पत्ते सूरे वीरे विक्कंते विच्छिन्न-विपुल-बल-वाहणे चाउरंत-चक्कवट्ठी रज्जवई राया भविस्सइ, जिणे वा तेलुक्क-नायगे धम्म-वर-चाउरंत-चक्कवट्ठी ॥सू. ७९॥ तं उराला णं देवाणुप्पिया ! तिसलाए खत्तियाणीए सुमिणा दिट्ठा, जाव आरुग्ग-तुट्ठि-दीहाउ-कल्लाण-मंगल्ल-कारगाणं देवाणुप्पिया ! तिसलाए खत्तियाणीए सुमिणा दिट्ठा ॥सू. ८०॥

मूळ

॥ ३६ ॥

कल्पसूत्र

॥ ३७ ॥

तए णं सिद्धत्थे राया तेसिं सुविण-लक्खण-पाढगाणं अंतिए एयमडुं सोच्चा निसम्म हठुतुठ जाव हियए करयल जाव ते सुविण-लक्खण-पाढए एवं वयासी ॥सू. ८१॥ एवमेयं देवाणुप्पिया ! तहमेयं देवाणुप्पिया ! अ-वितह-मेयं देवाणुप्पिया ! इच्छिय-मेयं देवाणुप्पिया ! पडिच्छिय-मेयं देवाणुप्पिया ! इच्छिय-पडिच्छिय-मेयं देवाणुप्पिया ! सच्चे णं एस-मठ्ठे से जहेयं तुब्भे वयह त्ति कट्टु ते सुमिणे सम्मं पडिच्छइ, पडिच्छित्ता ते सुविण-लक्खण-पाढए विउलेणं असणेणं पुप्फ-वत्थ-गंध-मल्ला-लंकारेणं सक्कारेइ, सम्माणेइ, सक्कारित्ता सम्माणित्ता विउलं जीविया-रिहं पीइदाणं दलइ, दलइत्ता पडि-विसज्जेइ ॥सू. ८२॥ तए णं से सिद्धत्थे खत्तिए सीहासणाओ अब्भुठ्ठेइ, अब्भुठ्ठित्ता जेणेव तिसला खत्तियाणी जवणिअंतरिया तेणेव उवागच्छइ, उवागच्छित्ता तिसलं खत्तियाणि एवं वयासी ॥ सू. ८३ ॥ एवं खलु देवाणुप्पिए ! सुविण-सत्थंसि बायालीसं सुमिणा तीसं महासुमिणा जाव एगं महासुमिणं पासित्ता णं पडिबुज्झंति ॥ सू. ८४ ॥ इमे अ णं तुमे देवाणुप्पिए ! चउद्दस महासुमिणा दिट्ठा, तं उरालाणं तुमे देवाणुप्पिए ! सुमिणा दिट्ठा, जाव जिणे वा तेलुक्क-नायगे धम्म-वर-चाउरंत-चक्कवट्ठी ॥सू. ८५ ॥

मूळ

॥ ३७ ॥

कल्पसूत्र

॥ ३८ ॥

तए णं सा तिसला खत्तियाणी एयमट्ठं सोच्चा निसम्म हट्ठतुट्ठ जाव हयहियया करयल जाव ते सुमिणे सम्मं पडिच्छइ ॥ सू. ८६ ॥ पडिच्छित्ता सिद्धत्थेणं रन्ना अब्भणुन्नाया समाणी नाणा-मणि-रयण-भत्ति-चित्ताओ भद्दासणाओ अब्भुट्ठेइ, अब्भुट्ठित्ता अतुरिय-मचवल-मसंभंताए अविलंबियाए रायहंस-सरिसीए गईए जेणेव सए भवणे तेणेव उवागच्छइ, उवागच्छित्ता सयं भवणं अणुप्पविट्ठा ॥ सू. ८७ ॥ जप्प-भिइं च णं समणे भगवं महावीरे तंसि नायकुलंसि साहरिए, तप्पभिइं च णं बहवे वेसमण-कुंड-धारिणो तिरिय-जंभगा देवा सक्क-वयणेणं से जाइं इमाइं पुरा-पोराणाइं महा-निहाणाइं भवंति, तं जहा-पहीण-सामियाइं, पहीण-सेउयाइं, पहीण-गोत्ता-गाराइं उच्छिन्न-सामियाइं उच्छिन्न-सेउयाइं, उच्छिन्न- गुत्ता-गाराइं, गामा-गर-नगर-खेड-कब्बड-मडंब-दोणमुह-पट्टणा-सम-संबाह-सन्निवेसेसु, सिंघा-डएसु वा, तिएसु वा, चउक्केसु वा, चच्चरेसु वा, चउम्मुहेसु वा, महापहेसु वा, गाम-ट्ठाणेसु वा, नगर-ट्ठाणेसु वा, गाम-निद्धमणेसु वा, नगर-निद्धमणेसु वा, आवणेसु वा, देव-कुलेसु वा, सभासु वा, पवासु वा, आरामेसु वा, उज्जाणेसु वा, वणेसु वा, वण-संडेसु वा, सुसाण-सुन्नागार-गिरिकंदर-संति-सेलो-वट्ठाण-भवण-गिहेसु, वा संनिक्खित्ताइं चिट्ठंति

मूळ

॥ ३८ ॥

कल्पसूत्र

॥ ३९ ॥

ताइं सिद्धत्थ-राय-भवणंसि साहरंति ॥सू. ८८॥ जं रयणिं च णं समणे भगवं महावीरे  
 नायकुलंसि साहरिणं तं रयणिं च णं नायकुलं हिरण्णेणं वड्ढित्था, सुवण्णेणं वड्ढित्था, धणेणं  
 धन्नेणं रज्जेणं रठ्ठेणं बलेणं वाहणेणं कोसेणं कोट्ठागारेणं पुरेणं अंतेउरेणं जणवएणं जसवाएणं  
 वड्ढित्था, विपुल-धण-कणग- रयण- मणि-मोत्तिय- संख-सिल- प्पवाल-  
 रत्त-रयण-माईएणं संत-सार- सावइ-ज्जेणं पीइ-सक्कार-समु-दएणं, अईव अईव  
 अभिवड्ढित्था, तएणं समणस्स भगवओ महावीरस्स अम्मापिऊणं अय-मेया-रूवे  
 अब्भत्थिए चिंतिए पत्थिए मणोगए संकप्पे समु-प्पज्जित्था ॥ सू. ८९ ॥ जप्पभिइं च णं अम्हं  
 एस दारए कुच्छिसि गब्भ-ताए वक्कंते. तप्पभिइं च णं अम्हे हिरण्णेणं वड्ढामो, सुवण्णेणं  
 वड्ढामो, धणेणं धन्नेणं जाव संत-सार- सावइज्जेणं पीइसक्कारेणं अईव अईव अभिवड्ढामो,  
 तं जया णं अम्हं एस दारए जाए भविस्सइ तया णं अम्हे एयस्स दारगस्स एयाणु-रूवं गुणं  
 गुण-निप्फन्नं नामधिज्जं करिस्सामो वड्ढ-माणु त्ति ॥ सू. ९० ॥

तए णं समणे भगवं महावीरे माउय-अणुकंपणट्ठाए निच्चले निप्फंदे निरेयणे  
 अल्लीण-पल्लीण-गुत्ते यावि होत्था ॥ सू. ९१ ॥ तए णं तीसे तिसलाए खत्तियाणीए

मूळ

॥ ३९ ॥

कल्पसूत्र

॥ ४० ॥

अय-मेया-रूवे जाव संकप्पे समुप्पज्जित्था । हडे मे से गब्भे, मडे मे से गब्भे, चुए मे से गब्भे, गलिए मे से गब्भे, एस मे गब्भे पुव्वि एयइ, इयाणि नो एयइ त्ति कट्ठु, ओहय-मण-संकप्पा चिंता-सोग-सागरं संपविट्ठा, करयल-पल्हत्थ-मुही अट्ठ-ज्झाणो-वगया भूमिगय-दिठ्ठिया झियायइ, तं पि य सिद्धत्थ-रायवर-भवनं उवरय-मुइंग-तंती-तल-ताल-नाडइज्ज-जण- मणुज्जं दीण-विमणं विहरइ ॥ सू. ९२ ॥ तए णं से समणे भगवं महावीरे माऊए अय-मेया-रूवं अब्भत्थियं पत्थियं मणोगयं संकप्पं समुप्पन्नं वियाणित्ता एगदेसेणं एयइ, तए णं सा तिसला खत्तियाणी हट्ठतुठ्ठ जाव हिअया एवं वयासी ॥ सू. ९३ ॥ नो खलु मे गब्भे हडे, जाव नो गलिए, एस मे गब्भे पुव्वि नो एयइ, इयाणि एयइ त्ति कट्ठु, हट्ठतुठ्ठ जाव हियया एवं विहरइ, तए णं समणे भगवं महावीरे गब्भत्थे चेव इमेया-रूवं अभिग्गहं अभिगिण्हइ, “नो खलु मे कप्पइ अम्मा-पिऊहिं जीवन्तेहिं मुंडे भवित्ता अगाराओ अणगारियं पव्वइत्तए” ॥ सू. ९४ ॥ तए णं सा तिसला खत्तियाणी ण्हाया कय-बलि-कम्मा कय-कोउय-मंगल-पायच्छित्ता जाव सव्वा-लंकार-विभूसिया तं गब्भं नाइ-सीएहिं, नाइ-उण्हेहिं, नाइ-तित्तेहिं, नाइ-कडुएहिं, नाइ-कसाएहिं, नाइ-अंबिलेहिं, नाइ-महुरेहिं,

मूळ

॥ ४० ॥



कल्पसूत्र

॥ ४१ ॥

नाइ-निद्धेहिं, नाइ-लुक्खेहिं, नाइ-उल्लेहिं, नाइ-सुक्केहिं, सव्व-त्तुग-भयमाण-सुहेहिं, भोयणा-च्छायण-गंध-मल्लेहिं, ववगय-रोग-सोग-मोह-भय-परिस्समा, सा जं तस्स गब्भस्स हिअं मियं पत्थं गब्भ-पोसणं तं देसे य काले य आहार-माहारेमाणी, विवित्त-मउएहिं सयणा-सणेहिं पइरिक्क-सुहाए मणा-णुकूलाए विहार-भूमीए, पसत्थ-दोहला, संपुण्ण-दोहला, सम्माणिय-दोहला, अविमाणिय-दोहला, वुच्छिन्न-दोहला, ववणीय-दोहला सुहं सुहेणं आसइ, सयइ, चिठ्ठइ, निसीयइ, तुयट्ठइ, विहरइ, सुहं सुहेणं तं गब्भं परिवहइ ॥ सू. ९५ ॥ (चित्र नं. ६)

ते णं काले णं ते णं समए णं समणे भगवं महावीरे, जे से गिम्हाणं पढमे मासे दुच्चे पक्खे चित्तसुद्धे तस्स णं चित्तसुद्धस्स तेरसी-दिवसेणं नवण्हं मासाणं बहुपडिपुन्नाणं अब्बट्ठमाणं राइंदियाणं विइक्कंताणं उच्चव्हाण-गएसु गहेसु, पढमे चंदजोगे, सोमासु दिसासु वितिमिरासु विसुद्धासु, जइएसु सव्व-सउणेसु, पयाहिणा-णुकूलंसि भूमि-सप्पंसि मारुयंसि पवायंसि, निप्फण्ण-मेइणीयंसि कालंसि, पमुइअ-पक्कीलिएसु जणवएसु, पुव्व-रत्ता-वरत्त-काल-समयंसि हत्थुत्तराहिं नक्खत्तेणं चंदेणं जोग-मुवागएणं आरुग्गारुग्गं दारयं पयाया

मूळ

चित्र  
नं. ६

॥ ४१ ॥

कल्पसूत्र

॥ ४२ ॥

॥ सू. ९६ ॥ जं रयणिं च णं समणे भगवं महावीरे जाए सा णं रयणी बहूहिं देवेहिं देवीहि  
 य ओवयंतेहिं उप्पयंतेहिं य उप्पिजल-माण-भूया कह-कहग-भूया आवि हुत्था ॥ सू.  
 ९७ ॥ जं रयणिं च णं समणे भगवं महावीरे जाए तं रयणिं च णं बहवे  
 वेसमण-कुंडधारी-तिरियजंभगा देवा सिद्धत्थ-राय-भवणंसि हिरण्ण-वासं च,  
 सुवण्ण-वासं च, वयर-वासं च, वत्थ-वासं च, आभरण-वासं च, पत्त-वासं च, पुप्फ-वासं  
 च, फल-वासं च, बीय-वासं च, मल्ल-वासं च, गंध-वासं च, चुण्ण-वासं च, वण्ण-वासं च,  
 वसुहार-वासं च वासिसु ॥ सू. ९८ ॥ (चित्र नं. ७) तए णं से सिद्धत्थे खत्तिए  
 भवणवइ-वाणमंतर-जोइस-वेमाणिएहिं देवेहिं तित्थयर-जम्मणा-भिसेय-महिमाए कयाए  
 समाणीए पच्चूस-काल-समयंसि नगर-गुत्तिए सदावेइ सदावित्ता एवं वयासी ॥ सू. ९९ ॥  
 खिप्पामेव भो देवाणुप्पिया ! खत्तिय-कुंडग्गामे नगरे चारग-सोहणं करेह, करित्ता माणु-  
 म्माण-वद्धणं करेह, करित्ता कुंडपुरं नगरं सब्भितर-बाहिरियं आसिअ-संमज्जिओ-वलित्तं  
 सिंधाडग-तिय-चउक्क-चच्चर-चउम्मुह-महापह-पहेसु सित्त-सुइ-सम्मठु-रत्थंत-रावण-  
 वीहियं, मंचाइमंच-कलियं, नाणाविह-राग-भूसिय-ज्झय-पडाग-मंडियं, लाउ-ल्लोइय-

मूळ

चित्र  
नं. ७

॥ ४२ ॥

कल्पसूत्र

॥ ४३ ॥

महियं, गोसीस-सरस-रत्तचंदण-ददर-दिन्न-पंचंगुलि-तलं उवचिय-चंदण-कलसं  
 चंदण-घड-सुकय-तोरण-पडिदुवार-देसभागं आसत्तोसत्त-विपुल-वट्ट-वग्घारिय-  
 मल्लदाम- कलावं, पंचवण्ण-सरस-सुरहि- मुक्क-पुप्फ-पुंजो-वयार-कलियं, कालागुरु-  
 पवर-कुंदु-रुक्क-तुरुक्क-डज्झंत-धूव-मघमघंत-गंधु-द्धुया-भिरामं सुगन्ध-वर-गंधियं  
 गंधवट्टि-भूयं नडनट्टग-जल्ल-मल्ल-मुट्ठिय-वेलंबग-पवग-कहग-पाढग-लासग-  
 आरक्खग-लंख-मंख-तूणइल्ल-तुंबवीणिय-अणेग-तालायराणु-चरियं करेह, कारवेह,  
 करित्ता कारवित्ता य जूय-सहस्सं मुसल-सहस्सं च उस्सवेह, उस्सवित्ता मम एय-माणत्तियं  
 पच्च-प्पिणह ॥ सू. १०० ॥

तए णं ते कोडुंबिय-पुरिसा सिद्धत्थेणं रण्णा एवं वुत्ता समाणा हट्ठतुट्ठ जाव हियया करयल  
 जाव पडिसुणित्ता खिप्पामेव कुंडपुरे नगरे चारग-सोहणं जाव उस्सवित्ता जेणेव सिद्धत्थे  
 खत्तिए तेणेव उवागच्छंति उवागच्छित्ता करयल जाव कट्टु सिद्धत्थस्स खत्तियस्स रण्णो  
 तमा-णत्तियं पच्चप्पिणंति ॥ सू. १०१ ॥ तए णं से सिद्धत्थे राया जेणेव अट्टण-साला तेणेव  
 उवागच्छइ, उवागच्छित्ता जाव सव्वो-रोहेणं सव्वपुप्फ-गन्ध-वत्थ-मल्ला

मूळ

॥ ४३ ॥

कल्पसूत्र

॥ ४४ ॥

—लंकार—विभूसाए, सव्व—तुडिय—सद्द—निनाएणं, महया इड्ढीए, महया जुइए, महया बलेणं, महया वाहणेणं, महया समुदएणं, महया वर—तुडिय—जमग—समग—प्पवाइएणं, संख—पणव—पडह—भेरि—झल्लरि—खरमुहि—हुडुक्क—मुरज—मुइंग— दुंदुहि — निग्घोस—नाइय—रवेणं उस्सुक्कं, उक्करं, उक्किट्ठं, अदिज्जं, अमिज्जं, अभडप्पवेसं, अदंड— कुदण्डिमं, अधरिमं, गणियावर—नाडइज्ज —कलियं अणेग—तालायरा—णुचरियं, अणुब्बुय— मुइंगं, (ग्रन्थाग्रं ५००) अमिलाय—मल्लदामं, पमुइय—पक्कीलिय—सपुर—जणजाणवयं दसदिवसं ठिइवडियं करेति ॥ सू. १०२ ॥ तए णं सिद्धत्थे राया दसाहियाए ठिइ—वडियाए वट्टमाणीए, सइए अ साहस्सिए अ, सय—साहस्सिए य, जाए य, दाए अ, भाए अ, दलमाणे अ, दवावेमाणे अ, सइए अ, साहस्सिए अ, सय—साहस्सिए अ, लंभे पडिच्छमाणे अ पडिच्छावेमाणे अ एवं वा विहरइ ॥ सू. १०३ ॥ तए णं समणस्स भगवओ महावीरस्स अम्मापियरो पढमे दिवसे ठिइवडियं करेति, तइए दिवसे चन्द—सूर—दंसणीयं करेति, छठ्ठे दिवसे धम्म—जागरियं जागरेन्ति इक्कारसमे दिवसे वइक्कंते, निव्वत्तिए असुइ— जम्म—कम्म—करणे, संपत्ते बारसाहे दिवसे, विउलं असणं पाणं खाइम साइमं उवक्खडावेति, उवक्खडावित्ता

मूळ

॥ ४४ ॥

कल्पसूत्र

॥ ४५ ॥

मित्त-नाइ-नियग-सयण-संबंधि-परिजणं नायए खत्तिए य आमंतेति, आमन्तित्ता तओ पच्छा ण्हाया कय-बलिकम्मा कय-कोउय-मंगल-पायच्छित्ता सुद्ध-प्पावेसाइं मंगलाइं, पवराइं वत्थाइं परिहिया अप्प-महग्घा-भरणा-लंकिय-सरीरा भोयण-वेलाए भोयण-मण्डवंसि सुहासण-वरगया तेणं मित्त-नाइ-नियग-सयण-संबंधि-परिजणेणं नायएहिं खत्तिएहिं सद्धिं तं विउलं असणं पाणं खाइमं साइमं आसाएमाणा विसाएमाणा परिभुंजेमाणा परिभाएमाणा एवं वा विहरन्ति ॥ सू. १०४ ॥ जिमिय भुत्तु-त्तरागया वि य णं समाणा आयंता चोक्खा परम-सुइभुया तं मित्त-नाइ-नियग-सयण-संबंधि-परिजणं नायए खत्तिए य विउलेणं पुप्फ-वत्थ-गंध-मल्ला-लंकारेणं सक्कारेति सम्माणेति सक्कारित्ता सम्माणित्ता तस्सेव मित्त-नाइ-नियग-सयण-संबन्धि-परिजणस्स नायाण य खत्तियाण य पुरओ एवं वयासी ॥ सू. १०५ ॥ (चित्रा नं. ८-९)

पुंविं पि णं देवाणुप्पिया ! अम्हं एयंसि दारगंसि गब्भं वक्कंतंसि समाणंसि इमे एयारूवे अब्भत्थिए जाव समुप्पज्जित्था-जप्पभिइं च णं अम्हं एस दारए कुच्छिसि गब्भत्ताए वक्कंते तप्पभिइं च णं अम्हे हिरण्णेणं वड्ढामो, सुवण्णेणं धणेणं धन्नेणं रज्जेणं जाव सावइज्जेणं

मूळ

चित्रा  
नं.  
८-९

॥ ४५ ॥

कल्पसूत्र

॥ ४६ ॥

पीड-सक्कारेणं अईव अईव अभिवड्ढामो, सामन्त-रायाणो वसमागया य ॥ सू. १०६ ॥ तं जया  
 णं अम्हं एस दारए जाए भविस्सइ तया णं अम्हे एयस्स दारगस्स इमं एयाणुरूवं गुण्णं गुण  
 - निप्फन्नं नामधिज्जं करिस्सामो वद्धमाणु त्ति । ता अम्हं अज्ज मणोरह-संपत्ती जाया, तं होउ  
 णं अम्हे कुमारे वद्धमाणे नामेणं ॥ सू. १०७ ॥ समणे भगवं महावीरे कासवगुत्ते णं तस्स णं  
 तओ नामधिज्जा एव-माहिज्जंति, तं जहा-अम्मा-पिउ-संतिए वद्धमाणे १, सह-समुइयाए  
 समणे २, अयले भयभेरवाणं, परीसहो-वसग्गाणं, खंतिखमे, पडिमाणं पालए, धीमं  
 अरति-रतिसहे, दविए, वीरिय-संपन्ने देवेहिं से णामं कयं समणे भगवं महावीरे ३ ॥ सू. १०८ ॥  
 समणस्स भगवओ महावीरस्स पिया कासव-गुत्ते णं तस्स णं तओ नामधिज्जा एवमाहिज्जंति,  
 तं जहा:-सिद्धत्थे इ वा, सिज्जंसे इ वा, जसंसे इ वा । समणस्स भगवओ महावीरस्स माया  
 वासिठ्ठस-गुत्ते णं तीसे तओ नामधिज्जा एव-माहिज्जन्ति, तं जहा-तिसला इ वा,  
 विदेहदिन्ना इ वा, पीडकारिणी इ वा । समणस्स भगवओ महावीरस्स पित्तिज्जे सुपासे, जिठ्ठे  
 भाया नंदिवद्धणे, भगिणी सुदंसणा, भारिया जसोया कोडिन्ना-गुत्ते णं । समणस्स भगवओ  
 महावीरस्स धूआ कासवगुत्ते णं तीसे दो नामधिज्जा एव-माहिज्जंति, तं जहा-अणोज्जा इ वा,

मूळ

॥ ४६ ॥

कल्पसूत्र

॥ ४७ ॥

पियदंसणा इ वा । समणस्स भगवओ महावीरस्स नत्तुई कासवगुत्तेणं तीसे णं दो नामधिज्जा  
 एव-माहिज्जंति, तं जहा-सेसवई इ वा, जसवई इ वा ॥ सू. १०९ ॥ समणे भगवं महावीरे दक्खे  
 दक्खपइन्ने पडिरूवे आलीणे भद्दए विणीए नाए नायपुत्ते नायकुल-चन्दे विदेहे विदेह-दिन्ने  
 विदेह-जच्चे विदेह-सूमाले तीसं वासाइं विदेहंसि कट्टु अम्मा-पिऊहिं देवत्त-गएहिं गुरु-  
 महत्तरएहिं अब्भणुण्णाए सम्मत्त-पइन्ने पुणरवि लोयंतिएहिं जीय-कप्पिएहिं देवेहिं ताहिं इट्ठाहिं  
 जाव वग्गूहिं अणवरयं अभिनन्दमाणा य अभिथुव्वमाणा य एवं वयासी ॥ सू. ११० ॥  
 (चित्र नं.१०)

जय जय नन्दा ! जय जय भद्दा ! भद्दं ते जय जय खत्तिय-वर-वसहा ! वुज्झाहि भगवं !  
 लोग-णाहा ! सयल-जग-ज्जीव-हियं पवत्तेहि धम्म-तित्थं हिअ-सुह-निस्सेयस-करं  
 सव्वलोए सव्वजीवाणं भविस्सइ त्ति कट्टु जय-जय-सद्दं पउंजंति ॥ सू. १११ ॥ पुविं पि णं  
 समणस्स भगवओ महावीरस्स माणुस्सगाओ गिहत्थ-धम्माओ अणुत्तरे आहोइए अप्पडिवाई  
 नाणदंसणे हुत्था । तए णं समणे भगवं महावीरे तेणं अणुत्तरेणं आहोइएणं नाण-दंसणेणं  
 अप्पणो निक्खमण-कालं आभोएइ, आभोइत्ता चिच्चा हिरण्णं, चिच्चा सुवण्णं, चिच्चा धणं,

मूळ

चित्र

नं. १०

॥ ४७ ॥

कल्पसूत्र

॥ ४८ ॥

चिच्चा रज्जं, चिच्चा रठुं, एवं बलं वाहणं कोसं कोठ्ठागारं, चिच्चा पुरं, चिच्चा अंतेउरं, चिच्चा जणवयं, चिच्चा विपुल-धण-कणग-रयण-मणि-मोत्तिय-संख-सिल-प्पवाल-रत्त-रयण-माइअं संत-सार-सावइज्जं, विच्छड्डुइत्ता विगोवइत्ता दाणं दायारेहिं परिभाइत्ता दाणं दाइयाणं परिभाइत्ता ॥ सू. ११२ ॥ ते णं काले णं ते णं समए णं समणे भगवं महावीरे जे से हेमंताणं पढमे मासे पढमे पक्खे मग्गसिर-बहुले तस्स णं मग्गसिर-बहुलस्स दसमी पक्खे णं पाईण-गामिणाए छायाए पोरिसीए अभि-निव्वट्टाए पमाण-पत्ताए सुव्वए णं दिवसे णं, विजए णं मुहुत्ते णं, चंदप्पभाए सिबियाए सदेव-मणुया-सुराए परिसाए सम-णुगम्म-माण-मग्गे संखिय-चक्किय-लंगलिय-मुह-मंगलिय-बद्धमाण-पूसमाण-घंटिय-गणेहिं ताहिं इट्ठाहिं जाव वग्गूहिं अभि-नंदमाणा अभि-थुव्वमाणा य एवं वयासी ॥ सू. ११३ ॥ जय जय नंदा ! जय जय भद्दा ! भद्दं ते खत्तिय-वर-वसहा अभग्गेहिं नाण-दंसण-चरित्तेहिं अजियाइं जिणाहि इंदियाइं, जियं च पालेहि समण-धम्मं, जिय-विग्घो वि य वसाहि तं देव ! सिद्धि-मज्झे, निहणाहि राग-दोस-मल्ले, तवेणं धिइ-धणिय-बद्ध-कच्छे, मद्दाहि अठु-कम्म-सत्तू ज्ञाणेणं उत्तमेणं सुक्केणं, अप्पमत्तो हराहि आराहण-पडागं च वीर ! तेलुक्क-

मूळ

॥ ४८ ॥



कल्पसूत्र

॥ ४९ ॥

रंग-मज्जे, पावय वितिमिर-मणुत्तरं केवल-वरनाणं, गच्छ य मुक्खं परं पयं जिणवरो-वइठ्ठेणं  
 मग्गेणं अकुडिलेणं हंता परीसह-चमुं, जय जय खत्तिय-वर-वसहा ! बहूइं दिवसाइं, बहूइं  
 पक्खाइं, बहूइं मासाइं, बहूइं उऊइं, बहूइं अयणाइं, बहूइं संवच्छराइं, अभीए परीसहो-वसग्गाणं,  
 खंति-खमे भय-भेरवाणं धम्मे ते अविग्धं भवउ त्ति कट्टु जय-जयसदं पउंजंति ॥ सू.११४ ॥  
 तए णं समणे भगवं महावीरे नयण-माला-सहस्सेहिं पिच्छिज्जमाणे पिच्छिज्जमाणे,  
 वयण-माला-सहस्सेहिं अभि-थुव्वमाणे अभि-थुव्वमाणे, हियय-माला-सहस्सेहिं  
 उन्नंदिज्जमाणे उन्नंदिज्जमाणे, मणोरह-माला-सहस्सेहिं विच्छिप्पमाणे विच्छिप्पमाणे,  
 कंति-रूव-गुणेहिं पत्थिज्जमाणे पत्थिज्जमाणे, अंगुलि-माला-सहस्सेहिं दाइज्जमाणे  
 दाइज्जमाणे, दाहिण-हत्थेणं बहूणं नर-नारि-सहस्साणं अंजलिमाला-सहस्साइं पडिच्छमाणे  
 पडिच्छमाणे, भवण-पंति-सहस्साइं सम-इक्कमाणे सम-इक्कमाणे, तंती-तल-ताल-तुडिय  
 -गीय-वाइय-रवेणं महुरेण य मणहरेणं जयजय-सद्दघोस-मीसिएणं मंजु-मंजुणा घोसेण य  
 पडि-बुज्झमाणे पडि-बुज्झमाणे, सव्वि-ड्ढीए, सव्व-जुईए, सव्व-बलेणं, सव्व-वाहणेणं,  
 सव्व-समुदएणं, सव्वा-यरेणं, सव्व-विभूइए, सव्व-विभूसाए, सव्व-संभमेणं,

मूळ

॥ ४९ ॥

कल्पसूत्र

॥ ५० ॥

सव्व-संगमेणं, सव्व-पगईएहिं, सव्व-नाडएहिं, सव्व-तालायरेहिं, सव्वा-वरोहेणं सव्व-  
 पुप्फ-गंध-वत्थ-मल्लालंकार-विभूसाए सव्व-तुडिय-सद्-सन्नि-नाएणं, महया इड्ढीए,  
 महया जुईए, महया बलेणं, महया वाहणेणं, महया समुदएणं, महया वर- तुडिय-  
 जमग-समग-प्पवाइएणं, संख-पणव-पडह-भेरि-झल्लरि-खरमुहि-हुडुक्क-दुंदुहि-  
 णिग्घोस-नाइयरवेणं, कुंडपुरं नगरं मज्झं मज्झेणं निग्गच्छइ, निग्गच्छित्ता जेणेव  
 नाय-खंड-वणे उज्जाणे जेणेव असोग-वर-पायवे तेणेव उवागच्छइ, उवागच्छित्ता  
 असोग-वर-पायवस्स अहे सीयं ठावेइ, ठावित्ता सीयाओ पच्चोरुहइ, पच्चोरुहित्ता सयमेव  
 आभरण-मल्ला-लंकारं ओमुयइ, आमुइत्ता सयमेव पंच-मुट्ठियं लोयं करेइ, करित्ता छट्ठेणं  
 भत्तेणं अपाणएणं हत्थुत्तराहिं नक्खत्तेणं जोग-मुवागएणं एगं देवदूस-मादाय, एगे अबीए  
 मुण्डे भवित्ता अगाराओ अणगारियं पव्वइए ॥ सू. ११५ ॥ (चित्र नं.११-१२)

समणे भगवं महावीरे संवच्छरं साहियं मासं जाव चीवरधारी होत्था तेण परं अचेलए पाणि-  
 पडिग्गहिए समणे भगवं महावीरे साइरेगाइं दुवालस-वासाइं निच्चं वोसठ्ठकाए, चियत्तदेहे  
 जे केइ उवसग्गा उप्पज्जंति, तं जहा-दिव्वा वा, माणुसा वा, तिरिक्ख-जोणिया वा, अणुलोमा

मूळ

चित्र  
नं.

११-१२

॥ ५० ॥

कल्पसूत्र

॥ ६३ ॥

जे केइ उवसग्गा उप्पज्जंति, तंजहा-दिब्बा वा माणुस्सा वा, तिरिक्ख-जोणिआ वा, अणुलोमा वा पडिलोमा वा, ते उप्पन्ने सम्मं सहइ खमइ तितिक्खइ अहियासेइ ॥सू. १५७॥ तए णं से पासे भगवं अणगारे जाए, इरियासमिए जाव अप्पाणं भावेमाणस्स तेसीइं राइंदियाइं विइक्कंताइं, चउरासीइमस्स राइंदियस्स अंतरा-वट्टमाणस्स जे से गिम्हाणं पढमे मासे पढमे पक्खे चित्त-बहुले, तस्स णं चित्त-बहुलस्स चउत्थी पक्खे णं पुव्वण्ह-काल-समयंसि धायइ-पायवस्स अहे छट्ठेणं भत्तेणं अपाणएणं विसाहाहिं नक्खत्तेणं जोग-मुवागएणं झाणंतरीआए वट्टमाणस्स अणंते अणुत्तरे जाव केवल-वर-नाण-दंसणे समुप्पन्ने जाव जाणमाणे पासमाणे विहरइ ॥सू. १५८॥ पासस्स णं अरहओ पुरिसादाणीयस्स अट्ठ गणा, अट्ठ गणहरा हुत्था, तंजहाः-सुभे य १ अज्जघोसे य २, वसिट्ठे ३ बंभयारि य ४ । सोमे ५ सिरिहरे ६ चेव, वीरभदे ७ जसेवि य ८ ॥ सू. १५९ ॥ पासस्स णं अरहओ पुरिसादाणीयस्स अज्जदिण्ण-पामुक्खाओ सोलस समण-साहस्सीओ उक्कोसिआ समण-संपया हुत्था ॥सू. १६०॥ (चित्र नं. १८-१९-२०-२१)

मूळ

चित्र  
नं.

१८-१९

२०-२१

॥ ६३ ॥

कल्पसूत्र

॥ ६४ ॥

पासस्स णं अरहओ पुरिसादानीयस्स पुप्फचूला-पामुक्खाओ अट्ठत्तीसं  
 अज्जिया-साहस्सीओ उक्कोसिआ अज्जिया-संपया हुत्था ॥सू. १६१॥ पासस्स णं अरहओ  
 पुरिसादानीयस्स सुव्वय-पामुक्खाणं समणोवासगाणं एगा सयसाहस्सीओ चउसट्ठिं  
 च सहस्सा उक्कोसिआ समणोवासगाणं संपया हुत्था ॥सू. १६२॥ पासस्स णं अरहओ  
 पुरिसादानीयस्स सुनंदा-पामुक्खाणं समणोवासियाणं तिण्णि सय-साहस्सिओ सत्तावीसं  
 च सहस्सा उक्कोसिआ समणोवासियाणं संपया हुत्था ॥ सू. १६३ ॥ पासस्स णं  
 अरहओ पुरिसादानीयस्स अब्बुट्ठ-सया चउद्दस-पुव्वीणं अजिणाणं जिण-संकासाणं  
 सव्व-क्खरसन्निवाईणं जाव चउद्दस-पुव्वीणं संपया हुत्था ॥सू. १६४॥ पासस्स णं  
 अरहओ पुरिसादानीयस्स चउद्दस सया ओहिनाणीणं, दस सया केवलनाणीणं, इक्कारस  
 सया वेउव्वियाणं, छस्सया रिउमईणं, दस समणसया सिद्धा, वीसं अज्जिया-सयाइं  
 सिद्धाइं, अब्बट्ठम-सया विउलमईणं, छस्सया वाईणं, बारस सया अणुत्तरो-ववाइयाणं  
 ॥सू. १६५॥

पासस्स णं अरहओ पुरिसादानीयस्स दुविहा अंतगड-भूमी हुत्था, तंजहाः-जुगंत-

मूळ

॥ ६४ ॥

कल्पसूत्र

॥ ६५ ॥

गड-भूमी, परियायंत-गड-भूमी य, जाव चउत्थाओ पुरिस-जुगाओ जुगंत-गड-भूमी  
 तिवास-परिआए अंतमकासी ॥सू. १६६॥ ते णं काले णं ते णं समए णं पासे अरहा  
 पुरिसादाणीए तीसं वासाइं अगार-वासमज्झे वसित्ता, तेसीइं राइंदिआइं छउमत्थ-परिआयं  
 पाउणित्ता, देसूणाइं सत्तरि वासाइं केवलि-परिआयं पाउणित्ता, पडिपुण्णाइं सत्तरि वासाइं  
 सामण्ण-परिआयं पाउणित्ता एककं वाससयं सव्वाउयं पालइत्ता खीणे  
 वेयणिज्जा-उय-नाम-गुत्ते इमीसे ओसप्पिणीए दूसम-सुसमाए समाए बहु-विइक्कंताए  
 जे से वासाणं पढमे मासे दुच्चे पक्खे सावण-सुद्धे, तस्स णं सावण-सुद्धस्स  
 अट्ठमीपक्खे णं उप्पिं संमेअ-सेल-सिहरंसि अप्प-चउत्तीस-इमे मासिएणं भत्तेणं  
 अपाणएणं विसाहाहिं नक्खत्तेणं जोग-मुवागएणं पुव्वण्ह काल-समयंसि वग्घारिय-पाणी  
 कालगए विइक्कंते जाव सव्व-दुक्खप्पहीणे ॥सू. १६७॥ पासस्स णं अरहओ  
 पुरिसादाणीयस्स जाव सव्व-दुक्खप्पहीणस्स दुवालस वास-सयाइं विइक्कंताइं, तेरसमस्स  
 य वास-सयस्स अयं तीसइमे संवच्छरे काले गच्छइ ॥सू. १६८॥ २३॥ इति  
 श्रीपार्श्वनाथचरित्रम् ॥

मूळ

॥ ६५ ॥

कल्पसूत्र

॥ ६६ ॥

ते णं काले णं ते णं समए णं अरहा अरिठ्ठनेमी पंच चित्ते हुत्था, तंजहा-चित्ताहिं  
 चुए चइत्ता गब्भं वक्कंते, तहेव उक्खेवो, जाव चित्ताहिं परिनिव्वुए ॥सू. १६९॥ ते णं  
 काले णं ते णं समए णं अरहा अरिठ्ठनेमी जे से वासाणं चउत्थे मासे सत्तमे पक्खे  
 कत्तिअ-बहुले, तस्स णं कत्तिय-बहुलस्स बारसी-पक्खे णं अपराजिआओ  
 महा-विमाणाओ बत्तीसं सागरोवम-ठ्ठिइयाओ अणंतरं चयं चइत्ता इहेव जंबुदीवे दीवे  
 भारहे वासे सोरियपुरे नयरे समुद्विजयस्स रण्णो भारिआए सिवाए देवीए पुव्वरत्ता-  
 वरत्त-काल-समयंसि जाव चित्ताहिं जाव गब्भताए वक्कंते, सव्वं तहेव सुमिण-दंसण-  
 दविण-संहरणाइअं इत्थ भाणियव्वं ॥सू. १७०॥ (चित्रा नं. २२)

ते णं काले णं ते णं समए णं अरहा अरिठ्ठनेमी जे से वासाणं पढमे मासे दुच्चे  
 पक्खे सावण-सुद्धे, तस्स णं सावण-सुद्धस्स पंचमी पक्खे णं नवण्हं मासाणं बहु-  
 पडिपुण्णाणं जाव चित्ताहिं नक्खत्तेणं जोग-मुवागएणं आरोग्गा आरोग्गं दारयं पयाया ॥  
 जम्म णं समुद्व-विजया-भिलावेणं नेयव्वं जाव तं होउ णं कुमारे अरिठ्ठनेमी नामेणं  
 ॥सू. १७१॥ अरहा अरिठ्ठनेमी दक्खे जाव तिण्णि वास-सयाइं कुमारे अगार-वासमज्झे

मूळ

चित्र  
नं  
२२

॥ ६६ ॥

कल्पसूत्र

॥ ६७ ॥

वसित्ता णं पुणरवि लोगंतिएहिं जिअ-कप्पिएहिं देवेहिं तं चेव सव्वं भाणियव्वं जाव दाणं दाइयाणं परिभाइत्ता ॥सू. १७२॥ जे से वासाणं पढमे मासे दुच्चे पक्खे सावण-सुद्धे, तस्स णं सावण-सुद्धस्स छट्ठी-पक्खे णं पुव्वण्ह-काल-समयंसि उत्तर-कुराए सीयाए सदेव-मणुआ-सुराए परिसाए अणु-गम्ममाण-मग्गे जाव बारवईए नयरीए मज्झं-मज्झेणं निग्गच्छइ निग्गच्छित्ता जेणेव रेवयए उज्जाणे, तेणेव उवागच्छइ, उवागच्छित्ता असोग-वर-पायवस्स अहे सीयं ठावेइ, ठावित्ता सीयाओ पच्चोरुहइ पच्चोरुहित्ता सयमेव आभरण-मल्ला-लंकारं ओमुयइ, ओमुइत्ता सयमेव पंच-मुट्ठियं लोयं करेइ करित्ता छट्ठेणं भत्तेणं अपाणएणं चित्ता-नक्खत्तेणं जोग-मुवागएणं एगं देव-दूसमादाय एगेणं पुरिस-सहस्सेणं सद्धिं मुंडे भवित्ता अगाराओ अणगारियं पव्वइए ॥सू. १७३॥ अरहा णं अरिठ्ठनेमी चउपन्नं राइंदियाइं निच्चं वोसठ्ठकाए, चियत्त-देहे, तं चेव सव्वं जाव पणपन्नगस्स राइंदियस्स अंतरा वट्ठमाणस्स जे से वासाणं तच्चे मासे पंचमे पक्खे आसोय-बहुले, तस्स णं आसोय-बहुलस्स पन्नरसी-पक्खे णं दिवसस्स पच्छिमे भागे उज्जित-सेल-सिहरे वेडस-पायवस्स अहे अट्ठमेणं भत्तेणं अपाणएणं

मूळ

॥ ६७ ॥

कल्पसूत्र

॥ ६८ ॥

चित्ताहिं नक्खत्तेणं जोग-मुवागएणं झाणंतरियाए वट्टमाणस्स अणंते जाव जाणमाणे पासमाणे विहरइ ॥सू. १७४॥ (चित्र नं. २३-२४-२५-२६)

अरहओ णं अरिठ्ठनेमिस्स अट्ठारस गणा अट्ठारस गणहरा हुत्था ॥सू. १७५॥  
 अरहओ णं अरिठ्ठनेमिस्स वरदत्त-पामुक्खाओ अट्ठारस समण-साहस्सीओ उक्कोसिया  
 समण-संपया हुत्था ॥सू. १७६॥ अरहओ णं अरिठ्ठनेमिस्स अज्ज-जक्खिणि  
 -पामुक्खाओ चत्तालीसं अज्जिया-साहस्सीओ उक्कोसिया अज्जिया-संपया हुत्था  
 ॥ सू. १७७ ॥ अरहओ णं अरिट्ठनेमिस्स नंद-पामुक्खाणं समणोवासगाणं एगा सय-  
 साहस्सी अउणत्तरिं च सहस्सा उक्कोसिया समणोवासगाणं संपया हुत्था ॥सू. १७८॥  
 अरहओ णं अरिठ्ठनेमिस्स महासुव्वया-पामुक्खाणं समणोवासिआणं तिण्णि  
 सय-साहस्सीओ छत्तीसं च सहस्सा उक्कोसिआ समणोवासिआणं संपया हुत्था ॥सू. १७९॥  
 अरहओ णं अरिठ्ठनेमिस्स चत्तारि सया चउद्दस-पुव्वीणं अजिणाणं जिण-संकासाणं  
 सव्व-क्खर-सन्निवाईणं जाव संपया हुत्था, पन्नरस सया ओहिनाणीणं, पन्नरस सया  
 केवलनाणीणं, पन्नरस सया वेउव्विआणं, दससया विउलमईणं, अट्ठसया वाईणं, सोलस

मूळ

चित्र  
नं.

२३-२४


२५-२६

॥ ६८ ॥



कल्पसूत्र

॥ ६९ ॥



सया अणुत्तरो-ववाइआणं, पन्नरस समणसया सिद्धा, तीसं अज्जियासयाइं सिद्धाइं  
 ॥सू. १८०॥ अरहओ णं अरिठ्ठनेमिस्स दुविहा अंतगड-भूमि हुत्था, तंजहा -  
 जुगंत-गड-भूमी य परिया-यंत-गड-भूमी य, जाव अठ्ठमाओ पुरिस-जुगाओ जुगंत  
 -गड-भूमी, दुवास परिआए अंतम-कासी ॥सू. १८१॥ ते णं काले णं ते णं समए णं  
 अरहा अरिठ्ठनेमी तिण्णि वास-सयाइं कुमार-वासमज्झे वसित्ता, चउपन्नं राइंदियाइं  
 छउमत्थ-परिआयं पाउणित्ता, देसूणाइं सत्त वास-सयाइं केवलि-परिआयं पाउणित्ता,  
 परिपुण्णाइं सत्त वास-सयाइं सामण्ण-परिआयं पाउणित्ता, एगं वास-सहस्सं सव्वाउअं  
 पालइत्ता, खीणे वेयणिज्जा-उय-नाम-गुत्ते इमीसे ओसप्पिणीए दूसम-सुसमाए समाए  
 बहु-विइक्कंताए जे से गिम्हाणं चउत्थे मासे अठ्ठमे पक्खे आसाढ-सुद्धे, तस्स णं  
 आसाढ-सुद्धस्स अठ्ठमी-पक्खे णं उप्पि उज्जित-सेल-सिहरंसि पंचहिं छत्तीसेहिं  
 अणगार-सएहिं सद्धिं मासिएणं भत्तेणं अपाणएणं चित्ताहिं नक्खत्तेणं जोग-मुवागएणं  
 पुव्वरत्ता-वरत्त-काल-समयंसि नेसज्जिए कालगए (ग्रंथाग्रं ८००) जाव सव्व-दुक्ख -  
 प्पहीणे ॥सू. १८२॥ अरहओ णं अरिठ्ठनेमिस्स काल-गयस्स जाव सव्व-दुक्खप्पहीणस्स

मूळ



॥ ६९ ॥

कल्पसूत्र

॥ ७० ॥

चउरासीइं वास-सहस्साइं विइक्कंताइं, पंचासीइमस्स वास-सहस्सस्स नव वास-सयाइं विइक्कंताइं, दसमस्स य वास-सयस्स अयं असीइमे संवच्छरे काले गच्छइ ॥सू. १८३॥  
॥२२॥ इति श्रीनेमिनाथ-चरित्रम् ॥ (चित्र नं. २७)

नमिस्स णं अरहओ कालगयस्स जाव सव्वदुक्खप्पहीणस्स पंच वास-सय-सहस्साइं, चउरासीइं च वास-सहस्साइं नव य वास-सयाइं विइक्कंताइं, दसमस्स य वास-सयस्स अयं असीइमे संवच्छरे काले गच्छइ ॥२१॥ ॥सू. १८४॥ मुणिसुव्वयस्स णं अरहओ जाव सव्व-दुक्खप्पहीणस्स इक्कारस वास-सय-सहस्साइं चउरासीइं च वास-सहस्साइं नव वाससयाइं विइक्कंताइं, दसमस्स य वास-सयस्स अयं असीइमे संवच्छरे काले गच्छइ ॥ २० ॥सू.१८५॥

मल्लिस्स णं अरहओ जाव सव्व-दुक्ख-प्पहीणस्स पन्नट्ठिं वास-सय-सहस्साइं चउरासीइं च वास-सहस्साइं नव वास-सयाइं विइक्कंताइं, दसमस्स य वास-सयस्स अयं असीइमे संवच्छरे काले गच्छइ ॥१९॥सू. १८६॥ अरस्स णं अरहओ जाव सव्व-दुक्ख-प्पहीणस्स एगे वास-कोडि-सहस्से विइक्कंते, सेसं जहा मल्लिस्स, तं च एयं-

मूळ

चित्र

नं.

२७

॥ ७० ॥

कल्पसूत्र

॥ ७१ ॥

पंचसट्ठि-लक्खा चउरासीइं च वास-सहस्सा विइक्कंता, तंमि समए महावीरो निव्वुओ, तओ परं नव वास-सया विइक्कंता, दसमस्स य वास-सयस्स अयं असीइमे संवच्छरे काले गच्छइ । एवं अग्गओ जाव सेयंसो ताव दट्ठव्वं ॥१८॥सू. १८७॥ कुंथुस्स णं अरहओ जाव सव्व-दुक्ख-प्पहीणस्स एगे चउभाग-पलिओवमे विइक्कंते, पंचसट्ठि च वास-सय-सहस्सा, सेसं जहा मल्लिस्स ॥१७॥सू. १८८॥ संतिस्स णं अरहओ जाव सव्व-दुक्ख-प्पहीणस्स एगे चउ-भागूणे पलिओवमे विइक्कंते पन्नट्ठि च सेसं जहा मल्लिस्स ॥१६॥सू. १८९॥ धम्मस्स णं अरहओ जाव सव्व-दुक्ख-प्पहीणस्स तिण्णि सागरोवमाइं विइक्कंताइं, पन्नट्ठि च, सेसं जहा मल्लिस्स ॥१५॥१९०॥ (चित्र नं. २८)

अणंतस्स णं अरहओ जाव सव्व-दुक्ख-प्पहीणस्स सत्त सागरोवमाइं विइक्कंताइं, पन्नट्ठि च, सेसं जहा मल्लिस्स ॥१४॥सू. १९१॥ विमलस्स णं अरहओ जाव सव्व-दुक्ख-प्पहीणस्स सोलस सागरोवमाइं विइक्कंताइं, पन्नट्ठि च, सेसं जहा मल्लिस्स ॥१३॥सू. १९२॥ वासुपुज्जस्स णं अरहओ जाव सव्व-दुक्ख-प्पहीणस्स छायालीसं सागरोवमाइं विइक्कंताइं पन्नट्ठि च, सेसं जहा मल्लिस्स ॥१२॥सू. १९३॥ सिज्जंसस्स णं

मूळ

चित्र

नं.

२८

॥ ७१ ॥

कल्पसूत्र

॥ ७२ ॥

अरहओ जाव सव्व-दुक्ख-प्पहीणस्स एगे सागरोवमसए विइक्कंते पन्नठिं च, सेसं जहा मल्लिस्स ॥११॥सू.१९४॥ सीअलस्स णं अरहओ जाव सव्व-दुक्ख-प्पहीणस्स एगा सागरोवमकोडी तिवास-अद्धनवम-मासाहिअ-बायालीस-वास-सहस्सेहिं ऊणिआ विइक्कंता, एयंमि समए महावीरो निव्वुओ, तओऽवि य णं परं नव वास-सयाइं विइक्कंताइं, दसमस्स य वास- सयस्स अयं असीइमे संवच्छरे काले गच्छइ ॥१०॥सू. १९५॥

सुविहिस्स णं अरहओ जाव सव्व-दुक्ख-प्पहीणस्स दस सागरोवम-कोडिओ विइक्कंताओ सेसं जहा सीअलस्स, तं च इमं-ति-वास-अद्धनवम-मासाहिय-बायालीस-वास-सहस्सेहिं ऊणिआ विइक्कंता-इच्चाइ ॥९॥सू.१९६॥ चंदप्पहस्स णं अरहओ जाव सव्व-दुक्ख-प्पहीणस्स एगं सागरोवम-कोडि-सयं विइक्कंतं, सेसं जहा सीअलस्स, तं च इमं-तिवास-अद्धनवम-मासाहिय-बायालीस-वास-सहस्सेहिं-ऊणग-मिच्चाइ॥८॥सू.१९७॥ सुपासस्स णं अरहओ जाव सव्व-दुक्ख-प्पहीणस्स एगे सागरोवम-कोडि-सहस्से विइक्कंते, सेसं जहा सीअलस्स, तं च इमं-तिवास-अद्धनवम-

मूळ

॥ ७२ ॥

कल्पसूत्र

॥ ७३ ॥

मासाहिय-बायालीस-वास-सहस्सेहिं ऊणिआ इच्चाइ ॥७॥सू. १९८॥ पउमप्पहस्स णं अरहओ जाव सव्व-दुक्ख-प्पहीणस्स दस सागरोवम-कोडि-सहस्सा विइक्कंता, सेसं जहा सीअलस्स, तं च इमं-तिवास-अद्ध-नवम-मासाहिय-बायालीस-वास-सहस्सेहिं उणग-मिच्चाइ ॥६॥सू. १९९॥ सुमइस्स णं अरहओ जाव सव्वदुक्खप्पहीणस्स एगे सागरोवम-कोडि-सय-सहस्से विइक्कंते, सेसं जहा सीयलस्स, तं च इमं-तिवास-अद्ध-नवम - मासाहिय-बायालीस वास-सहस्सेहिं उणग-मिच्चाइ ॥ ५ ॥सू. २००॥ (चित्र नं. २९)

अभिनदंणस्स णं अरहओ जाव सव्वदुक्खप्पहीणस्स दस सागरोवम-कोडि-सय-सहस्सा विइक्कंता, सेसं जहा सीअलस्स, तं च इमं-तिवास अद्ध-नवम-मासाहिय-बायालीस-वास-सहस्सेहिं उणग-मिच्चाइ ॥४॥सू. २०१॥ संभवस्स णं अरहओ जाव सव्व-दुक्ख-प्पहीणस्स वीसं सागरोवम-कोडि-सय-सहस्सा विइक्कंता, सेसं जहा सीअलस्स, तं च इमं-तिवास-अद्ध-नवम-मासाहिय-बायालीस-वास-सहस्सेहिं उणग-मिच्चाइ ॥३॥सू. २०२॥ अजियस्स णं अरहओ जाव सव्व-दुक्ख-प्पहीणस्स पन्नासं सागरोवम-कोडि-सय-सहस्सा विइक्कंता, सेसं जहा सीअलस्स, तं

मूळ

चित्र

नं.

२९

॥ ७३ ॥

कल्पसूत्र

॥ ७४ ॥

च इमं-तिवास-अद्ध-नवम-मासाहिय-बायालीस-वास-सहस्सेहिं उणग-मिच्चाइ  
॥२॥सू.२०३॥ इति अन्तराणि ॥

ते णं काले णं ते णं समए णं उसभे णं अरहा कोसलिए चउ-उत्तरासाढे  
अभीइ-पंचमे होत्था, तंजहा-उत्तरासाढाहिं चुए-चइत्ता गब्भं वक्कंते जाव अभीइणा  
परिनिव्वुए ॥सू. २०४॥ ते णं काले णं ते णं समए णं उसभे णं अरहा कोसलिए जे  
से गिम्हाणं चउत्थे मासे सत्तमे पक्खे आसाढ-बहुले, तस्स णं आसाढ-बहुलस्स  
चउत्थी-पक्खे णं सव्वट्ठ-सिद्धाओ महा-विमाणाओ तित्तीसं सागरोवम-ठ्ठिइआओ  
अणंतरं चयं, चइत्ता इहेव जंबुदीवे दीवे भारहे वासे इक्खाग-भूमीए नाभिस्स कुलगरस्स  
मरुदेवाए भारियाए पुव्व-रत्ता-वरत्त-काल-समयंसि आहार-वक्कंतिए जाव गब्भत्ताए  
वक्कंते ॥सू. २०५॥ (चित्र नं. ३०-३१-३२-३३)

उसभे णं अरहा कोसलिए तिन्नाणोवगए आवि होत्था, तंजहा-चइस्सामि त्ति जाणइ  
जाव सुविणे पासइ, तंजहाः-गय-वसह जाव सिहिं च ॥ गाहा । सव्वं तहेव, नवरं  
पढमं उसभं मुहेणं अइंतं पासइ सेसाओ गयं, नाभि-कुलगरस्स साहेइ, सुविण-पाढगा

मूळ

चित्र  
नं.

३०-३१

३२-३३

॥ ७४ ॥

કલ્પસૂત્ર

॥ ૭૫ ॥

નત્થિ, નાભિ-કુલગરો સયમેવ વાગરેઈ ॥સૂ. ૨૦૬॥ તે ણં કાલે ણં તે ણં સમએ ણં  
 ઉસભે ણં અરહા કોસલિએ જે સે ગિમ્હાણં પઢમે માસે, પઢમે પક્ખે ચિત્ત-બહુલે, તસ્સ  
 ણં ચિત્ત-બહુલસ્સ અઢ્ઢમી-પક્ખે ણં નવણ્ઠં માસાણં બહુ-પડિપુણ્ણાણં અબ્ધઢ્ઢમાણં  
 રાઈંદિયાણં જાવ આસાઢાહિં નક્ખત્તેણં જોગ-મુવાગણં આરોગ્ગા આરોગ્ગં દારયં પયાયા  
 ॥સૂ. ૨૦૭॥ તં ચેવ સઁવ્વં જાવ દેવા દેવીઓ ય વસુહાર-વાસં વાસિંસુ, સેસં તહેવ  
 ચારગ-સોહણં, માણુમ્માણ-વબ્ધણં, ઉસ્સુક્ક-માઇય-ઢિઢવડિઅ-જૂયવજ્જં સઁવ્વં ભાણિઅઁવ્વં  
 ॥સૂ. ૨૦૮॥ ઉસભેણં અરહા કોસલિએ કાસવ-ગુત્તે ણં, તસ્સ ણં પંચ નામધિજ્જા  
 એવમાહિજ્જંતિ, તંજહા-ઉસભેઈ વા, પઢમરાયા ઇ વા, પઢમ-ભિક્ખાયરે ઇ વા,  
 પઢમ-જિણે ઇ વા પઢમ-તિત્થયરે ઇ વા ॥સૂ. ૨૦૯॥ ઉસભેણં અરહા કોસલિએ દક્ખે  
 દક્ખપડિણ્ણે પડિરૂવે અલીણે ભદ્દએ વિણીએ વીસં પુઁવ્વ-સય-સહસ્સાઈં કુમાર-  
 વાસ-મજ્ઞે વસિત્તા તેવઢિં ચ પુઁવ્વ-સય-સહસ્સાઈં કુમાર-વાસ-મજ્ઞે વસિત્તા તેવઢિં  
 ચ પુઁવ્વ-સય-સહસ્સાઈં રજ્જવાસમજ્ઞે વસમાણે લેહાઈઆઓ ગણિય-પ્પહાણાઓ  
 સઠ્ઠ-રુય-પજ્જવસાણાઓ બાવત્તરિં કલાઓ, ચઠ્ઠસઢિં મહિલા-ગુણે, સિપ્પ-સયં ચ

મૂલ

॥ ૭૫ ॥

कल्पसूत्र

॥ ७६ ॥

कम्माणं, तिन्निवि पयाहिआए उवदिसइ, उवदिसइत्ता पुत्त-सयं रज्ज-सए अभिसिंचइ,  
 अभिसिंचित्ता पुणरवि लोअंतिएहिं जिअ-कप्पिएहिं देवेहिं ताहिं इट्ठाहिं जाव वग्गूहिं,  
 सेसं तं चेव सव्वं भाणिअव्वं, जाव दाणं दाइआणं परिभाइत्ता, जे से गिम्हाणं पढमे  
 मासे पढमे पक्खे चित्तबहुले, तस्स णं चित्त-बहुलस्स अट्ठमी-पक्खे णं दिवसस्स  
 पच्छिमे भागे सुदंसणाए सिबियाए सदेव-मणु-आसुराए परिसाए समणु  
 -गम्म-माण-मग्गे जाव विणीयं रायहाणिं मज्झं-मज्झेणं णिगच्छइ, णिग्गच्छित्ता जेणेव  
 सिद्धत्थवणे उज्जाणे जेणेव असोग-वर-पायवे तेणेव उवागच्छइ, उवागच्छित्ता असोग-  
 वर-पायवस्स अहे जाव सयमेव चउ-मुट्ठिअं लोअं करेइ, करित्ता छट्ठेणं भत्तेणं  
 अपाणएणं आसाढाहिं नक्खत्तेणं जोग-मुवागए णं उग्गाणं भोगाणं राइन्नाणं खत्तियाणं  
 च चउहिं पुरिस-सहस्सेहिं सद्धि एगं देवदूस-मादाय मुंडे भवित्ता अगाराओ अणगारियं  
 पव्वइए ॥ सू. २१० ॥

उसभे णं अरहा कोसलिए एगं वास-सहस्सं निच्चं वोसट्ठकाए चियत्त-देहे, जाव  
 अप्पाणं भावेमाणस्स एगं वास-सहस्सं विइक्कंतं, तओ णं जे से हेमंताणं चउत्थे मासे

मूळ

॥ ७६ ॥



कल्पसूत्र

॥ ७७ ॥

सत्तमे पक्खे, फग्गुण-बहुले तस्स णं फग्गुण-बहुलस्स इक्कारसी-पक्खे णं पुव्वण्ह-  
 काल-समयंसि, पुरिमतालस्स नयरस्स बहिआ, सगड-मुहंसि उज्जाणंसि,  
 नग्गोह-वर-पायवस्स अहे, अट्ठमेणं भत्तेणं अपाणएणं, आसाढाहिं नक्खत्तेणं जोग-  
 मुवागएणं, झाणंतरिआए वट्ठमाणस्स अणंते जाव जाणमाणे पासमाणे विहरइ ॥सू. २११॥  
 उसभस्स णं अरहओ कोसलिअस्स चउरासीइ गणा, चउरासीइ गणहरा हुत्था ॥सू. २१२॥  
 उसभस्स णं अरहओ कोसलिअस्स उसभसेण-पामुक्खाणं चउरासीओ समण-साहस्सीओ  
 उक्कोसिया समण-संपया हुत्था ॥सू. २१३॥ उसभस्स णं अरहओ कोसलिअस्स बंभि-  
 सुंदरि-पामुक्खाणं अज्जियाणं तिण्णि सय-साहस्सीओ उक्कोसिया अज्जिया-संपया हुत्था  
 ॥सू. २१४॥ उसभस्स णं अरहओ कोसलिअस्स सिज्जंस-पामुक्खाणं समणोवासगाणं  
 तिण्णि सय-साहस्सीओ पंच-सहस्सा उक्कोसिया समणोवासगाणं संपया हुत्था ॥सू. २१५॥  
 उसभस्स णं अरहओ कोसलिअस्स सुभद्दा-पामुक्खाणं समणोवासियाणं  
 पंचसय-साहस्सीओ चउपण्णं च सहस्सा उक्कोसिया समणोवासियाणं संपया हुत्था  
 ॥सू. २१६॥ उसभस्स णं अरहओ कोसलिअस्स चत्तारि सहस्सा सत्तसया पण्णासा

मूळ

॥ ७७ ॥

कल्पसूत्र

॥ ७८ ॥

चउद्दस-पुव्वीणं अजिणाणं जिण-संकासाणं जाव उक्कोसिया चउद्दस-पुव्विणं संपया हुत्था ॥सू. २१७॥ उसभस्स णं अरहओ कोसलिअस्स नव सहस्सा ओहिनाणीणं उक्कोसिया ओहिनाणी-संपया हुत्था ॥सू. २१८॥ उसभस्स णं अरहओ कोसलिअस्स वीस सहस्सा केवल-नाणीणं उक्कोसिया केवलनाणि-संपया हुत्था ॥सू. २१९॥ उसभस्स णं अरहओ कोसलिअस्स वीस सहस्सा छच्च सया वेउव्वियाणं उक्कोसिया वेउव्वि-संपया हुत्था ॥सू. २२०॥ उसभस्स णं अरहओ कोसलिअस्स बारस सहस्सा छच्च सया पण्णासा विउल-मईणं अड्ढाइज्जेसु दीवेसु दोसु य समुद्देसु सन्नीणं पंचिदियाणं पज्जत्त-गाणं मणोगए भावे जाणमाणाणं पासमाणाणं उक्कोसिआ विउलमइ-संपया हुत्था ॥सू. २२१॥ उसभस्स णं अरहओ कोसलियस्स बारस सहस्सा छच्च सया पण्णासा वाईणं उक्कोसिया वाइ-संपया हुत्था ॥सू. २२२॥ उसभस्स णं अरहओ कोसलिअस्स वीसं अंतेवासिसहस्सा सिद्धा, उसभस्स णं अरहओ कोसलिअस्स चत्तालीसं अज्जिया-साहस्सीओ सिद्धाओ ॥सू. २२३॥ उसभस्स णं अरहओ कोसलिअस्स बावीस सहस्सा नव सया अणुत्तरो-ववाइयाणं गइ-कल्लाणाणं जाव भदाणं उक्कोसिया संपया

मूळ

॥ ७८ ॥

कल्पसूत्र

॥ ७९ ॥

हुत्था ॥सू.२२४॥ उसभस्स णं अरहओ कोसलिअस्स दुविहा अंत-गड-भूमी हुत्था, तंजहा-जुगत-गड-भूमी परियायंत-गड-भूमी य, जाव असंखिज्जाओ पुरिसजुगाओ जुगत-गडभूमी, अंतो- मुहुत्त-परियाए अंतमकासी ॥सू. २२५॥ (चित्र नं. ३४-३५)

ते णं काले णं ते णं समए णं उसभे णं अरहा कोसलिए वीसं पुव्व-सय-सहस्साइं कुमार-वासमज्झे वसित्ता तेवट्ठिं पुव्व-सय-सहस्साइं रज्ज-वासमज्झे वसित्ता तेसीइं पुव्व-सय-सहस्साइं अगार-वासमज्झे वसित्ता णं एगं वास-सहस्सं छउमत्थ-परिआयं पाउणित्ता, एगं पुव्व-सय-सहस्सं वास-सहस्सूणं केवलि-परिआयं पाउणित्ता पडिपुण्णं पुव्व-सय-सहस्सं सामण्ण-परियागं पाउणित्ता चउरासीइं पुव्व-सय-सहस्साइं सव्वाउयं पालइत्ता, खीणे वेयणिज्जा-उय-नाम-गुत्ते इमीसे ओसप्पिणीए सुसम-दुस्समाए समाए बहु-विइक्कंताए तिहिं वासेहिं अब्ध-नवमेहि य मासेहिं सेसेहिं, जे से हेमंताणं तच्चे मासे पंचमे पक्खे, माह-बहुले तस्स णं माह-बहुलस्स (ग्रंथाग्रं ९००) तेरसी-पक्खे णं उप्पि अट्ठावय-सेल-सिहरंसि दसहिं अणगार-सहस्सेहिं सद्धिं चोद्दसमेणं भत्तेणं अपाणएणं अभीइणा नक्खत्तेणं जोग-

मूळ

चित्र

नं.

३४-३५

॥ ७९ ॥

कल्पसूत्र

॥ ८० ॥

मुवागएणं पुव्वण्हकाल-समयंसि संपलियंक-निसण्णे कालगए जाव सव्व-दुक्ख-प्पहीणे  
 ॥सू. २२६॥ उसभस्स णं अरहओ कोसलियस्स जाव सव्व-दुक्खप्पहीणस्स तिण्णि  
 वासा अद्ध-नवमा य मासा विइक्कंता, तओवि परं एगा सागरोवम-कोडाकोडी  
 तिवास-अद्ध-नवम-मासाहिय-बायालीस-वास-सहस्सेहिं ऊणिया विइक्कंता, एयंमि समए  
 समणे भगवं महावीरे पडिनिव्वुडे, तओवि परं नव-वास-सया विइक्कंता, दसमस्स  
 य वास-सयस्स अयं असीइमे संवच्छरे काले गच्छइ ॥सू. २२७॥

॥ इति श्रीऋषभदेव-चरित्रं ॥ प्रथमं च जिनेन्द्र-चरित्राख्यं वाच्यम् ॥१॥

मूळ

॥ ८० ॥

कल्पसूत्र

॥ ८१ ॥

# अथ स्थविरावली

ते णं काले णं ते णं समए णं समणस्स भगवओ महावीरस्स नव गणा, इक्कारस गणहरा होत्था ॥सू. १॥ (चित्र नं. ३६)

से केणठ्ठेणं भंते ! एवं वुच्चइ ? समणस्स भगवओ महावीरस्स नव गणा, इक्कारस गणहरा होत्था ? ॥सू. २॥ समणस्स भगवओ महावीरस्स जिठ्ठे इंदभूइ अणगारे गोयमगुत्ते णं पंच समण-सयाइं वाएइ, मज्झिमए अग्गिभूई अणगारे गोयमगुत्ते णं पंच समण-सयाइं वाएइ, कणीयसे अणगारे वाउभूई गोयमगुत्ते णं पंच समण-सयाइं वाएइ,

मूळ

चित्र  
नं.  
३६

॥ ८१ ॥

कल्पसूत्र

॥ ८२॥

थेरे अज्ज वियत्ते भारद्वाए गुत्ते णं पंच समण-सयाइं वाएइ, थेरे अज्ज-सुहम्मे अग्गि-वेसायण-गुत्ते णं पंच समण-सयाइं वाएइ, थेरे मंडियपुत्ते वासिठ्ठ-गुत्ते णं अब्हुठ्ठाइं समण-सयाइं वाएइ, थेरे मोरिय-पुत्ते कासव-गुत्ते णं अब्हुठ्ठाइं समण-सयाइं वाएइ, थेरे अकंपिए गोयम गुत्ते णं, थेरे अयलभाया हरियायणे गुत्ते णं, ते दुण्णिवि थेरा तिण्णि तिण्णि समण-सयाइं वाइंति, थेरे मेयज्जे, थेरे पभासे, एए दुण्णिवि थेरा कोडिन्नागुत्ते णं तिण्णि तिण्णि समण-सयाइं वाइंति, से तेण्ठेणं अज्जो ! एवं वुच्चइ- समणस्स भगवओ महावीरस्स नव गणा, इक्कारस गणहरा होत्था ॥सू. २३०॥ सव्वे एते समणस्स भगवओ महावीरस्स एक्कारसवि गणहरा दुवालसंगिणो चउद्दस-पुव्विणो सम्मत्त-गणि-पिडग-धारगा रायगिहे नगरे मासिएणं भत्तेणं अपाणएणं कालगया जाव सव्व-दुक्ख-प्पहीणा, थेरे इंदभूर्इ, थेरे अज्जसुहम्मे य सिद्धि गए महावीरे पच्छा दुण्णिवि थेरा परिनिव्वुया । जे इमे अज्जत्ताए समणा निग्गंथा विहरंति, एए णं सव्वे अज्ज-सुहम्मस्स अणगारस्स आ-वच्चिज्जा, अवसेसा गणहरा निरवच्चा वुच्छिन्ना ॥सू. ४॥ समणे भगवं महावीरे कासव-गुत्ते णं । समणस्स णं भगवओ

मूळ

॥ ८२॥

कल्पसूत्र

॥ ८३ ॥

महावीरस्स कासव-गुत्तस्स अज्ज-सुहम्मं थेरे अंतेवासी अग्गिवेसायण-गुत्ते १।  
 थेरस्स णं अज्ज-सुहम्मस्स अग्गिवेसायण-गुत्तस्स अज्ज-जंबू-नामे थेरे अंतेवासी  
 कासव-गुत्ते णं २। थेरस्स णं अज्ज-जंबू-णामस्स कासव-गुत्तस्स अज्ज-प्पभवे थेरे  
 अंतेवासी कच्चायणस-गुत्ते ३। थेरस्स णं अज्ज-प्पभवस्स कच्चायणस-गुत्तस्स  
 अज्ज-सिज्जंभवे थेरे अंतेवासी मणग-पिया वच्छस-गोत्ते ४। थेरस्स णं  
 अज्ज-सिज्जंभवस्स मणग-पिउणो वच्छस-गोत्तस्स अज्ज-जसभदे थेरे अंतेवासी  
 तुंगि-यायणस-गोत्ते ५ ॥सू. ५॥ (चित्र नं. ३७-३८)

संखित्त-वायणाए अज्ज-जसभदाओ अग्गओ एवं थेरावली भणिया, तं जहा-थेरस्स  
 णं अज्ज-जसभदस्स तुंगि-यायणस-गुत्तस्स अंतेवासी दुवे थेरा-थेरे अज्ज-संभूइविजए  
 माढरस-गुत्ते, थेरे अज्जभदबाहू पाईणस-गुत्ते ६। थेरस्स णं अज्ज-संभूइविजयस्स  
 माढरस-गुत्तस्स अंतेवासी थेरे अज्ज-थूलभदे गोयमस-गुत्ते ७। थेरस्स णं  
 अज्जथूलभदस्स गोयमसगुत्तस्स अंतेवासी दुवे थेरा-थेरे अज्ज-महागिरी एलावच्चस-  
 गुत्ते, थेरे अज्ज-सुहत्थी वासिठ्ठस-गुत्ते ८। थेरस्स णं अज्ज-सुहत्थिस्स वासिठ्ठस-

मूळ

चित्र  
नं.

३७-३८

॥ ८३ ॥

कल्पसूत्र

॥ ८४ ॥

गुत्तस्स अंतेवासी दुवे थेरा सुठिय-सुप्पडिबुद्धा कोडिय-काकंदगा वग्घावच्चस-गुत्ता ९।  
 थेराणं सुठिय-सुप्पडिबुद्धाणं कोडिय-काकंदगाणं वग्घावच्चस-गुत्ताणं अंतेवासी थेरे  
 अज्ज-इंददिन्ने कोसिय-गुत्ते १०। थेरस्स णं अज्ज-इंददिन्नस्स कोसिय-गुत्तस्य  
 अंतेवासी थेरे अज्ज-दिन्ने गोयमस-गुत्ते ११। थेरस्स णं अज्ज-दिन्नस्स गोयमस-  
 गुत्तस्स अंतेवासी थेरे अज्ज-सीहगिरी जाइसरे कोसियस-गुत्ते १२। थेरस्स णं  
 अज्ज-सीहगिरिस्स जाइस्सरस्स कोसियस-गुत्तस्स अंतेवासी थेरे अज्ज-वइरे गोयमस-  
 गुत्ते १३। थेरस्स णं अज्ज-वइरस्स गोयमस-गुत्तस्स अंतेवासी थेरे अज्ज-वइरसेणे  
 उक्कोसिय-गुत्ते १४। थेरस्स णं अज्ज-वइरसेणस्स उक्कोसिअ-गुत्तस्स अंतेवासी चत्तारि  
 थेरा-थेरे अज्जनाइले १, थेरे अज्ज-पोमिले २, थेरे अज्ज-जयंते ३, थेरे अज्ज-तावसे  
 ४, १५। थेराओ अज्जनाइलाओ अज्जनाइला साहा निग्गया १, थेराओ अज्ज-पोमिलाओ  
 अज्ज-पोमिला साहा निग्गया २, थेराओ अज्ज-जयंताओ अज्ज-जयंती साहा निग्गया  
 ३, थेराओ अज्ज-तावसाओ अज्ज-तावसी साहा निग्गया ४ इति ॥सू. ६॥  
 (चित्र नं ३९)

मूळ

 चित्र  
 नं.  
 ३९

॥ ८४ ॥



कल्पसूत्र

॥ ८५ ॥

वित्थर-वायणाए पुण अज्ज-जसभद्दाओ पुरओ थेरावली एवं पलोइज्जइ, तं जहा-थेरस्स णं अज्ज-जसभद्दस्स तुंगियायणस-गुत्तस्स इमे दो थेरा अंतेवासी अहावच्चा अभिण्णाया हुत्था, तं जहा-थेरे अज्ज-भद्दबाहू पाईणस-गुत्ते, थेरे अज्ज-संभूअ-विजए माढरस-गुत्ते ६ ॥सू. ७॥ थेरस्स णं अज्ज-भद्दबाहुस्स पाईणस-गुत्तस्स इमे चत्तारि थेरा अंतेवासी अहावच्चा अभिण्णाया हुत्था, तंजहा-थेरे गोदासे १ थेरे अग्गिदत्ते २ थेरे जण्णदत्ते ३ थेरे सोमदत्ते ४ कासव-गुत्ते णं १। थेरेहिंतो गोदासेहिंतो कासव-गुत्तेहिंतो इत्थ णं गोदास-गणं नामं गणे निग्गए, तस्स णं इमाओ चत्तारि साहाओ एव-माहिज्जंति, तं जहा-तामलित्तिया १ कोडिवरिसिया २ पंडु-वद्धणिया ३ दासी-खब्बडिया ४, २ । थेरस्स णं अज्ज-संभूइविजयस्स माढरस-गुत्तस्स इमे दुवालस थेरा अंतेवासी अहावच्चा अभिण्णाया हुत्था, तं जहा-नंदण-भद्दु १ वनंदण-भद्दे २ तह तीसभद्द ३ जस-भद्दे ४ । थेरे य सुमणभद्दे ५ मणिभद्दे ६ पुण्णभद्दे ७ य ॥१॥ थेरे अ थूलभद्दे ८ उज्जुमई ९ जंबु-नामाधिज्जे १० य । थेरे अ दीहभद्दे ११ थेरे तह पंडुभद्दे १२ य ॥२॥ ३। थेरस्स णं अज्ज-संभूइविजयस्स मा-

मूळ

॥ ८५ ॥

कल्पसूत्र

॥ ८६ ॥

ढरस -गुत्तस्स इमाओ सत्त अंतेवासिणीओ अहावच्चाओ अभिण्णायाओ हुत्था, तं जहा:-जक्खा १ य जक्खदिण्णा २ भूया ३ तह चेव भूय-दिण्णा य ४ । सेणा ५ वेणा ६ रेणा ७ भइणीओ थूलभद्दस्स ॥१॥४, ७॥सू. ८॥ थेरस्स णं अज्ज-थूलभद्दस्स गोयमस-गुत्तस्स इमे दो थेरा अंतेवासी अहावच्चा अभिण्णाया हुत्था, तंजहा-थेरे अज्ज-महागिरी एलावच्चस-गुत्ते १ थेरे अज्ज-सुहत्थी वासिठ्ठस-गुत्ते २,१ । थेरस्स णं अज्ज-महागिरिस्स एलावच्चस-गुत्तस्स इमे अठ्ठ थेरा अंतेवासी अहावच्चा अभिण्णाया हुत्था, तं जहा-थेरे उत्तरे १, थेरे बलिस्सहे २, थेरे धण्ड्ढे ३, थेरे सिरिभद्दे ४, थेरे कोडिन्ने ५, थेरे नागे ६, थेरे नाग-मित्ते ७, थेरे छलूए रोहगुत्ते कोसिय-गुत्ते णं ८, २। थेरेहिंत्तो णं छलूएहिंत्तो रोहगुत्तेहिंत्तो कोसिय-गुत्तेहिंत्तो तत्थ णं तेरासीया निग्गया ३ । थेरेहिंत्तो णं उत्तर-बलिस्सहेहिंत्तो तत्थ णं उत्तर-बलिस्सहे नामं गणे निग्गए, तस्स णं इमाओ चत्तारि साहाओ एव-माहिज्जंति, तं जहा-कोसंबिया १, सोइत्तिया २, कोडंबाणी ३, चंदनागरी ४, ४॥८॥सू.९॥ थेरस्स णं अज्ज-सुहत्थिस्स वासिठ्ठस-गुत्तस्स इमे दुवालस थेरा अंतेवासी अहावच्चा अभिण्णाया हुत्था, तं जहा-थेरे अ अज्ज-रोहणे १

मूळ

॥ ८६ ॥

कल्पसूत्र

॥ ८७ ॥

जसभदे २ मेहगणी य कामिड्ढी ४। सुठ्ठिय ५ सुप्पडिबुद्धे ६ रक्खिय ७ तह रोहगुत्ते ८ अ ॥१॥ इसिगुत्ते ९ सिरिगुत्ते १०, गणी य बंभे ११ गणी य तह सोमे १२ । दस दो अ गणहरा खलु, एए सीसा सुहत्थिस्स ॥२॥ १। थेरेहिंतो णं अज्ज-रोहणेहिंतो णं कासव-गुत्तेहिंतो णं तत्थ णं उद्देहगणे नामं गणे निग्गए, तस्सिमाओ चत्तारि साहाओ निग्गयाओ छच्च कुलाइं एव-माहिज्जंति २। से किं तं साहाओ ? साहाओ एव-माहिज्जंति, तं जहा-उदुंबरिज्जिया १, मासपूरिआ २, मइपत्तिया ३, पुण्णपत्तिया ४ से तं साहाओ ३। से किं तं कुलाइं ? कुलाइं एव माहिज्जंति, तं जहाः-पढमं च नागभूयं १, बिअं पुण सोम-भूइयं २ होइ । अह उल्लगच्छं तइअं ३, चउत्थयं हत्थलिज्जं ४ तु ॥१॥ पंचमगं नंदिज्जं ५, छठ्ठं पुण पारिहासयं ६ होइ । उद्देह-गणस्सेए, छच्च कुला हुंति नायव्वा ॥२॥४। थेरहिंतो णं सिरि-गुत्तेहिंतो हारियस-गुत्तेहिंतो इत्थ णं चारण-गणे नामं गणे निग्गए, तस्स णं इमाओ चत्तारि साहाओ, सत्त य कुलाइं एव-माहिज्जंति, ५। से किं तं साहाओ ? साहाओ एव-माहिज्जंति, तं जहा-हारिअ-मालागारी १, संकासीआ २ गवेधुया ३, वज्ज-नागरी ४, से तं साहाओ ६ । से किं तं कुलाइं ? कुलाइं

मूळ

॥ ८७ ॥

कल्पसूत्र

॥ ८८ ॥

एव-माहिज्जंति, तं जहाः-पढमित्थ वत्थलिज्जं १, बीयं पुण पीइधम्मिअं होइ २ । तइअं पुण हालिज्जं ३, चउत्थयं पुस-मित्तिज्जं ४ ॥१॥ पंचमगं मालिज्जं ५, छठं पुण अज्ज-वेडयं ६ होइ । सत्तमगं कण्हसहं ७, सत्त कुला चारण-गणस्स ॥२॥ ७। थेरेहिंतो णं भद्दजसेहिंतो भारद्वायस-गुत्तेहिंतो इत्थ णं उडुवाडिय-गणे नामं गणे निग्गए, तस्स णं इमाओ चत्तारि साहाओ, तिण्णि कुलाइं एव-माहिज्जंति ८। से किं तं साहाओ ? साहाओ एव-माहिज्जंति, तं जहा-चंपिज्जिया १ भद्दिज्जिया २ काकंदिया ३ मेहलिज्जिया ४ से तं साहाओ ९ । से किं तं कुलाइं ? कुलाइं एव-माहिज्जंति, तंजहा-भद्द-जसियं १ तह भद्द-गुत्तियं २ तइअं च होइ जसभद्दं ३। एयाइं उडुवाडिय-गणस्स तिण्णेव य कुलाइं ॥१॥ १०। थेरेहिंतो णं कामिड्ढीहिंतो कोडालस-गुत्तेहिंतो इत्थ णं वेसवाडिय-गणे नामं गणे निग्गए, तस्स णं इमाओ चत्तारि साहाओ, चत्तारि कुलाइं एव-माहिज्जंति ११। से किं तं साहाओ ? साहाओ एव-माहिज्जंति, तं जहा-सावत्थिया १ रज्जपालिआ २ अंतरिज्जिया ३ खेमलिज्जिया ४ से तं साहाओ १२। से किं तं कुलाइं ? कुलाइं एव-माहिज्जंति, तं जहा-गणियं १ मेहिअं २ कामड्ढियं ३ च तह

मूळ

॥ ८८ ॥

कल्पसूत्र

॥ ८९ ॥

होइ इंदपुरगं ४ च । एयाइं वेसवाडिय-गणस्स चत्तारि उ कुलाइं ॥१॥ १३। थेरेहिंतो णं  
 इसिगुत्तेहिंतो काकंदिएहिंतो वासिठ्ठस-गुत्तेहिंतो इत्थ णं माणवगणे नामं गणे निग्गए,  
 तस्स णं इमाओ चत्तारि साहाओ, तिण्णि य कुलाइं एव-माहिज्जंति १४। से किं तं  
 साहाओ ? साहाओ एव-माहिज्जंति, तंजहा-कास-वज्जिया १ गोय-मिज्जिया २  
 वासिठ्ठिया ३ सोरठ्ठिया ४, से तं साहाओ १५ । से किं तं कुलाइं ? कुलाइं  
 एव-माहिज्जंति, तं जहा-इसिगुत्ति इत्थ पढमं १ बीयं इसि-दत्तिअं मुणेयव्वं २ तइयं  
 च अभि-जयंतं ३ तिण्णि कुला माणव-गणस्स ॥१॥ १६॥१॥ सू. १०॥

थेरेहिंतो सुठ्ठिय-सुप्पडिबुद्धेहिंतो कोडिय-काकंदएहिंतो वग्घावच्चस-गुत्तेहिंतो इत्थ  
 णं कोडिय-गणे नामं गणे निग्गए, तस्स णं इमाओ चत्तारि साहाओ, चत्तारि कुलाइं  
 च एव-माहिज्जंति १। से किं तं साहाओ ? साहाओ एव-माहिज्जंति, तं  
 जहा-उच्चनागरी १ विज्जाहरी य २ वइरी य ३ मज्झिमिल्ला ४ य । कोडिय-गणस्स  
 एया, हवंति चत्तारि साहाओ ॥१॥ से तं साहाओ २ । से किं तं कुलाइं ? कुलाइं  
 एव-माहिज्जंति, तं जहा-पढमित्थ बंभलिज्जं १ बिइयं नामेण वत्थलिज्जं तु । तइयं

मूळ

॥ ८९ ॥

कल्पसूत्र

॥ ९० ॥

पुण वाणिज्जं ३ चउत्थयं पण्ह-वाहणयं ४ ॥१॥३॥ थेराणं सुष्ठिय-सुप्पडिबुद्धाणं  
 कोडिय-काकंदगाणं वग्घावच्चस-गुत्ताणं इमे पंच थेरा अंतेवासी अहावच्चा अभिण्णाया  
 हुत्था, तं जहा-थेरे अज्ज-इंददिन्ने १ थेरे पियग्गंथे २ थेरे विज्जाहर-गोवाले  
 कासव-गुत्ते णं ३ थेरे इसिदिन्ने ४ थेरे अरिह-दत्ते ५, ४ । थेरेहिंतो णं पियग्गंथेहिंतो  
 इत्थ णं मज्झिमा साहा निग्गया, थेरेहिंतो णं विज्जाहर-गोवालेहिंतो कासव-गुत्तेहिंतो  
 इत्थ णं विज्जाहरी साहा निग्गया, ५ ॥ १० ॥ सू. ११ ॥ थेरस्स णं अज्ज-इंददिन्नस्स  
 कासव-गुत्तस्स अज्जदिन्ने अंतेवासी गोयमस-गुत्ते ११ ॥सू. १२॥ थेरस्स णं  
 अज्ज-दिन्नस्स गोयमस-गुत्तस्स इमे दो थेरा अंतेवासी अहावच्चा अभिण्णाया हुत्था,  
 तं जहा-थेरे अज्ज-संतिसेणिए माढरस-गुत्ते १ थेरे अज्ज-सीहगिरी जाइस्सरे  
 कोसिय-गुत्ते २, ९ । थेरेहिंतो णं अज्ज-संतिसेणिएहिंतो माढरस-गुत्तेहिंतो इत्थ णं  
 उच्च-नागरी साहा निग्गया २ ॥ १२ ॥ सू. १३॥ (२४०) ॥ थेरस्स णं  
 अज्ज-संतिसेणियस्स माढरस- गुत्तस्स इमे चत्तारि थेरा अंतेवासी अहावच्चा  
 अभिण्णाया हुत्था, तंजहा (ग्रंथाग्रं १०००) थेरे अज्ज-सेणिए १ थेरे अज्ज-तावसे २ थेरे

मूळ

॥ ९० ॥

कल्पसूत्र

॥ ९१ ॥

अज्ज-कुबेरे ३ थेरे अज्ज-इसिपालिए ४, १ थेरेहंतो णं अज्ज-सेणिएहंतो इत्थ णं  
 अज्जसेणिया साहा निग्गया, थेरेहंतो णं अज्ज-तावसेहंतो इत्थ णं अज्ज-तावसी साहा  
 निग्गया, थेरेहंतो णं अज्ज-कुबेरेहंतो इत्थ णं अज्ज-कुबेरी साहा निग्गया, थेरेहंतो णं  
 अज्ज-इसिपालिएहंतो इत्थ णं अज्ज-इसिवालिया साहा निग्गया २ । थेरस्स णं  
 अज्ज-सीहगिरिस्स जाइस्सरस्स कोसिय-गुत्तस्स इमे चत्तारि थेरा अंतेवासी अहावच्चा  
 अभिण्णाया हुत्था, तं जहा-थेरे धणगिरी थेरे अज्जवइरे थेरे अज्जसमिए थेरे अरिहदिन्ने  
 ३ ॥ थेरेहंतो णं अज्ज-समिएहंतो गोयमस-गुत्तेहंतो इत्थ णं बंभदीविया साहा  
 निग्गया, थेरेहंतो णं अज्ज-वयरेहंतो गोयमस-गुत्तेहंतो इत्थ णं अज्जवइरी साहा  
 निग्गया ४। १३ ॥सू. १४॥ थेरस्स णं अज्ज-वइरस्स गोयमस-गुत्तस्स इमे तिण्णि थेरा  
 अंतेवासी अहावच्चा अभिण्णाया हुत्था, तं जहा-थेरे अज्ज-वइरसेणे थेरे अज्ज-पउमे  
 थेरे अज्ज-रहे १४ ॥सू. १५॥

थेरेहंतो णं अज्ज-वइरसेणिएहंतो इत्थ णं अज्ज-नाइली साहा निग्गया, थेरेहंतो  
 णं अज्ज-पउमेहंतो इत्थ णं अज्जपउमा साहा निग्गया, थेरेहंतो णं अज्ज-रहेहंतो

मूळ

॥ ९१ ॥

कल्पसूत्र

॥ ९२ ॥

इत्थ णं अज्ज-जयंती साहा निग्गया १५ ॥सू. १६॥ थेरस्स णं अज्ज-रहस्स  
 वच्छस-गुत्तस्स अज्ज-पूसगिरी थेरे अंतेवासी कोसिय-गुत्ते १६ ॥सू. १७॥ थेरस्स णं  
 अज्ज-पूसगिरिस्स कोसिय-गुत्तस्स अज्ज-फग्गुमित्ते थेरे अंतेवासी गोयमस-गुत्ते १७  
 ॥सू. १८॥ थेरस्स णं अज्ज-फग्गुमित्तस्स गोयमस-गुत्तस्स अज्ज-धणगिरी थेरे  
 अंतेवासी वासिट्ठस-गुत्ते १८ ॥सू. १९॥ थेरस्स णं अज्ज-धणगिरिस्स वासिट्ठस-  
 गुत्तस्स अज्ज-सिवभूई थेरे अंतेवासी कुच्छस-गुत्ते ॥१९॥सू. २०॥ थेरस्स णं  
 अज्ज-सिवभूइस्स कुच्छस-गुत्तस्स अज्जभदे थेरे अंतेवासी कासव-गुत्ते २० ॥सू. २१॥  
 थेरस्स णं अज्ज-भद्दस्स कासव-गुत्तस्स अज्ज-नक्खत्ते थेरे अंतेवासी कासव-गुत्ते  
 २१ ॥सू. २२॥ थेरस्स णं अज्ज-नक्खत्तस्स कासव-गुत्तस्स अज्ज-रक्खे थेरे अंतेवासी  
 कासव-गुत्ते २२ ॥सू. २३॥ थेरस्स णं अज्ज-रक्खस्स कासव-गुत्तस्स अज्ज-नागे थेरे  
 अंतेवासी गोअमस-गुत्ते २३ ॥सू. २४॥ थेरस्स णं अज्ज-नागस्स गोयमस-गुत्तस्स  
 अज्ज-जेहिले थेरे अंतेवासी वासिट्ठस-गुत्ते २४ ॥सू. २५॥ थेरस्स णं अज्ज-जेहिलस्स  
 वासिट्ठस-गुत्तस्स अज्ज-विण्हू थेरे अंतेवासी माढरस-गुत्ते २५ ॥सू. २६॥ थेरस्स णं

मूळ

॥ ९२॥



कल्पसूत्र

॥ १३ ॥

अज्ज-विण्हस्स माढरस-गुत्तस्स अज्जकालए थेरे अंतेवासी गोयमस-गुत्ते २६ ॥सू. २७॥ थेरस्स णं अज्ज-कालियस्स गोयमस-गुत्तस्स इमे दो थेरा अंतेवासी गोयमस-गुत्ता-थेरे अज्ज-संपलए १ थेरे अज्ज-भदे २, २७ ॥सू. २८॥ एएसि णं दुण्हं वि थेराणं गोयमस-गुत्ताणं अज्ज-वुड्ढे थेरे अंतेवासी गोयमस-गुत्ते २८ ॥सू. २९॥ थेरस्स णं अज्ज-वुड्ढस्स गोयमस-गुत्तस्स अज्ज-संघपालिए थेरे अंतेवासी गोयमस-गुत्ते २९ ॥सू. ३०॥ थेरस्स णं अज्ज-संघपालिअस्स गोयमस-गुत्तस्स अज्ज-हत्थी थेरे अंतेवासी कासव-गुत्ते ३० ॥सू. ३१॥ थेरस्स णं अज्ज-हत्थिस्स कासव-गुत्तस्स अज्जधम्मे थेरे अंतेवासी सावयगुत्ते ३१ ॥सू. ३२॥ थेरस्स णं अज्जधम्मस्स सावयगुत्तस्स अज्ज-सीहे थेरे अंतेवासी कासव-गुत्ते ३२ ॥सू. ३३॥ (२५०) थेरस्स णं अज्ज-सीहस्स कासव-गुत्तस्स अज्ज-धम्मे थेरे अंतेवासी कासव-गुत्ते ३३ ॥सू. ३४॥ थेरस्स णं अज्ज-धम्मस्स कासव-गुत्तस्स अज्ज-संडिल्ले थेरे अंतेवासी ३४ ॥सू. ३५॥

वंदामि 'फग्गुमित्तं' च, गोयमं ३७ धणगिरिं' च वासिठं १८। कुच्छं 'सिवभूइं'पि य १९ कोसिय दुज्जंत-कण्हे य ॥१॥ ते वंदिऊण सिरसा, 'भदं' वंदामि कासवसगुत्तं २० ।

मूळ

॥ १३ ॥

कल्पसूत्र

॥ ९४ ॥

‘नक्खं’ कासवगुत्तं, २१ ‘रक्खं’ पि य कासवं २२ वंदे ॥२॥ वंदामि ‘अज्जनागं’ २३ च, गोयमं ‘जेहिलं’ च वासिठं २४ । विण्हं माढरगुत्तं, २५ ‘कालग’मवि गोयमं २६ वंदे ॥३॥ गोयम-गुत्त-कुमारं ‘संपलियं’ २७ तहय ‘भद्दयं’ वंदे । थेरं च ‘अज्जवुड्ढं’ २८ गोयमगुत्तं नमंसामि ॥४॥ तं वंदिऊण सिरसा, थिरसत्त-चरित्त-नाणसंपन्नं । थेरं च ‘संघवालिय’ गोयम-गुत्तं पणिवयामि २९ ॥५॥ वंदामि ‘अज्जहत्थि’ च, कासवं खंति-सागरं धीरं । गिम्हाण पढममासे, कालगयं चेव सुद्धस्स ३० ॥६॥ वंदामि ‘अज्जधम्मं’ च, सुव्वयं सील-लद्धिसंपन्नं । जस्स निक्खमणे देवो, छत्तं वरमुत्तमं वहइ ३१ ॥७॥ ‘हत्थि’ कासव-गुत्तं, धम्मं सिव-साहगं पणिवयामि । ‘सीहं’ कासव-गुत्तं, ३२ ‘धम्मं’ पि य कासवं ३३ वंदे ॥८॥ तं वंदिऊण सिरसा, थिरसत्त-चरित्त-नाणसंपन्नं । थेरं च ‘अज्जजंबुं’, गोयमगुत्तं नमंसामि ३४ ॥९॥ मिउ-मद्दव-संपन्नं, उवउत्तं नाण-दंसण-चरित्ते । थेरं च ‘नंदियं’ पि य, कासव-गुत्तं पणिवयामि ३५ ॥१०॥ तत्तो य थिरचरित्तं, उत्तम-सम्मत्त-सत्त-संजुत्तं । ‘देवड्ढि-गणि-खमासमणं’, माढर-गुत्तं नमंसामि ३६ ॥११॥ तत्तो अणुओग-धरं, धीरं मइ-सागरं महासत्तं । थिरगुत्त-खमासमणं,

मूळ

॥ ९४ ॥

कल्पसूत्र

॥ ९५ ॥

वच्छसगुत्तं पणिवयामि ३७ ॥१२॥ तत्तो य नाण-दंसण-चरित्त-तव-सुठ्ठियं गुण-  
महंतं । थेरं 'कुमार-धम्मं', वंदामि गणिं गुणो-ववेयं ३८ ॥१३॥ सुत्तत्थ-रयण-भरिए,  
खम-दम-मद्व-गुणेहिं संपन्ने । 'देविड्ढि-खमासमणे', कासव-गुत्ते पणिवयामि  
३९ ॥१४॥

॥ इति स्थविराली नामकं द्वितीयं वाच्यम् ॥२॥

॥ अथ सामाचारी ॥

ते णं काले णं ते णं समए णं समणे भगवं महावीरे वासाणं स-वीसइ-राए मासे  
विइक्कंते वासावासं पज्जोसवेइ ॥सू. १॥ से केणठ्ठेणं भंते ! एवं वुच्चइ ? समणे भगवं  
महावीरे वासाणं सवीसइ-राए मासे विइक्कंते वासावासं पज्जोसवेइ ? जओ णं पाएणं  
अगारीणं अगाराइं कडियाइं उ-क्कंपियाइं छन्नाइं लित्ताइं गुत्ताइं घट्ठाइं मट्ठाइं  
सं-पधूमियाइं खाओदगाइं खाय-निद्धमणाइं अप्पणो अट्ठाए कडाइं परिभुत्ताइं  
परि-णामियाइं भवंति, से तेणठ्ठेणं एवं वुच्चइ समणे भगवं महावीरे वासाणं

मूळ

॥ ९५ ॥

कल्पसूत्र

॥ ९६ ॥

स-वीसइ-राए मासे विइक्कंते वासावासं पज्जोसवेइ ॥सू. २॥

जहा णं समणे भगवं महावीरे वासाणं स-वीसइ-राए मासे विइक्कंते वासावासं पज्जोसवेइ, तहा णं गणहरावि वासाणं सवीसइ-राए मासे विइक्कंते वासावासं पज्जोसविति ॥सू. ३॥ जहा णं गणहरा वासाणं सवीसइ-राए जाव पज्जोसविति, तहा णं गणहर-सीसावि वासाणं जाव पज्जोसविति ॥सू. ४॥ जहा णं गणहर-सीसा वासाणं जाव पज्जोसविति, तहा णं थेरावि वासाणं जाव पज्जोसविति ॥सू. ५॥ जहा णं थेरा वासाणं जाव पज्जोसविति, तहा णं जे इमे अज्जत्ताए समणा निग्गंथा विहरंति, एएवि अ णं वासाणं जाव पज्जोसविति ॥सू. ६॥ जहा णं जे इमे अज्जत्ताए समणा निग्गंथा वासाणं सवीसइ-राए मासे विइक्कंते वासावासं पज्जोसविति, तहा णं अम्हंपि आयरिया उवज्झाया वासाणं जाव पज्जोसविति ॥सू. ७॥ जहा णं अम्हं आयरिया उवज्झाया वासाणं जाव पज्जोसविति, तहा णं अम्हेवि वासाणं सवीसइ-राए मासे विइक्कंते वासावासं पज्जोसवेमो, अंतरावि य से कप्पइ, नो से कप्पइ तं रयणिं उवायणा-वित्ताए ॥सू. ८ ॥ (२६०)

मूळ

॥ ९६ ॥

कल्पसूत्र

॥ ९७ ॥

वासावासं पज्जोसवियाणं कप्पइ निग्गंथाण वा निग्गंथीण वा सव्वओ समंता सक्कोसं जोयणं ओग्गहं ओगिण्हत्ता णं चिट्ठित्तं अहा-लंदमवि ओग्गहे ॥सू. ९॥ वासावासं पज्जोसवियाणं कप्पइ निग्गंथाण वा निग्गंथीण वा सव्वओ समंता सक्कोसं जोयणं भिक्खायरियाए गंतुं पडि-नियत्तए ॥सू. १०॥ जत्थ नई निच्चोयगा निच्च-संदणा, नो से कप्पइ सव्वओ समंता सक्कोसं जोयणं भिक्खा-यरियाए गंतुं पडि-नियत्तए ॥सू. ११॥ एरावई कुणालाए, जत्थ चक्किया सिया, एगं पायं जले किच्चा एगं पायं थले किच्चा-एवं चक्किया एवं णं कप्पइ सव्वओ समंता सक्कोसं जोयणं भिक्खा-यरियाए गंतुं पडि-नियत्तए ॥सू. १२॥ एवं च नो चक्किया, एवं से नो कप्पइ सव्वओ समंता सक्कोसं जोयणं भिक्खा-यरियाए गंतुं पडिणियत्तए ॥सू. १३॥

वासावासं पज्जोसवियाणं अत्थे-गइयाणं एवं वुत्त-पुव्वं भवइ-दावे भंते ! एवं से कप्पइ दावित्तए, नो से कप्पइ पडि-गाहित्तए ॥सू. १४॥ वासावासं पज्जोसवियाणं अत्थे-गइयाणं एवं वुत्त-पुव्वं भवइ-पडिगाहेहि भंते ! एवं से कप्पइ पडि-गाहित्तए, नो से कप्पइ दावित्तए ॥सू. १५॥ वासावासं पज्जोसवियाणं अत्थे-गइयाणं एवं वुत्त-

मूळ

॥ ९७ ॥

कल्पसूत्र

॥ ९८ ॥

पुव्वं, भवइ-दावे भंते ! पडि-गाहेहि भंते ! एवं से कप्पइ दावित्तएवि पडि-गाहित्तएवि ॥सू. १६॥ वासावासं पज्जोसवियाणं नो कप्पइ निग्गंथाणं वा निग्गंथीण वा हट्ठाणं तुट्ठाणं आरोग्गाणं बलिय-सरीराणं इमाओ नव रस-विगइओ अभिक्खणं अभिक्खणं आहारित्तए, तं जहा-खीरं १, दहिं २, नवणीयं ३, सप्पि ४, तिल्लं ५, गुडं ६, महुं ७, मज्जं ८, मंसं ९ ॥सू. १७॥

वासावासं पज्जो-सवियाणं अत्थे-गइयाणं एवं वुत्त-पुव्वं भवइ, अट्ठो भंते ! गिलाणस्स ? से य वएज्जा अट्ठो, से अ पुच्छियव्वो-केवइएणं अट्ठो ? से य वएज्जा-एवइएणं अट्ठो गिलाणस्स, जं से पमाणं वयइ से य पमाणओ घित्तव्वे, से य विन्नविज्जा, से य विन्नवेमाणे लभिज्जा, से य पमाण-पत्ते होउ अलाहि-इय वत्तव्वं, सिआ, से किमाहु ? भंते ! एवइएणं अट्ठो गिलाणस्स, सिया णं एवं वयंतं परो वइज्जा-पडिगाहेह अज्जो ! पच्छा तुमं भोक्खसि वा पाहिसि वा, एवं से कप्पइ पडि-गाहित्तए, नो से कप्पइ गिलाण-नीसाए पडि-गाहित्तए ॥सू. १८ (२७०)॥ वासावासं पज्जो-सविआणं अत्थि णं थेराणं तह-प्पगाराइं कुलाइं कडाइं पत्तियाइं

मूळ

॥ ९८ ॥

कल्पसूत्र

॥ १९ ॥

थिज्जाइं वेसा-सियाइं सम्मयाइं बहुमयाइं अणुमयाइं भवन्ति, तत्थ से नो कप्पइ अदक्खु वइत्ताए-अत्थि ते आउसो ! इमं वा इमं वा, से किमाहु ? भन्ते !, सड्ढी गिही गिण्हइ वा, तेणियंपि कुज्जा ॥सू. १९॥

वासावासं पज्जोसवियस्स निच्च-भत्तियस्स भिक्खुस्स कप्पइ एगं गोयर-कालं गाहावइ-कुलं भत्ताए वा पाणाए वा निक्खमित्ताए वा पविसित्ताए वा, नन्नत्था-यरिय-वेयावच्चेण वा एवं उवज्झाय-वेयावच्चेण वा, तवस्सि-वेयावच्चेण वा, गिलाण-वेयावच्चेण वा, खुड्डुएण वा खुड्ढियाए वा अव्वंजण-जायएण वा ॥सू. २०॥ वासावासं पज्जोसवियस्स चउत्थ-भत्तियस्स भिक्खुस्स अयं एवइए विसेसे-जं से पाओ निक्खम्म पुव्वामेव वियडगं भुच्चा पिच्चा पडिग्गहगं संलिहिय संपमज्जिय से य संथरिज्जा, कप्पइ से तद्विवसं तेणेव भत्तट्ठेणं पज्जोसवितए-से य नो संथरिज्जा, एवं से कप्पइ दुच्चंपि गाहावइ-कुलं भत्ताए वा पाणाए वा निक्खमित्ताए वा पविसित्ताए वा ॥सू. २१॥

मूळ

॥ १९ ॥

कल्पसूत्र

॥ १०० ॥

वासावासं पज्जो-सवियस्स छट्ठ-भत्तियस्स भिक्खुस्स कप्पंति दो गोयर-काला गाहावइ-कुलं भत्ताए वा पाणाए वा निक्खमित्ताए वा ॥सू. २२॥ वासावासं पज्जोसवियस्स अट्ठम-भत्तियस्स भिक्खुस्स कप्पंति तओ गोअर-काला गाहावइ-कुलं भत्ताए वा पाणाए वा निक्खमित्ताए वा पविसित्ताए वा ॥सू. २३॥ वासावासं पज्जोस-वियस्स विगिट्ठ-भत्तियस्स भिक्खुस्स कप्पंति सव्वेवि गोअर-काला गाहावइ-कुलं भत्ताए वा पाणाए वा निक्खमित्ताए वा पविसित्ताए वा ॥सू. २४॥

वासावासं पज्जोसवियस्स निच्च-भत्तियस्स भिक्खुस्स कप्पंति सव्वाइं पाणगाइं पडि-गाहत्ताए । वासावासं पज्जोसवियस्स चउत्थ-भत्तियस्स भिक्खुस्स कप्पंति तओ पाणगाइं पडि-गाहत्ताए । तं जहा-उस्सेइमं, संसेइमं, चाउलोदगं १। वासावासं पज्जोसवियस्स छट्ठ-भत्तियस्स भिक्खुस्स कप्पंति तओ पाणगाइं पडि-गाहत्ताए, तं जहा तिलोदगं वा, तुसोदगं वा, जवोदगं वा २ । वासावासं पज्जोसवियस्स अट्ठम-भत्तियस्स भिक्खुस्स कप्पंति तओ पाणगाइं पडि-गाहत्ताए, तंजहा-आयामे वा, सोवीरे वा, सुद्धवियडे वा ३। वासावासं पज्जोसवियस्स विगिट्ठ-भत्तियस्स भिक्खुस्स कप्पइ एगे

मूळ

॥ १०० ॥



कल्पसूत्र

॥ १०१ ॥

उसिण-वियडे पडि-गाह्तिए से वि य णं असित्थे नोवि य णं ससित्थे ४। वासावासं पज्जोसवियस्स भत्त-पडि-याइक्खियस्स भिक्खुस्स कप्पइ एगे उसिण-वियडे पडि-गाह्तिए, सेवि य णं असित्थे नो चेव णं ससित्थे सेवि य णं परिपूए नो चेव णं अपरिपूए सेवि य णं परिमिए नो चेव णं अपरिमिए, सेवि अ णं बहु-संपन्ने नो चेव णं अबहु-संपन्ने ॥ सू. २५॥

वासावासं पज्जोसविअस्स संखा-दत्तियस्स भिक्खुस्स कप्पंति पंच दत्तीओ भोयणस्स पडि-गाह्तिए पंच पाणगस्स, अहवा चत्तारि भोयणस्स पंच पाणगस्स, अहवा पंच-भोअणस्स चत्तारि पाणगस्स १। तत्थ णं एगा दत्ती लोणा-सायण-मित्तमवि पडि-गाहिआ सिआ, कप्पइ से तद्विवसं तेणेव भत्तट्ठेणं पज्जोसवित्तिए, नो से कप्पइ दुच्चंपि गाहावइ-कुलं भत्ताए वा पाणाए वा निक्खमिच्चिए वा पविसित्तिए वा २ ॥सू. २६॥ वासावासं पज्जोसवियाणं नो कप्पइ निग्गंथाण वा निग्गंथीण वा जाव उवस्सयाओ सत्त-घरंतरं संखडिं संनियट्ठ-चारिस्स एत्तए, एगे पुण एवमाहंसु-नो कप्पइ जाव उवस्सयाओ परेणं सत्त-घरंतरं संखडिं संनियट्ठ-चारिस्स एत्तए, एगे पुण एवमाहसु

मूळ

॥ १०१ ॥

कल्पसूत्र

॥ १०२ ॥

—नो कप्पइ जाव उवस्सयाओ परंपरेणं संखडिं सन्नियट्ट—चारिस्स एत्ताए ॥सू. २७॥

वासावासं पज्जोसवियस्स नो कप्पइ पाणि—पडिग्गहियस्स भिक्खुस्स कणग—  
फुसिय—मित्तमवि वुट्ठि—कायंसि निवयमाणंसि जाव गाहावइ—कुलं भत्ताए वा पाणाए  
वा निक्खमित्ताए वा पविसित्ताए वा ॥सू. २८ (२८०) ॥ वासावासं पज्जोसवियस्स  
पाणि—पडिग्गहियस्स भिक्खुस्स नो कप्पइ अगिहंसि पिंडवायं पडि—गाहिता  
पज्जोसवित्ताए, पज्जोसवेमाणस्स सहसा वुट्ठिकाए निवइज्जा देसं भुच्चा देस—मादाय से  
पाणिणा पाणिं परि—पिहिता उरंसि वा णं निलिज्जा कक्खंसि वा णं समा—हडिज्जा,  
अहा—छन्नाणि वा लेणाणि वा उवागच्छिज्जा, रुक्ख—मूलाणि वा उवागच्छिज्जा, जहा  
से तत्थ पाणिंसि दगे वा दगरए वा दग—फुसिआ वा णो परि—यावज्जई ॥सू. २९॥  
वासावासं पज्जोसवियस्स पाणि—पडिग्गहियस्स भिक्खुस्स जं किंचि कणग—फुसिय—  
मित्तंपि निवडेइ, नो से कप्पइ गाहावइ—कुलं भत्ताए वा पाणाए निक्खमित्ताए वा  
पविसित्ताए वा ॥ सू. ३०॥ वासावासं पज्जोसवियस्स पडिग्गह—धारिस्स भिक्खुस्स नो  
कप्पइ वग्घारिय—वुट्ठिकायंसि गाहावइ—कुलं भत्ताए वा पाणाए वा निक्खमित्ताए वा

मूळ

॥ १०२ ॥

कल्पसूत्र

॥ १०३ ॥

पविसित्ताए वा, कप्पइ से अप्प-वुठ्ठिकायंसि संत-रुत्तरंसि गाहावइ-कुलं भत्ताए वा पाणाए वा निक्खमित्ताए वा पविसित्ताए वा ॥सू. ३१॥ (ग्रं. ११००) वासावासं पज्जोसवियस्स निग्गंत्थस्स निग्गंथीए वा गाहावइ-कुलं पिंडवाय-पडिआए अणु-प्पविठ्ठस्स निगिज्झिय निगिज्झिय वुठ्ठिकाए निवइज्जा, कप्पइ से अहे आरामंसि वा, अहे उवस्सयंसि वा, अहे वियड-गिहंसि वा, अहे रुक्ख-मूलंसि वा उवागच्छित्ताए ॥सू. ३२॥ तत्थ से पुव्वागमणेणं पुव्वाउत्ते चाउलोदणे पच्छाउत्ते भिलिंग-सूवे, कप्पइ से चाउलोदणे पडिगा-हत्ताए, नो से कप्पइ भिलिंग-सूवे पडिगाहत्ताए ॥सू. ३३॥ तत्थ से पुव्वा-गमणेणं पुव्वा-उत्ते भिलिंग-सूवे पच्छा-उत्ते चाउलो-दणे, कप्पइ से भिलिंग-सूवे पडि-गाहत्ताए, नो से कप्पइ चाउलो-दणे पडि-गाहत्ताए ॥सू. ३४॥ तत्थ से पुव्वा-गमणेणं दोवि पुव्वा-उत्ताइं कप्पंति से दोवि पडि-गाहत्ताए । तत्थ से पुव्वा-गमणेणं दोवि पच्छात्ताइं, एवं नो से कप्पंति दोवि पडि-गाहत्ताए, जे से तत्थ पुव्वा-गमणेणं पुव्वा-उत्ते से कप्पइ पडिगाहत्ताए, जे से तत्थ पुव्वा-गमणेणं पच्छाउत्ते, नो से कप्पइ पडि-गाहत्ताए

मूळ

॥ १०३ ॥

कल्पसूत्र

॥१०४॥

॥सू. ३५॥ वासावासं पज्जोसवियस्स निग्गंथस्स निग्गंथीए वा गाहावइ-कुलं पिंडवाय-पडियाए अणु-पविठ्ठस्स निगिज्झिय निगिज्झिय वुठ्ठिकाए निवइज्जा, कप्पइ से अहे आरामंसि वा अहे उवस्सयंसि वा अहे वियड-गिहंसि वा अहे रुक्खमूलंसि वा उवागच्छित्तए, नो से कप्पइ पुव्व-गहिणं भत्त-पाणेणं वेलं उवायणा-वित्तए, कप्पइ से पुव्वामेव वियडगं भुच्चा पिच्चा पडिग्गहगं संलिहिय संलिहिय संपमज्जिय संपमज्जिय एगाययं भंडगं कट्ठु सावसेसे सूरे जेणेव उवस्सए तेणेव उवागच्छित्तए, नो से कप्पइ तं रयणिं तत्थेव उवायणा-वित्तए ॥सू. ३६॥ वासावासं पज्जोसवियस्स निग्गंथस्स निग्गंथीए वा गाहावइ-कुलं पिंडवाय-पडियाए अणु-पविठ्ठस्स निगिज्झिय निगिज्झिय वुठ्ठिकाए निवइज्जा, कप्पइ से अहे आरामंसि वा अहे उवस्सयंसि वा उवागच्छित्तए ॥सू. ३७॥ तत्थ नो से कप्पइ एगस्स निग्गंथस्स एगाए य निग्गंथीए एगओ चिट्ठित्तए १, तत्थ नो कप्पइ एगस्स निग्गंथस्स दुण्हं निग्गंथीणं एगओ चिट्ठित्तए २, तत्थ नो कप्पइ दुण्हं निग्गंथाणं एगाए य निग्गंथीए एगयओ चिट्ठित्तए ३, तत्थ नो कप्पइ दुण्हं निग्गंथाणं दुण्हं निग्गंथीणं य एगयओ चिट्ठित्तए ४, अत्थि य

मूळ

॥ १०४ ॥

कल्पसूत्र

॥ १०५ ॥

इत्थ केइ पंचमे खुड्डए वा खुड्डिया इ वा, अन्नेसिं वा संलोए स-पडि-दुवारे  
एवं ण्हं कप्पइ एगयओ चिठ्ठित्तए ॥सू. ३८ (२९०) ॥ (चित्र नं. ४०)

वासावासं पज्जोसवियस्स निग्गंथस्स गाहावइ-कुलं पिंडवाय-पडियाए अणु  
-पविठ्ठस्स निगिज्झिए निगिज्झिए वुठ्ठिकाए निवइज्जा, कप्पइ से अहे आरामंसि वा  
अहे उवस्सयंसि वा उवागच्छित्तए, तत्थ नो कप्पइ एगस्स निग्गंथस्स एगाए य  
अगारीए एगयओ चिठ्ठित्तए, एवं चउभंगी । अत्थि णं इत्थ केइ पंचमए थेरे वा थेरिया  
वा अन्नेसिं वा संलोए सपडि-दुवारे, एवं से कप्पइ एगयओ चिठ्ठित्तए । एवं चेव  
निग्गंथीए अगारिस्स य भाणियव्वं ॥सू. ३९॥ वासावासं पज्जोसवियाणं नो कप्पइ  
निग्गंथाण वा निग्गंथीण वा अपरिण्णएणं अपरिण्णयस्स अट्ठाए असणं वा पाणं वा  
खाइमं वा साइमं वा जाव पडि-गाहित्तए ॥सू. ४०॥ से किमाहु भंते ! इच्छा परो  
अपरिण्णए भुंजिज्जा, इच्छा परो न भुंजिज्जा ॥सू. ४१॥ वासावासं पज्जोसवियाणं नो  
कप्पइ निग्गंथाण वा निग्गंथीण वा उद-उल्लेण वा स-सिणिद्धेण वा काएणं असणं वा  
पाणं वा खाइमं वा साइमं वा आहारित्तए ॥सू. ४२॥ से किमाहु भंते ! सत्त

मूळ  
चित्र  
नं.  
४०

॥ १०५ ॥

कल्पसूत्र

॥ १०६ ॥

सिणेहा-ययणा पण्णत्ता, तं जहा-पाणी १, पाणि-लेहा २, नहा ३, नह-सिहा ४, भमुहा ५, अहरुट्ठा ६, उत्तरोट्ठा ७। अह पुण एवं जाणिज्जा-विगओदगे मे काए छिन्न-सिणेहे, एवं से कप्पइ असणं वा पाणं वा खाइमं वा साइमं वा आहारित्ताए ॥सू. ४३॥ वासावासं पज्जोसवियाणं इह खलु निग्गंथाण वा निग्गंथीण वा इमाइं अट्ठ सुहुमाइं, जाइं छउमत्थेणं निग्गंथेण वा निग्गंथीए वा अभिक्खणं २ जाणियव्वाइं पासिअव्वाइं पडिलेहि-यव्वाइं भवन्ति, तंजहा-पाण-सुहुमं १ पणग-सुहुमं २, बीअ-सुहुमं ३, हरिय-सुहुमं ४, पुप्फ-सुहुमं ५, अंड-सुहुमं ६, लेण-सुहुमं ७, सिणेह-सुहुमं ८ ॥सू. ४४॥ से किं तं पाण-सुहुमे ? पाण-सुहुमे पंचविहे पन्नत्ते, तं जहा-किण्हे १, नीले २, लोहिए ३, हालिदे ४, सुक्खिले ५ । अत्थि कुंथु अणुद्धरी नामं जा ठिया अ-चलमाणा छउमत्थाणं निग्गंथाण वा निग्गंथीण वा नो चक्खु-फासं हव्व-मागच्छइ, जा अट्ठिया चलमाणा छउमत्थाणं निग्गंथाण वा निग्गंथीण वा चक्खु-फासं हव्व-मागच्छइ, जाव छउमत्थेणं निग्गंथेणं वा निग्गंथीए वा अभिक्खणं अभिक्खणं जाणियव्वा पासियव्वा पडि-लेहियव्वा हवइ, से तं पाण-सुहुमे १ । से किं तं

मूळ

॥ १०६ ॥

कल्पसूत्र

॥ १०६ ॥

सिणेहा-ययणा पण्णत्ता, तं जहा-पाणी १, पाणि-लेहा २, नहा ३, नह-सिहा ४, भमुहा ५, अहरुट्ठा ६, उत्तरोट्ठा ७। अह पुण एवं जाणिज्जा-विगओदगे मे काए छिन्न-सिणेहे, एवं से कप्पइ असणं वा पाणं वा खाइमं वा साइमं वा आहारित्ताए ॥सू. ४३॥ वासावासं पज्जोसवियाणं इह खलु निग्गंथाण वा निग्गंथीण वा इमाइं अट्ठ सुहुमाइं, जाइं छउमत्थेणं निग्गंथेण वा निग्गंथीए वा अभिक्खणं २ जाणियव्वाइं पासिअव्वाइं पडिलेहि-यव्वाइं भवंति, तंजहा-पाण-सुहुमं १ पणग-सुहुमं २, बीअ-सुहुमं ३, हरिय-सुहुमं ४, पुप्फ-सुहुमं ५, अंड-सुहुमं ६, लेण-सुहुमं ७, सिणेह-सुहुमं ८ ॥सू. ४४॥ से किं तं पाण-सुहुमे ? पाण-सुहुमे पंचविहे पन्नत्ते, तं जहा-किण्हे १, नीले २, लोहिए ३, हालिदे ४, सुक्खिले ५ । अत्थि कुंथु अणुद्धरी नामं जा ठिया अ-चलमाणा छउमत्थाणं निग्गंथाण वा निग्गंथीण वा नो चक्खु-फासं हव्व-मागच्छइ, जा अट्ठिया चलमाणा छउमत्थाणं निग्गंथाण वा निग्गंथीण वा चक्खु-फासं हव्व-मागच्छइ, जाव छउमत्थेणं निग्गंथेणं वा निग्गंथीए वा अभिक्खणं अभिक्खणं जाणियव्वा पासियव्वा पडि-लेहियव्वा हवइ, से तं पाण-सुहुमे १ । से किं तं

मूळ

॥ १०६ ॥

કલ્પસૂત્ર

॥ ૧૦૭ ॥

પળગ-સુહુમે ? પળગ-સુહુમે પંચવિહે પળ્ણત્તે, તંજહા-કિળ્ણહે, નીલે, લોહિણે, હાલિદ્દે, સુક્કિલ્લે । અત્થિ પળગ-સુહુમે તદ્વવ-સમાળ-વળ્ણે નામં પળ્ણતે, જે છઠમત્થેણં નિગ્ગંથેણ વા નિગ્ગંથીણ વા જાવ પડિ-લેહિઅવ્વે ભવડ, સે તં પળગ-સુહુમે ૨ ॥ સે કિં તં બીઅ-સુહુમે ? બીય-સુહુમે પંચવિહે પળ્ણતે, તંજહા-કિળ્ણહે જાવ સુક્કિલ્લે । અત્થિ બીઅ-સુહુમે કળિયા-સમાળ-વળ્ણે નામં પળ્ણત્તે, જે છઠમત્થેણં નિગ્ગંથેણ વા નિગ્ગંથીણ વા જાવ પડિ-લેહિઅવ્વે ભવડ, સે તં બીઅ-સુહુમે ૩ । સે કિં તં હરિય-સુહુમે ? હરિય-સુહુમે પંચવિહે પળ્ણત્તે, તંજહા- કિળ્ણહે જાવ સુક્કિલ્લે । અત્થિ હરિય-સુહુમે પુઢવી-સમાળ-વળ્ણે નામં પળ્ણત્તે, જે નિગ્ગંથેણ વા નિગ્ગંથીણ વા અભિક્ખણં અભિક્ખણં જાણિયવ્વે પાસિયવ્વે પડિ-લેહિઅવ્વે ભવડ, સે તં હરિઅ-સુહુમે ૪ । સે કિં તં પુપ્પ-સુહુમે ? પુપ્પ-સુહુમે પંચવિહે પળ્ણત્તે, તંજહા-કિળ્ણહે જાવ સુક્કિલ્લે । અત્થિ પુપ્પ-સુહુમે રુક્ખ-સમાળવળ્ણે નામં પળ્ણત્તે, જે છઠમત્થેણં નિગ્ગંથેણં વા નિગ્ગંથીણ વા જાણિયવ્વે જાવ પડિ-લેહિઅવ્વે ભવડ, સે તં પુપ્પ-સુહુમે ૫ । સે કિં તં અંડ - સુહુમે ? અંડ-સુહુમે પંચવિહે પળ્ણત્તે, તંજહા-ઉદં-સંડે, ઉક્કલિ-યંડે, પિપીલિ-અંડે,

મૂલ

॥૧૦૭॥



કલ્પસૂત્ર

॥૧૦૮॥

હલિઅંડે હલ્લો-હલિ-અંડે, જે નિગ્ગંથેણ વા નિગ્ગંથીએ વા જાવ પડિ-લેહિયવ્વે ભવડ, સે તં અંડ-સુહુમે ૬ । સે કિં તં લેણ-સુહુમે ? લેણ-સુહુમે પંચવિહે પણ્ણત્તે, તંજહા-ઉત્તિંગ-લેણે, ધિંગુ-લેણે, ઉજ્જુએ, તાલ-મૂલએ, સંબુક્કા-વટ્ટે નામં પંચમે, જે છઠમત્થેણં નિગ્ગંથેણ વા નિગ્ગંથીએ વા જાણિયવ્વે જાવ પડિ-લેહિયવ્વે ભવડ, સે તં લેણ-સુહુમે ૭ । સે કિં તં સિણેહ-સુહુમે ? સિણેહ-સુહુમે પંચવિહે પણ્ણત્તે, તંજહા-ઉસ્સા, હિમએ, મહિયા, કરએ હર-તણુએ । જે છઠમત્થેણં નિગ્ગંથેણં વા નિગ્ગંથીએ વા અભિક્ખણં અભિક્ખણં જાવ પડિ-લેહિયવ્વે ભવડ, સે તં સિણેહ-સુહુમે ૮ ॥સૂ.૪૫॥

વાસાવાસં પજ્જોસવિએ ધિક્ખૂં ઇચ્છિજ્જા ગાહાવડ-કુલં ભત્તાએ વા પાણાએ વા નિક્ખમિત્તાએ વા પવિસિત્તાએ વા, નો સે કપ્પડ અણાપુચ્છિત્તા આયરિયં વા ઉવજ્જાયાં વા થેરં વા પવિત્તિં વા ગણિં વા ગણહરં વા ગણા-વચ્છેઅયં વા જં વા પુરઓ કાઠં વિહરડ, કપ્પડ સે આપુચ્છિઠં આયરિયં વા ઉવજ્જાયાં વા થેરં પવિત્તિં ગણિં ગણહરં ગણા-વચ્છેઅયં, જં વા પુરઓ કાઠં વિહરડ- ‘ઇચ્છામિ ણં ભંતે ! તુબ્ભેહિં અબ્ભ-

મૂલ

॥ ૧૦૮ ॥

कल्पसूत्र

॥ १०९ ॥

गुण्णाए समाणे गाहावइ-कुलं भत्ताए वा पाणाए वा निक्खमित्तए वा पविसित्तए वा, ते  
 य से वियरिज्जा एवं से कप्पइ गाहावइ-कुलं भत्ताए वा पाणाए वा निक्खमित्तए वा  
 पवि-सित्तए वा, ते य से नो वियरिज्जा एवं से नो कप्पइ गाहावइ-कुलं भत्ताए वा  
 पाणाए वा निक्खमित्तए वा पविसित्तए वा । से किमाहु भंते ! आयरिया पच्चवायं  
 जाणंति ॥सू. ४६॥ एवं विहार-भूमिं वा वियार-भूमिं वा अन्नं वा जंकिंचि पओअणं,  
 एवं गामा-णुगामं दूइज्जित्तए ॥सू. ४७॥ वासावासं पज्जोसविए भिक्खू इच्छिज्जा  
 अण्णयरिं विगइं आहारित्तए, नो से कप्पइ से अणा-पुच्छित्ता आयरियं वा उवज्झायं  
 वा थेरं पवित्तिं गणिं गणहरं गणा-वच्छेययं वा जं वा पुरओ काउं विहरइ, कप्पइ से  
 आपुच्छित्ता आयरियं वा उवज्झायं वा थेरं पवित्तिं गणिं गणहरं गणावच्छेययं वा जं  
 वा पुरओ काउं विहरइ, 'इच्छामि णं भंते ! तुब्भेहिं अब्भ-गुण्णाए समाणे अन्नयरिं  
 विगइं आहारित्तए, तं एवइयं वा एवइ-खुत्तो वा', ते य से वियरिज्जा एवं से कप्पइ  
 अण्णयरिं विगइं आहारित्तए, ते य से नो वियरिज्जा एवं से नो कप्पइ अण्णयरिं  
 विगइं आहारित्तए, से किमाहु भंते ! आयरिया पच्चवायं जाणंति ॥सू. ४८॥ वासावासं

मूळ

॥ १०९ ॥

कल्पसूत्र

॥ ११० ॥

पज्जोसविए भिक्खू इच्छिज्जा अण्णयरिं तेइच्छियं आउट्ठिए, नो से कप्पइ से अणा-  
 पुच्छित्ता आयरियं वा उवज्झायं वा थेरं पवित्तिं गणिं गणहरं गणावच्छेययं वा जं वा  
 पुरओ काउं विहरइ, कप्पइ से आपुच्छित्ता आयरियं वा उवज्झायं वा थेरं पवित्तिं गणिं  
 गणहरं गणा-वच्छेययं वा जं वा पुरओ काउं विहरइ, 'इच्छामि णं भंते ! तुब्भेहिं  
 अब्भ-णुण्णाए समाणे अण्णयरिं तेइच्छियं आउट्ठिए,' तं एवइयं वा एवइ- खुत्तो वा,  
 ते य से वियरिज्जा एवं से कप्पइ अण्णयरिं तेइच्छियं आउट्ठिए, ते य से नो  
 वियरिज्जा एवं से नो कप्पइ अण्णयरिं तेइच्छियं आउट्ठिए । से किमाहु भंते ! ?  
 आयरिया पच्चवायं जाणंति ॥सू. ४९॥ वासावासं पज्जो-सविए भिक्खू इच्छिज्जा  
 अण्णयरं ओरालं कल्लणं सिवं धण्णं मंगल्लं सस्सिरीयं महानुभावं तवोकम्मं उवसंपज्जित्ता  
 णं विहरित्ते, नो से कप्पइ अणापुच्छित्ता आयरियं वा उवज्झायं वा थेरं पवित्तिं गणिं  
 गणहरं गणावच्छेययं वा, जं वा पुरओ काउं विहरइ, कप्पइ से आपुच्छित्ता आयरियं  
 वा उवज्झायं वा थेरं पवित्तिं गणिं गणहरं गणावच्छेययं वा, जं वा पुरओ काउं  
 विहरइ,- 'इच्छामि णं भंते ! तुब्भेहिं अब्भणुण्णाए समाणे अण्णयरं ओरालं कल्लणं

मूल

॥ ११० ॥

कल्पसूत्र

॥ १११ ॥

सिवं धण्णं मंगल्लं सस्सिरीयं महाणुभावं तवोकम्मं उवसंपज्जित्ता णं विहरित्ताए,' तं  
 एवइयं वा एवइ-खुत्तो वा, ते य से वियरिज्जा एवं से कप्पइ अण्णयरं ओरालं  
 कल्लाणं सिवं धण्णं मंगल्लं सस्सिरीयं महाणुभावं तवोकम्मं उव-संपज्जित्ताणं  
 विहरित्ताए, ते य से नो वियरिज्जा एवं से नो कप्पइ अण्णयरं ओरालं कल्लाणं सिवं  
 धण्णं मंगल्लं सस्सिरीयं महाणुभावं तवोकम्मं उवसंपज्जित्ता णं विहरित्ताए । से किमाहु  
 भंते ! ?, आयरिया पच्चवायं जाणंति ॥सू. ५०॥ वासावासं पज्जोसविए भिक्खू  
 इच्छिज्जा अपच्छिम-मारणंतिय-संलेहणा-जूसणा-जूसिए भत्तपाण-पडियाइक्खिए  
 पाओवगए कालं अणवकंखमाणे विहरित्ताए वा निक्खमित्ताए वा, पविसित्ताए वा असणं  
 वा पाणं वा खाइमं वा साइमं वा आहारित्ताए वा, उच्चारं वा पासवणं वा परिट्ठावित्ताए,  
 सज्झायं वा करित्ताए, धम्म-जागरियं वा जागरित्ताए, नो से कप्पइ अणापुच्छित्ता  
 आयरियं वा उवज्झायं वा थेरं पवित्तिं गणिं गणहरं गणावच्छेययं वा, जं वा पुरओ  
 काउं विहरइ, कप्पइ से आपुच्छित्ता आयरियं वा उवज्झायं वा थेरं पवित्तिं गणिं  
 गणहरं गणा-वच्छेययं वा जं वा पुरओ काउं विहरइ, -'इच्छामि णं भंते !

मूळ

॥ १११ ॥

कल्पसूत्र

॥ ११२ ॥

तुब्भेहिं अब्भणुण्णाए समाणे अपच्छिम-मारणंतिय-संलेहणा-जूसणा-जूसिए  
 भत्तपाण-पडि-याइक्खिए पाओवगए कालं अणव-कंखमाणे विहरित्तिए वा निक्खमित्तिए  
 वा पविसित्तिए वा, असणं वा पाणं वा खाइमं वा साइमं वा आहारित्तिए वा, उच्चारं वा  
 पासवणं वा परिट्ठावित्तिए, सज्झायं वा करित्तिए, धम्मजागरियं वा जागरित्तिए, तं एवइयं  
 वा एवइखुत्तो वा, ते य से वियरिज्जा एवं से कप्पइ, ते य से नो वियरिज्जा, नो  
 से कप्पइ, से किमाहु भंते' ! ?, आयरिया पच्चवायं जाणंति ॥सू. ५१॥ वासावासं  
 पज्जोसविए भिक्खू इच्छिज्जा वत्थं वा पडिग्गहं वा कंबलं वा पायपुंछणं वा अण्णयरिं  
 वा उवहिं आयवित्तिए वा पयावित्तिए वा, नो से कप्पइ एगं वा अणेगं वा  
 अपडिण्णवित्ता गाहावइ-कुलं भत्ताए वा पाणाए वा निक्खमित्तिए वा पविसित्तिए वा,  
 असणं वा पाणं वा खाइमं वा साइमं वा आहारित्तिए, बहिया विहार-भूमिं वा  
 वियारभूमिं वा सज्झायं वा करित्तिए, काउस्सग्गं वा ठाणं वा ठाइट्तिए । अत्थि य इत्थ  
 केइ अभि-समण्णागए अहा-सण्णिहिए एगे वा अणेगे वा, कप्पइ से एवं वइत्तिए-  
 'इमं ता अज्जो ! तुमं मुहुत्तगं जाणेहि जाव ताव अहं गाहावइ-कुलं भत्ताए वा पाणाए वा

मूळ

॥ ११२ ॥

कल्पसूत्र

॥ ११३ ॥

निक्खमित्तए वा पविसित्तए वा, असणं वा पाणं वा खाइमं वा साइमं वा आहारित्तए, बहिया विहार-भूमिं वियार-भूमिं सज्झायं वा करित्तए, काउस्सग्गं वा ठाणं वा ठाइत्तए' से य से पडि-सुणिज्जा एवं से कप्पइ गाहावइ-कुलं भत्ताए वा पाणाए वा निक्खमित्तए वा पविसित्तए वा, असणं पाणं खाइमं साइमं आहारित्तए वा, बहिया विहार-भूमिं वियार-भूमिं सज्झायं करित्तए वा । से य से नो पडि-सुणिज्जा एवं से नो कप्पइ गाहावइ-कुलं भत्ताए वा पाणाए वा निक्खमित्तए वा पविसित्तए वा, असणं पाणं खाइमं साइमं आहारित्तए वा, बहिया विहार-भूमिं वियार-भूमिं सज्झायं करित्तए वा, काउस्सग्गं वा ठाणं वा ठाइत्तए ॥सू. ५२॥ वासावासं पज्जोसवियाणं नो कप्पइ निग्गंथाण वा निग्गंथीण वा अण-भिग्गहिय-सिज्जा-सणियाणं हुत्ताए, आयाण-मेयं, अण-भिग्गहिय-सिज्जा-सणियस्स अणुच्चा-कूइयस्स अणढा-बंधियस्स अमिया-सणियस्स अणा-तावियस्स अ-समियस्स अभिक्खणं अभिक्खणं अ- पडिलेहणा-सीलस्स अपमज्जणा-सीलस्स तहा तहा संजमे दुरा-राहए भवइ ॥ सू. ५३ ॥ अणायाण-मेयं अभिग्गहिय-सिज्जा-सणियस्स उच्चा-कुइयस्स

मूळ

चित्र

नं.

४१

॥ ११३ ॥

कल्पसूत्र

॥ ११३ ॥

निक्खमित्तए वा पविसित्तए वा, असणं वा पाणं वा खाइमं वा साइमं वा आहारित्तए, बहिया विहार-भूमिं वियार-भूमिं सज्झायं वा करित्तए, काउस्सग्गं वा ठाणं वा ठाइट्तए' से य से पडि-सुणिज्जा एवं से कप्पइ गाहावइ-कुलं भत्ताए वा पाणाए वा निक्खमित्तए वा पविसित्तए वा, असणं पाणं खाइमं साइमं आहारित्तए वा, बहिया विहार-भूमिं वियार-भूमिं सज्झायं करित्तए वा । से य से नो पडि-सुणिज्जा एवं से नो कप्पइ गाहावइ-कुलं भत्ताए वा पाणाए वा निक्खमित्तए वा पविसित्तए वा, असणं पाणं खाइमं साइमं आहारित्तए वा, बहिया विहार-भूमिं वियार-भूमिं सज्झायं करित्तए वा, काउस्सग्गं वा ठाणं वा ठाइट्तए ॥सू. ५२॥ वासावासं पज्जोसवियाणं नो कप्पइ निग्गंथाण वा निग्गंथीण वा अण-भिग्गहिय-सिज्जा-सणियाणं हुत्ताए, आयाण-मेयं, अण-भिग्गहिय-सिज्जा-सणियस्स अणुच्चा-कूइयस्स अणट्ठा-बंधियस्स अमिया-सणियस्स अणा-तावियस्स अ-समियस्स अभिक्खणं अभिक्खणं अ- पडिलेहणा-सीलस्स अपमज्जणा-सीलस्स तहा तहा संजमे दुरा-राहए भवइ ॥ सू. ५३ ॥ अणायाण-मेयं अभिग्गहिय-सिज्जा-सणियस्स उच्चा-कुइयस्स

मूळ

चित्र

नं.

४१

॥ ११३ ॥

कल्पसूत्र

॥ ११४ ॥

अठ्ठा-बंधियस्स मिया-सणियस्स आया-वियस्स समियस्स अभिक्खणं अभिक्खणं  
पडिलेहणा-सीलस्स पमज्जणा-सीलस्स तहा तहा संजमे सु-आराहए भवइ ॥सू. ५४॥  
वासावासं पज्जोसवियाणं कप्पइ निग्गंथाण वा निग्गंथीण वा तओ  
उच्चार-पासवण-भूमीओ पडि-लेहत्ताए, न तहा हेमंत-गिम्हासु जहा णं वासासु, से  
किमाहु भंते ! वासासु णं ओसण्णं पाणा य तणा य बीया य पणगा य हरियाणि य  
भवन्ति ॥सू. ५५॥

वासावासं पज्जोसवियाणं कप्पइ निग्गंथाण वा निग्गंथीण वा तओ मत्तागाइं  
गिण्हत्ताए, तंजहा-उच्चार-मत्ताए, पासवण-मत्ताए, खेल-मत्ताए ॥सू. ५६॥ वासावासं  
पज्जोसवियाणं नो कप्पइ निग्गंथाण वा निग्गंथीण वा परं पज्जोसवणाओ गोलोम-  
प्पमाण-मित्तेवि केसे तं रयणिं उवायणा-वित्ताए। अज्जेणं खुर-मुंडेण वा लुक्क-सिरएण  
वा होइयव्वं सिया । पक्खिया आरोवणा, मासिए खुर-मुंडे, अब्बमासिए कत्तरि-मुंडे,  
छम्मासिए लोए, संवच्छरिए वा थेरकप्पे ॥ सू. ५७ ॥ वासावासं पज्जोसवियाणं नो  
कप्पइ निग्गंथाण वा निग्गंथीण वा परं पज्जोसवणाओ अहिगरणं वइत्ताए, जे णं

मूळ

॥ ११४ ॥



कल्पसूत्र

॥ ११५ ॥

निग्गंथो वा निग्गंथी वा परं पज्जोसवणाओ अहिगरणं वयइ, से णं अकप्पेणं  
 “अज्जो ! वयसीत्ति” वत्तव्वे-सिया, जे णं निग्गंथो वा निग्गंथी वा परं पज्जोसवणाओ  
 अहिगरणं वयइ, से णं निज्जूहियव्वे सिया ॥सू. ५८॥ वासावासं पज्जोसवियाणं इह  
 खलु निग्गंथाण वा निग्गंथीण वा अज्जेव कक्खडे कडुए विग्गहे समुप्पज्जित्था सेहे  
 राइणियं खामिज्जा, राइणिएवि सेहं खामिज्जा (ग्रं. १२००) खमियव्वं खमावियव्वं  
 उवसमियव्वं उवसमावियव्वं सुमइ-संपुच्छणा-बहुलेणं होयव्वं । जो उवसमइ तस्स  
 अत्थि आराहणा, जो न उवसमइ तस्स नत्थि आराहणा, तम्हा अप्पणा चेव  
 उव-समियव्वं, से किमाहु भंते ! उवसम-सारं खु सामण्णं ॥सू. ५९॥ वासावासं  
 पज्जोसवियाणं कप्पइ निग्गंथाण वा निग्गंथीण वा तओ उवस्सया गिण्हत्ताए,  
 तंजहा-वेउव्विया पडिलेहा साइज्जिया पमज्जणा ॥ सू. ६०॥ वासावासं पज्जोसवियाणं  
 निग्गंथाण वा निग्गंथीण वा कप्पइ अण्णयरिं दिसिं वा अणुदिसिं वा अवगिज्झिय  
 भत्तपाणं गवेसित्ताए । से किमाहु भंते ! उस्सण्णं समणा भगवंतो वासासु तव-संपउत्ता  
 भवंति, तवस्सी दुब्बले किलंते मुच्छिज्जा वा पवडिज्ज वा, तमेव दिसं वा, अणुदिसं

मूळ

॥ ११५ ॥

कल्पसूत्र

॥ ११६ ॥

वा समणा भगवंतो पडिजागरंति ॥सू. ६१॥ वासावासं पज्जोसवियाणं कप्पइ निग्गंथाण  
वा निग्गंथीण वा गिलाण-हेउं जाव चत्तारि पंच जोयणाइं गंतुं पडि-नियत्तए, अंतरावि  
से कप्पइ वत्थए, नो से कप्पइ तं रंयणिं तत्थेव उवायणावित्तए ॥ सू. ६२ ॥

इच्चेयं संवच्छरिअं थेरकप्पं अहा-सुत्तं अहा-कप्पं अहा-मग्गं अहातच्चं सम्मं  
काएण फासित्ता पालित्ता सोभित्ता तीरित्ता किट्ठित्ता आराहित्ता आणाए अणु-पालित्ता  
अत्थे-गइआ समणा निग्गंथा तेणेव भव-ग्गहणेणं सिज्झंति बुज्झंति मुच्चंति परि-  
निव्वाइंति सव्व-दुक्खाणमंतं करिंति, अत्थेगइया दुच्चेणं भव-ग्गहणेणं सिज्झंति जाव  
सव्व-दुक्खाण-मंतं करिंति, अत्थेगइया तच्चेणं भव-ग्गहणेणं जाव अंतं करिंति,  
सत्तठ्ठ-भव-ग्गहणाइं नाइक्कमंति ॥सू. ६३॥

ते णं काले णं ते णं समए णं समणे भगवं महावीरे रायगिहे नगरे गुण-सिलए  
चेइए, बहूणं समणाणं बहूणं समणीणं बहूणं सावयाणं बहूणं सावियाणं बहूणं देवाणं  
बहूणं देवीणं मज्झगए चेव एवमा-इक्खइ, एवं भासइ, एवं पण्णवेइ, एवं परूवेइ,  
पज्जोसवणा-कप्पो नामं अज्झयणं सअठ्ठं सहेउअं सकारणं ससुत्तं सअत्थं सउभयं

मूळ

॥ ११६ ॥

कल्पसूत्र

॥ ११७ ॥

सवागरणं भुज्जो भुज्जो उवदंसेइ त्ति बेमि ॥ सू. ६४ ॥

इति सामाचारीनामकं तृतीयं वाच्यम् ॥ ३ ॥

इति पज्जोसवणाकप्पं नाम दसासुअक्खंधस्स अठ्ठम-मज्झयणं समत्तं ॥  
(ग्रंथाग्रं १२१५)

॥ श्रुतकेवली श्री भद्रबाहुस्वामिविरचितं  
श्रीमद्दशाश्रुतस्कन्धान्तर्गतं श्री कल्पसूत्रं  
(बारसासूत्रं) समाप्तम् ॥

॥ श्री तपागच्छ-गगनाङ्गण-दिनमणि-पन्न्यासप्रवर-श्री बुद्धिविजय-गणिवर-पादाम्बुज-भृङ्गायमान-पन्न्यास-श्रीमदाणंदविजय-गणिवर-  
चरणचन्द्रचकोर-मुनिप्रवर-श्री हर्षविजय-मुनीन्द्राङ्घ्रि-सरसिरुह-मानस-राजहंस-तपोमूर्ति-जैनाचार्य-श्रीमद्विजय कर्पूर-सूरीश्वर-पट्टधर-  
शासनप्रतिवादीभकण्ठीरव-हालारदेशोद्धारक-कविरत्नाचार्यदेव-श्रीमद्विजयामृतसूरीश्वर-चञ्चलचरणचञ्चरीक प्राचीनसाहित्यो-  
द्धारकाचार्य-देवश्री विजय-जिनेन्द्र सूरीश्वर-संशोधित-सम्पादित-श्रीमत्कल्पसूत्रं समाप्तम् ॥

मूळ

॥ ११७ ॥



श्री हर्षपुष्पामृत जैन ग्रन्थमाला – ग्रन्थाङ्कः ७३

श्री महावीर जिनेन्द्राय नमः ।

॥ तपोमूर्ति पूज्याचार्यदेवश्री विजयकर्पूरसूरिगुरुभ्यो नमः । हालारदेशोद्धारक – पूज्याचार्यदेव श्रीविजयामृतसूरिगुरुभ्यो नमः ॥

चतुर्दशपूर्वधर-श्रुतकेवली-श्रीमद्भद्रबाहुस्वामी-विरचितं श्री पर्युषणाकल्पाख्यं

## ॥ श्री कल्पसूत्रम् (बारसा-सूत्रम्) (मूलम्) ॥

संपादकः संशोधकश्च-तपोमूर्ति-पूज्याचार्यदेवश्रीमद्विजयकर्पूरसूरीश्वर-पट्टालङ्कार-हालारदेशोद्धारक

कविरत्न-पूज्याचार्यदेवश्रीमद्विजयामृतसूरीश्वर-पट्टधरः

पूज्याचार्यदेव श्री विजयजिनेन्द्र सूरीश्वरः

प्रकाशिका- श्री हर्षपुष्पामृत जैन ग्रन्थमाला, लाखाबावल-शांतिपुरी (सौराष्ट्र)

मूल्यं रु.६०-००

॥ २ ॥



प्रकाशिका  
श्री हर्षपुष्पामृत जैन ग्रन्थमाला, (लाखाबावल)  
C/o. श्रुतज्ञान भवन, ४५, दिग्विजय प्लोट, जामनगर.

वीर सं. २५१९

विक्रम सं. २०४९

सन् १९९३

मूल्य : रु. ~~१५००००~~ ६०-००

-: प्राप्तिस्थान :-

(१)	श्री हर्षपुष्पामृत जैन ग्रंथमाला :	■ C/o. श्रुतज्ञान भवन, ४५, दिग्विजय प्लोट, जामनगर
(२)	महेता मगनलाल चत्रभूज :	■ शाक मारकीट सामे, जामनगर
(३)	सेवंतिलाल वी. जैन :	■ २०, महाजन गली, मुंजई-२
(४)	सरस्वती पुस्तक भंडार :	■ हाथीखाना रतनपोळ, अमदावाद
(५)	सोमचंद डी. शाह :	■ जीवन निवास सामे, पालीताणा
(६)	प्रकाशकुमार अमृतलाल दोशी :	■ 'वीतराग' १०-१३, जयराज प्लोट, राजकोट

मुद्रक : गेलेक्सी प्रिन्टर्स, ढेबर चोक, राजकोट.

कोम्प्युटर टाइप सेटींग : अपल टाईपोलोजी, एस.टी. बस स्टेशन पाछळ, राजकोट.

॥ २ ॥



॥ ३ ॥

## संपादकीय निवेदन

निष्कारणबंधु विश्ववत्सल चरमशासनपति श्रमण भगवान महावीरदेवे भव्यजीवोना हितने माटे स्थापेल शासन आजे विद्यमान छे अने विषम कालमां पण भव्य जीवोने माटे सर्वज्ञ परमात्मानुं ए शासन परम आलंबन रूप छे. तीर्थकरदेवोनी अविद्यमानतामां तेओश्रीनी वाणी शासननां प्राण स्वरूप होय छे. श्री तीर्थकरदेवोअे अर्थथी प्ररूपेल अने गणधरदेवोअे सूत्रथी गूंथेल जिनवाणी हितकांक्षी पुन्यात्माओ माटे अमृत तुल्य छे.

विद्यमान आगम श्रुतज्ञानमां मुख्यतया ४५ आगम गणाय छे. ते उपरांत पण ८४ आगमनी गणतरीने हिसाबे बीजु पण केटलूंक आगम रूपी श्रुतज्ञान विद्यमान छे. आगम सूत्रो उपर निर्युक्तिओ, भाष्यो, चूर्णिओ अने टीकाओ रचायेल छे. अने अेथी सूत्र सहित आगमनी अे पंचांगी जैन शासनमां मान्य छे. तेना आधारे वर्तमान ज्ञानाचार, दर्शनाचार, चारित्राचार, तपाचार अने वीर्याचार रूप व्यवहार प्रवर्ते छे. सम्यग्दर्शन सम्यग्ज्ञान अने सम्यग्चारित्र रूप मुक्ति मार्ग प्रवर्तमान छे.

पंचांगीनो वाचना, पृच्छना, परावर्तना, अनुप्रेक्षा अने धर्मकथा रूप पंचलक्षण स्वाध्याय जेटलो जोरदार तेटली श्री संघमां सम्यग्ज्ञाननी शुद्धि जोरदार, तेनाथी ज्ञानाचार उज्ज्वल, उज्ज्वल ज्ञानाचारथी दर्शनाचार उज्ज्वल, उज्ज्वल दर्शनाचारथी चारित्राचार उज्ज्वल, उज्ज्वल चारित्राचारथी तपाचार उज्ज्वल अने अे चारे उज्ज्वल आचारथी वीर्याचार उज्ज्वल, वीर्याचारनी उज्ज्वलताथी जैनशासन उज्ज्वल, ए उज्ज्वल जैन शासन सदा जयवंत वर्ते छे.

आम शासननो आधार कहो के पायो कहो, मूल कहो के प्राण कहो, अे श्री जिनवाणी छे अने ते जिनवाणी ४५ मूल आगम सहित पंचांगी स्वरूप छे. पंचांगीने अनुसरता प्रकरण ग्रन्थो यावत् स्तवन सज्झाय के नाना निबंध के वाक्य स्वरूप छे. उपशम विवेक संवर अे त्रिपदी स्वरूप जिनवाणीथी घोर पापी चिलातीपुत्र पतनना मार्गथी नीकली प्रगतिमार्गना मुसाफर बनी गया हता.

४५ मूल आगमना अधिकारी योगवाही गुरुकुलवासी सुविहित मुनिवरो छे, साध्वीजी महाराजो श्रीआवश्यक सूत्र आदि मूल

॥ ३ ॥

॥ ૪ ॥

સૂત્રોના તેમજ ઉત્તરાધ્યયન, શ્રીઆચારાંગ સૂત્રના યોગવહન કરવા પૂર્વક અધિકારી છે. શ્રાવક શ્રાવિકાઓ ઉપધાન વહન કરવા પૂર્વક શ્રી આવશ્યક સૂત્ર ઉપરાંત દશવૈકાલિકસૂત્રના ષડ્જીવ-નિકાય-નામના ચોથા અધ્યયન પર્યંતના શ્રુતના અધિકારી છે. આમ આગમશ્રુતના અધિકારી મુનિવરો યોગવહન કરવા પૂર્વક યોગ્યતા મુજબ અધ્યયન આદિ કરીને પોતાના જ્ઞાન દર્શન ચારિત્રને નિર્મલ બનાવે છે અને યોગ્યતા મુજબ વાચના, ધર્મકથા દ્વારા જિણવાળીનું પાન કરાવી સાધુ-સાધ્વી-શ્રાવક-શ્રાવિકા રૂપ ચારે પ્રકારના સંઘને તેમજ માર્ગાભિમુખ જીવોને મુક્તિમાર્ગ પ્રદાન કરે છે.

૪૫ આગમસૂત્રો ૬ વિભાગોમાં વહેંચાયેલ છે. (૧) અંગસૂત્રો ૧૧ (૨) ઉપાંગસૂત્રો ૧૨ (૩) પયન્નાસૂત્રો-૧૦ (૪) છેદસૂત્રો-૬ (૫) મૂલસૂત્રો - ૪ (૬) ચૂલિકાસૂત્રો - ૨. આ સૂત્રોનું સ્વાધ્યાય આદિ અધ્યયન વધે તે માટે ઉપયોગી બને તે રીતે ૪૫ મૂલ સૂત્રો શ્વેતાંબર મૂર્તિપૂજક શ્રીસંઘમાં સઠ્ઠંગ મુદ્રિત અનુકૂલતા થાય તે માટે શક્ય પ્રયત્ન સંશોધન કરીને પ્રગટ કરવામાં આવ્યા છે.

આ શ્રી કલ્પસૂત્રના કર્તા ચૌદપૂર્વધર શ્રુતકેવલી શ્રી ભદ્રબાહુસ્વામીજી છે.

આ સૂત્રના સંપાદનમાં શ્રી લીંબડી જૈન મંડાર, શ્રી ચંખાત શાંતિનાથજી તાડપત્રીય જ્ઞાનમંડારની હસ્ત પ્રતો તેમજ જૈન આત્માનંદ સભા, શ્રી દેવચંદ લાલભાઈ પુસ્તકોદ્ધારક ફંડ, પં. મફતલાલ ઝવેરચંદ, શ્રાવક ભીમસિંહ માણેક પ્રકાશિત સૂત્રો તથા ટીકાઓનો ઉપયોગ કર્યો છે. ટીકાઓમાં પૂ. ઉ. શ્રી વિનય વિજયજી ગણિવર કૃત સુબોધિકા પૂ. ઉ. શ્રી ધર્મસાગરજી મ. કૃત કિરણાવલી, પૂ. ઉ. શ્રી લક્ષ્મીવલ્લભ ગણિકૃત કલ્પદ્રુમકલિકા પં. શ્રી સંઘવિજયજી ગણિકૃત પ્રદિપિકા, પં. શ્રી જયસોમગણીકૃત દીપિકા આદિનો ઉપયોગ કર્યો છે.

ટીકાઓ આદિમાં રહેલા પાઠાંતરો મેલવીને મૂલપાઠ જોડે કૌંશમાં આપેલા છે.

શ્રી શ્રમણ સંઘમાં આગમો કંઠસ્થ કરવામાં, સ્વાધ્યાય કરવામાં, વિસ્તૃત ટીકાઓના વાંચન પછી મૂલસૂત્રોનું પુનરાવર્તન કરવામાં, મૂલ સૂત્રોના આ સંયુક્ત સંપાદનથી ઘણી અનુકૂલતા રહેશે. અને એથી હોંશે હોંશે ઉત્સાહી મુનિ ભગવંતો સૂત્રો કંઠસ્થ કરીને આગમ શ્રુતને ધારણ કરવા માટે પણ સમર્થ બની શકશે. ૨, ૫, કે ૧૦, ૨૦ સૂત્ર કંઠસ્થ કરનારા પુરતો પ્રયત્ન કરે તો લગભગ એક

॥ ૪ ॥



॥ ૫ ॥

લાખ શ્લોક પ્રમાણ મૂલ સૂત્રો કંઠસ્થ કરી ધારી રાખનારા અનેક ગણો મુનિવરોમાં થઈ શકશે. ‘જ્ઞાનધના: સાધવ:’ ‘શાસ્ત્રચક્ષુષ: સાધવ:’ એ વિધાન મુજબ શ્રમણ સંઘના પ્રાણ સમાન આ આગમ સૂત્રોનું શ્રી શ્રમણ ભગવંતો દ્વારા વિશેષ પરિશીલન થતાં શ્રીસંઘને માટે શ્રી શાસનને માટે ઘણી ઉજ્જ્વલતા ફેલાશે અને એ આશયથી સ્વપરના શ્રેયકારી આગમ સૂત્રોનાં સંશોધન સંપાદનમાં અવિરત ઉત્સાહ પ્રવર્તમાન છે. આગમ પંચાંગી આદિ સાહિત્ય પ્રકાશિત થાય છે. આ બારસા સૂત્ર પ્રથમ ૨૦૩૨ માં મૂલ પ્રગટ થયેલ પાછળથી ચિત્રો છપાયેલા. ચિત્ર સહિત પ્રકાશિત પણ થાય છે. સમાસ છૂટા પાડીને સરલતાથી વાંચી શકાય તેમ કર્યું છે.

ચરમ તીર્થપતિ શ્રમણ ભગવાન મહાવીર દેવે પ્રકાશેલ જિનવાણીનો પ્રભાવ પાંચમા આરાના છેડા સુધી રહેશે. એ જ્વલંત જિનવાણીનો પ્રકાશ આપણા આત્માને યોગ્યતા અને અધિકાર મુજબ અજવાલનારો બને, જિનવાણીની ઉપાસના ભક્તિમાં ભાવના પૂર્વક રસ લઈ રહ્યો છું તે ભાવોલ્લાસ ટકી રહે અને સૌ શ્રુત આરાધનામાં ઉજમાલ બનીએ એજ મારા અંતરની શુભ અભિલાષા છે.

વીર સં. ૨૫૧૧ વિ. સં. ૨૦૪૧ મહા વદ ૧૦  
મંગલવાર તા. ૧૬-૨-૧૩  
જૈન ઉપાશ્રય, ૪૫, દિગ્વિજય પ્લોટ, જામનગર

હાલારદેશોબ્ધારક કવિરત્ન  
પૂજ્ય આચાર્યદેવ શ્રીમદ્વિજય અમૃતસૂરીશ્વરજી મહારાજાનો ચરણસેવક-  
જિનેન્દ્રસૂરી

॥ ૫ ॥

॥ ६ ॥

## सादर समर्पण

महान तपोनिधि दादा पू. पंन्यास श्री मणिविजयजी गणिवरना शिष्यरत्न पूज्यपाद शासनशिरोमणि पंन्यास श्री बुद्धिविजयजी (बुटेरायजी) गणिवरना शिष्यरत्न विद्वान् चारित्ररत्न पंन्यास श्री आणंदविजयजी गणिवरना शिष्यरत्न—बालब्रह्मचारी निस्पृहीशिरोरत्न मुनिमंडलाग्रेसर पूज्य मुनिराजश्री हर्षविजयजी महाराजाना शिष्यरत्न महानतपोनिधि पूज्य आचार्यदेव श्री विजय कर्पूरसूरीश्वरजी महाराजाना पट्टधर पूज्यपाद प्रशान्तमूर्ति प्रकृष्टवक्ताः प्रवचनप्रभावक हालारदेशोद्धारक कविरत्न

पू. आचार्यदेव श्री विजयामृतसूरीश्वरजी महाराजा

जेओश्रीए श्री महावीर परमात्माना कल्याणकारी शासननो भव्यजीवोना हितने माटे प्रचार करतां अनेक पुन्यात्माओने अरिहंतशासनना रागी बनावी मुक्तिमार्गना पथिक बनाव्या छे. ते साथे मने पण अज्ञान अने मिथ्यात्वना घेरा वमळमांथी खेंची, संसार पारावार पार पमाडवा भव्य यानपात्र सम संयमधर्ममां स्थापन कर्यो अने मारी संयमसाधनानी सफलता माटे अने सम्यग्ज्ञानादिना विकास माटे सतत हितचिंता सेवी छे. तेओश्रीना ए महान उपकारोनी स्मृतिमां यत्किंचित् कृतज्ञता रूपे तेओश्रीने

## श्री कल्पसूत्र

सादर वंदना साथे समर्पण करी कृतकृत्यता अनुभवुं छुं.

गुरुचरणचथश्चरिक  
जिनेन्द्रसूरि.

॥ ६ ॥

॥ ७ ॥

## પ્રકાશકીય નિવેદન

અમારી ગ્રન્થમાલા તરફથી પ્રાચીન સાહિત્ય તેમજ આગમ સાહિત્યના વિષયમાં સંશોધન પ્રકાશન થાય છે તેમાં ૪૫ આગમ મૂળ તથા અનેક પ્રાચીન સાહિત્ય પ્રકાશિત થયું છે. આગમ પંચાંગી ચાલુ છે. જેમાં સારા પ્રમાણમાં પ્રયત્નો ચાલુ છે.

આ બારસા સૂત્ર મૂલ મોટા ટાઇપમાં વિ. સ. ૨૦૩૨ માં પ્રગટ થયું હતું. તે હવે સચિત્ર પ્રકાશિત થયું તેમાં પળ પૂર્વે કરતા વધુ સરલતા રહે તેથી વધુ સમાસ છૂટા કર્યા છે. ચિત્રોના નંબર સૂત્ર સાથે છાપ્યા છે જેથી વાંચકને તથા ચિત્રદર્શન માટે સરલતા રહે.

આ સૂત્રનું સંશોધન ફરી પ્રતો મેલવીને હાલારદેશોદ્ધારક પૂ.આ. શ્રી વિજયઅમૃતસૂરીશ્વરજી મહારાજાના પટ્ટધર સાહિત્યોદ્ધારક પૂ. આ. શ્રી વિજય જિનેન્દ્રસૂરીશ્વરજી મહારાજે સંશોધન સંપાદન કર્યું છે. અધિકાર મુજબ આ મહાન સૂત્રનો સદુપયોગ થાય એજ મંગલ ભાવના ।

મંગલવાર તા. ૧૬-૨-૯૩  
શાક મારકેટ સામે, જામનગર.

મહેતા મગનલાલ ચત્રભુજ  
વ્યવ. શ્રી હર્ષપુષ્પામૃત જૈન ગ્રંથમાલા

॥ ७ ॥

॥ ८ ॥

## अनुक्रमणिका

॥ १ ॥ प्रथमं वाच्यम् ॥

१	श्रीमहावीरजिनेन्द्रचरित्रम्	१
२	श्रीपार्श्वनाथजिनेन्द्रचरित्रम्	७०
३	श्रीनेमिनाथजिनेन्द्रचरित्रम्	७७
४	अन्तराणि	८२
५	श्रीऋषभदेवजिनेन्द्रचरित्रम्	८६

॥ २ ॥ द्वितीयं वाच्यम् ॥

६	स्थविरावली	९३
॥ ३ ॥ तृतीयं वाच्यम् ॥		
७	सामाचारी	१०९

## चित्रक्रम

चित्र नं.	पेज नं.	चित्र नं.	पेज नं.	चित्र नं.	पेज नं.	चित्र नं.	पेज नं.
१	८	११	५०	२१	६३	३१	७४
२	१३	१२	५०	२२	६६	३२	७४
३	१८	१३	५४	२३	६८	३३	७४
४	२२	१४	५६	२४	६८	३४	७९
५	३३	१५	६१	२५	६८	३५	७९
६	४१	१६	६२	२६	६८	३६	८१
७	४२	१७	६२	२७	७०	३७	८३
८	४५	१८	६३	२८	७१	३८	८४
९	४५	१९	६३	२९	७३	३९	८४
१०	४७	२०	६३	३०	७४	४०	१०५
						४१	११६

॥ ८ ॥

# શ્રી હર્ષપુષ્પામૃત જૈન ગ્રન્થમાલા - લાઘાબાવલ

અમારા ચિત્ર પ્રકાશનો

ક્રમ	નામ	મૂલ્ય રૂ.
(૧)	નારકી ચિત્રાવલી (ગુજરાતી)	૪૦
(૨)	નારકી ચિત્રાવલી (હિન્દી)	૪૦
(૩)	નારકી ચિત્રાવલી (અંગ્રેજી)	૪૦
(૪)	સત્કર્મ ચિત્રાવલી (ગુજરાતી)	૩૦
(૫)	સત્કર્મ ચિત્રાવલી (હિન્દી)	૩૦
(૬)	સત્કર્મ ચિત્રાવલી (અંગ્રેજી)	૪૦
(૭)	કલ્પસૂત્ર સચિત્ર (બાલબોધ)	૧૫૦
(૮)	કલ્પસૂત્ર સચિત્ર (ગુજરાતી)	૧૫૦
(૯)	કલ્પસૂત્ર મૂલ (બાલબોધ)	૬૦
(૧૦)	કલ્પસૂત્ર મૂલ (ગુજરાતી)	૬૦
(૧૧)	પૂ. આ. શ્રી રામચન્દ્ર સૂ. મ. જીવન દર્શન (ચિત્રમય)	૧૦૦
(૧૨)	શ્વેતાંવર જૈન તીર્થ દર્શન વિભાગ-૧, વિભાગ-૨	૧૦૦૦
(૧૩)	સામાયિક સૂત્ર સચિત્ર (ગુજરાતી)	૪
(૧૪)	સામાયિક સૂત્ર સચિત્ર (અંગ્રેજી)	૬

C/o. શ્રુતજ્ઞાનભવન ૪૫ દિગ્વિજય પ્લોટ, જામનગર.